

## **NATIONAL ASSEMBLY OF SEYCHELLES**

*Thursday 25<sup>th</sup> March, 2021*

*The Assembly met at 9am*

*National Anthem*

*Moment of Reflection*

*Mr Speaker in the Chair*

### **MR SPEAKER**

Bonzour tou Manm Onorab e osi bonzour tou nou piblik ki a lekout. Nou pe kontinyen avek *Appropriation Bill*. Alor nou a pas dan Staz Komite e nou envit delegasyon ki pe atann silvouple.

Antretan bann Manm sirtou bann lo sa kote latab, yer telefonn in sonnen plizyer fwa. E mon pe demann zot la fer sir tou telefonn i lo *silent* e fotespere nou napa *disturbance* bomaten. Mersi.

### **MAYOR OF VICTORIA DAVID ANDRE**

Byen nou pe pran Bidze of *Mayor of Victoria*. E mon akey delegasyon ki dan lasal pou sa antite. E nou annan avek nou Mr Jean-Francois Ferrari, *Designated Minister* ki pe reprezent Vis-Prezidan e *welcome* osi Mr Damien Thesee,

*PS Finans e Madam Astride Tamatave, Deputy Comptroller General* lo kote Finans.

E lo kote *Office of the Mayor of Victoria* nou annan Mr David Andre Mayor e osi Madam Solange Marimba, *Administrative Assistant*.

Alor Bidze pou *Office of the Mayor of Victoria* i lo paz 620 ziskan 622 pwen total R6milyon 337mil. Mon ava envit *Designated Minister* pou prezant son Bidze please.

### **THE DESIGNATED MINISTER MR JEAN-FRANCOIS FERRARI**

Mersi Mr Speaker. Bonzour tou dimoun ki a lekout. Ozordi nou pou vwar Bidze Departman Kiltir CINEA me nou pou konmans par Bidze pou Mer Lavil Viktorya.

Mon ti ava zis kontan dir ki manda ki Mer Lavil i annan i reste parey, se pou met en pe animasyon, fer lavil vin vibran e annan bann servis ki efikas dan en lanvironnman ki prop, ki konfortab. E ki anmenn sekirite pou tou bann dimoun Seselwa konman viziter ki antre dan Lavil Viktorya.

Alors bokou travay ki Mer Lavil i fer se dan bann *partnership* ki i devlope avek bann akter lokal, e sa i pran en

bon pe son Bidze e son bann letan.

Alors zot ava war Mr Speaker ki in annan bann *achievements* ki Mer David Andre in fer pandan sa detrwa lannen. E lentansyon Gouvernman se pou ankouraz li pou li *build* lo sa bann sikse.

E devlop lavil dan en fason ki vreman atraktiv pou fer li vin sa kapital Kreol parey nou kontan dir.

Alors Bidze Mr Speaker pa'n bokou ogmante konpare avek Bidze 2019 mon pe dir. Akoz 2020 in en lannen difisil. In en lannen kot bokou *savings* in bezwen ganny fer. Bokou proze ki ti sipoze ganny fer ki'n ganny met lo *pause*. E la nou anvi re-lans sa aktivite dan lannen 2021.

Ozordi i en zour en pe istorik Mr Speaker akoz Sesel pe re-ouver son laport avek lemonn eksteryer. E Minis Derjacques bomaten in dir mwan pou dir zot pe ekspekte plis ki 700 viziter. E sa i en bon nouvel savedir Sesel i reste en landrwa *de choix*, en landrwa atraktiv pou lemonn.

E alors nou bezwen fer nou Kapital vin sa landrwa kot nou atrakte sa bann viziter e nou fer tou sa ki nou kapab pou nou ganny en pe sa bann Dolar,

sa bann Ero ki zot vin avek dan zot pos.

Alors lo bann detay sa Bidze Mr Speaker, *Monsieur Le Maire* i ava reponn. E mon envit bann Manm pou poz zot kestyion e ganny leklersisman. Mersi.

### **MR SPEAKER**

Mersi *Designated Minister*. Nou a konmans avek entervansyon bann Manm. E ankor enn fwa mon fer rapel tou Manm e osi *Panel*, annou reste *concise* e *focus* lo Bidze an konsiderasyon pou letan ki nou annan. Byen. Nou a konmans avek Onorab Sandy Arissol.

### **HON SANDY ARISSOL**

Mr Speaker bonzour. Bonzour Minis Dezinyen avek ou delegasyon. Bonzour tou Manm ki a lekout. Bonzour tou dimoun ki pe ekout nou. Mon annan de pti kestyion pou Mer Lavil.

Mr Speaker Mon kontan letan Minis in refer avek zot manda. Manda se pou nou annan en Viktorya ki vibran. En keksoz ki'n manke pou en bon pe lannen anba Biro Mer Lavil.

E letan Minis Tourizm ti vin dan nou Lasanble i ti dir ek nou pour dir letan *Airport* pou ouver, sa ki li i pe espekte konman Minis Tourizm annan en Viktorya ki vibran. Me pa en

Viktorya ki mor, oubyen en Viktorya ki apre 4er napa nanryen.

Alor mon a ti kontan demann *Monsieur Le Maire* oubyen Minis Dezinyen anba manda avek Bidze ki nou pe donn zot, kwa ki nou pe espekte apre ki nou'n fini avek sa zafer *COVID* nou ava ale kot - parey Prezidan in dir nou pou bezwen viv avek. Be kwa ki nou pe ekspekte pou lavil an relasyon avek zot manda en Viktorya vibran?

Mon 2enm kestyon mon ti a kontan demann *Monsieur Le Maire* se an relasyon avek en travay ki Komite COGA ti fer. Ler nou ti ganny posibilite pou nou al vizit Gaborone, Botswana. Nou ti annan en let ki nou ti desann avek Mer Lavil laba pou annan en lesanz travay ant Lavil Viktorya e osi Gaborone zis parey i annan bann lesanz travay ant Viktorya avek lezot pei.

Mon ti a kontan demande an vi ki *Chairman* sa letan Onorab Gervais Henrie ti anmenn sa let e ti met avek *Monsieur Le Maire*, pou nou konnen anba ou Bidze ki nou pe prezant avek ou, ki bann lesanz ki nou pe ekspekte pou ki nou osi nou lavil i a kapab vin en lavil vibran parey zot manda e

Minis Dezinyen in dir. Mersi bokou Mr Chair.

### **MR SPEAKER**

Mersi Onorab. Mr Andre ou ava adrese.

### **MAYOR OF VICTORIA DAVID ANDRE**

Bonzour Mr Speaker. Bonzour Onorab. Bonzour tou dimoun. Mersi pou ou kestyon. Premye kestyon ki konsern Lavil Viktorya pou fer li vin en lavil vibran, i annan bokou keksoz ki nou'n konmans fer. Anfen depi zour mon'n vin dan sa lofis an 2017.

E enn bann travay prensipal se kree en *partnership* avek tou bann dimoun ki dan lavil. Savedir nou pe koz dan bann biznes, bann endividé, bann artis, bann artizan. Akoz se zot finalman ki pou enplike pratikman si nou oule annan okenn aktivite ki pou fer lavil vibran.

I annan en proze prensipal ki mon'n nobou kapab arive *achieve* dan sa direksyon se sa proze ki mon apel *Passerelle*. Sa *Waterfront Project* kot i annan en kafe. I annan en dimoun endividyle en biznes ki'n enterese. E Gouvernman in fasilit sa lespas.

E sa lespas zisteman se en konmansman kot dimoun i

kapab vini pran en *drink*, en manze. E osi i annan en *sponsorship* ki'n ganny fer sa lepok par *Vijay Construction*. Ki ti fer en *stage* akote kot sa ti ava en – i en *platform* pou bann artis.

E bann artizan osi kapab vini fer serten aktivite, ki pou anmenn dimoun dan lavil pou reste pou fer keksoz byen e sa osi bann viziter.

E mon kapab dir ki sa proze in demar byen eksepte ki nou konnen sa sityasyon sanniter ki nou'n pas ladan in fer tou bann biznes arete.

Me la avek re-louvertir touris pe vini e sa proze pou re-ouver byento konmansman Avril mon sipoze. I pou re-ouver in deza annan en lespas.

E mon konstaman an dyalog avek tou bann lezot biznes dan lavil, notaman bann boutikye, pou fer an sort ki zot biznes i reste ouver pli tar pou kapab gard dimoun. Parske pa Mer Lavil ki *run* biznes.

Me selman mwan mon annan sa dyalog avek zot pou fer sir ki zot biznes pe kontinyen fonksyonnen.

E nou osi annan proze kot nou anvi par egzant dan lafen-di-mwan dan bann lafen-di-mwan kot nou fer par egzant en lafwar parey ti deza annan avan lontan menm, kot dimoun ti

kapab vini anmenn serten prodwir, vann.

E tousala pou kree pou anmenn serten animasyon e en serten devlopman ekonomik e osi artistik e kiltirel dan nou pei. So sa i dan plan definitivman e mon konstaman annan dyalog avek sa bann *businesses* e sa bann dimoun pou fer sa.

An se ki konsern ou 2enm kestyon bann *échange* notaman avek Gaborone, sa programm i touzour la, sof ki avek bann zisteman sa bann problem ki nou ladan nou pa'n kapab *go ahead* avek nou bann *training programmes* sa lannen.

Me solman definitivman konman nou *pass through* sa difikilte nou pou met li anmars. Parey nou pou remet anmars tou bann lezot *twinning agreements* ki nou annan avek lezot lavil. Mersi.

### **MR SPEAKER**

Mersi Mer Lavil. Onorab Vidot.

### **HON AUDREY VIDOT**

Mersi Mr Chair. Bonzour Minis ek ou delegasyon, tou mon koleg Onorab e tou dimoun ki a lekout. Mon premye kestyon pou Mer Lavil. *Monsieur Mayor* eski ou kapab dir nou Lasanble konbyen letan depi ki ou la koman Mer Lavil?

E eski dan sa bann letan ki ou'n la zis sa proze *Waterfront* ki ou *achievement*? Petet pou ranforsi en pe lo sa kestyon ki Onorab Arissol in releve an referans lo met plis lavi dan nou lavil, dan bann programm baze lo letan ou ti ganny apwente konman *Mayor*.

Bann proze ki ou ti annan ki ou ti met devan ki petet ou pa'n *achieve*. Akoz mon pe regard la dan ou '*challenges*' mon war zis en *challenge* ki ou'n mete an referans avek netwayaz lavil.

Mon 2enm i pou tous zisteman lo sa '*current challenges*'. Ki ou plan, ou proze ki ou annan ki petet pou ede vvar anmenn sa laklerte pou ou *tackle* sa *challenge* kit Lavil Viktorya prop?

E dernyen kestyon petet letan ou'n get dan ou programm an referans avek bann *twinning programmes*. Eski i annan distrik spesifik dan Lavil ki zot in fini programmen ki sa lannen avek sa Bidze zot pe touse petet lekel? Oubyen si zot pe target tou sa bann distrik ki balizaz avek Lavil Viktorya? Mersi.

### **MR SPEAKER**

Mersi Onorab. Mer.

### **MAYOR OF VICTORIA DAVID ANDRE**

Mersi Onorab pou ou bann kestyon. Well ou'n demann mwan ou'n dir mwan ki bann anfen sel *achievement* ki nou'n fer se sa devlopman *Passerelle*.

Mwan mon krwar i en *achievement* ki konsiderab parske mon pa'n war okenn lezot proze sibstansyel ki'n ganny fer avan.

So mon krwar sa i en keksoz ki sibstansyel parske i anmenn en rezulta konkret. Akoz si nou pe koz lo lavil vibran, bouze, annan aktivite ekonomik e tou sa. E mon krwar sa i en konmansman pou fer bann keksoz al dan bon direksyon.

Me solman i annan osi bokou keksoz ki'n ganny fer akoz pa blyie biro Mer Lavil i travay avek *Association of the Districts of Victoria*, en bann ADV. E sa i enkli bann MNA's ki form parti sa 8 distrik ki form parti Viktorya enkli Roche Caiman.

E ou konnen byen nou zwenn anfen la in difisil pou nou zwenn. Me selman normalman dan tan normal nou zwenn, nou diskite bann diferan proze ki nou kapab fer, bann diferan lide ki nou kapab met ansanm.

E osi *on top of that* nou annan en lot *forum* ki nou apel *The Victoria Forum* kot la nou ti

enkli bann lezot Lazans apart MNA. Me solman i annan lezot lazans apre LWMA, PUC, biznes kot zisteman nou met lespri ansanm pou vwar, ki mannyer nou kapab anmenn keksoz sibstansyel enportan pou devlop nou lavil.

E sa in mars byen eksepte sa moman ki nou'n pas ladan. Me mon krwar sa nou pou – sa tanpet ki nou'n pas ladan mon krwar i pou ale e nou pou redinamiz li.

E mon sir ki lannen prosenn nou pou kapab revwar nou ankor lo bon semen pou nou kapab met en mars tou sa bann differan proze ki nou'n diskite avan. Mersi. *Oh sorry, apre ou'n koz lo twinning programme is that right?*

### **MR SPEAKER**

Wi gard lavil prop.

### **MAYOR OF VICTORIA DAVID ANDRE**

Wi gard Lavil prop. Gard Lavil prop nou annan bann programm avek LWMA ki'n mars tre byen. E pa tre lontan nou ti annan en *major clean up* dan Viktorya.

E mon ti a kontan felisit tou bann distrik enkli Roche Caiman, tou bann distrik dan Viktorya, e bann lazans prive, bann dimoun prive, bann zenn

ki'n zwenn ki'n donn en koudmen gratwitman pou gard nou Lavil prop.

E mon ti ava petet profite la ozordi konman nou pe koz lo la, pou dir popilasyon ki i nou responsabilite osi pou nou fer en zefor, pou nou gard nou lavil pou nou gard nou distrik prop.

I pa zis biro Mer Lavil avek bann MNAs avek bann dimoun bann responsab dan distrik ki pou fer sa. Pou ki nou, nou fer nou donn sa koudmen me selman i responsabilite sak sitwayen osi, ki letan nou annan nou salte nou konnen kot pou mete dan bin, nou dispoz li byen olye zis zet dan semen epi dir Mer Lavil i ava vin netwaye. Ou konpran?

So i enportan ki nou edik nou bann dimoun osi lo sa kote. Mon ti a profite ki tou bann MNAs pa zis Viktorya, me dan Sesel antye, nou fer nou bann dimoun konpran poudir nou annan en responsabilite anver sa.

E bann *twinning programmes* parey mon'n eksplike nou pou repran as soon as ki nou remet nou anmars.

E sa i en programm ki enteresan. Akoz petet mon pa konnen si tou dimoun i okouran me selman atraver bann *twinning programme* i

annan bokou rezulta, bokou retonbe ki Sessel in benefisyé.

E resanman la sirtou avek COVID bann lavil ki nou'n *jumeler* avek sirtou an *Chine*, nou'n ganny bann donasyon, bann *masks*, bann termomet, bann *PPEs and all*. Ki *au faite* in annan lavaler apepre en pe plis ki R2milyon zis pou dan letan *COVID*.

E sa linisyativ *twinning programme* ant biro Mer Lavil avek bann lezot lavil. Apard bann lezot keksoz osi ki nou'n gannyen. Mersi.

### **MR SPEAKER**

Aktyelman Mer mon konpran i ti'n demann ou lo distrik spesifik ki ou anvizaze – Korek *MNA?* Wi.

### **MAYOR OF VICTORIA DAVID ANDRE**

Wi. Bann distrik – nou annan plan pou nou *jumeler* avek bann nouveau distrik. *In fact* la i annan en *mail* ki mon fek gannyen *in fact* bomaten, atraver *Ministre Affaires Etrangères* et son *attaché Paris* i annan en demars ki pe ganny fer pou *twin* en lavil an Bretagne (*Petite Co*) avek La Digue.

So i annan bann demars ki pe ganny fer pou annan bann nouveau *twinning agreements* e

ranforsi bann ki deza egziste la. Mersi.

### **MR SPEAKER**

Mersi. Onorab Naidu.

### **HON SATHYA NAIDU**

Bonzour Mr Chair. Bonzour *Mayor* ek Minis Dezinyen, tou Manm lo *panel*. Lo kote *high tech equipment* mon'n note ki i annan en logmantasyon pres R1milyon. E lo kote sekirite osi in sorti R235mil in arriv R319mil.

Lo kote '*strategies and priorities*' annefe i annan en repetisyon. Zot pe dir ki zot pou fer nou lavil pli vibran, i pou li prop *so on and so forth*. Nou annan *LWMA* e mon krwar i annan en group Kontrakter osi ki'n ganny sa Kontra pou gard nou lavil prop.

Mwan konman en Onorab mon napa problem, mon ava desarz mon responsabilite anver mon lavil pou gard li prop, parey mon ti fer sa zour pou pres 6 erdtan dan sa gran soley dimans, napa problem.

Me selman i annan dimoun ki bezwen pran zot responsabilite e mon krwar ki lo kote *enforcement* ou konman *Mayor* ou annan en gran rol pou zwe.

E lo bann aktivite kriminel osi in annan en logmantasyon

lo kote *Market Street*. Tanzantan i annan bann problemm ki arive ziska ozordi napa solisyon.

Wi zot in pas en *ban* vizavi lalkol. Me eski ou pou kapab donn nou en garanti ki sa bann keksoz ki asosye avek lalkol, drog e plizyer lezot keksoz i pa pou afekte nou lavil?

E nou pe dir ozordi le 25, kwa ki vreman diferan ek lavil ozordi? Mon krwar i bezwen annan plis korperasyon ant bann diferan lasans tel ki tourizm.

*There should be joy out there* pou dir ki nou pe reouver. Alors mon pa pe war mwan okenn keksoz e so mon swete ki zot kapab travay lo la silvouple? Mersi.

### **MR SPEAKER**

Mersi Onorab. *Mayor*.

### **MAYOR OF VICTORIA DAVID ANDRE**

Mersi Onorab pou ou bann konsern pou ou kestyon. Ou konnen mon krwar nou tou nou apresye pou dir biro Mer Lavil, i pa pou kapab i napa vreman sa pouvwar pou fer tou sa bann keksoz sirtou o nivo *enforcement*.

Me parkont nou travay etrwatman avek bann lezot

lazans pou *enforce* lapolis eksetera.

E zisteman ou'n mansyonn zafer *ban* lalkol e sa en keksoz ki nou'n koz lo la depi 2/3 lannen pase. E mon kontan pou vwar pour dir omwen nou'n konmans en landrwa. E sa i ava *hopefully* kontribye pou anpes sa bann *behaviour* endezirab dan Lari Bazar ki pou anmenn dezord, lager bann keksoz ki pa byen.

So sa en *achievement* dan li menm, *ok*? E Lapolis preski toulezour mon annan kontak avek zot. Mon alert zot lo bann keksoz ki pe pase.

Me solman i vre annan de ler mon menm mwan konman Mer mon santi mwan en pe fristre, annan de ler ou santi poudir kekfwa i devret annan plis en pe plis strik lo bann zafer *enforcement*. Non selman Lapolis me solman o nivo osi lanvironnman kot dimoun parey mon'n dir i zet salte, i *litter*.

I annan en dimoun en zour zis i pran en vye matla i met lanmenm la deor Lari Bazar. E in reste la pandan 3 zour mon'n bezwen ale vini pou fer mannyer pou sa zafer –

Konmsi sa i bann keksoz ki en pe iritan dan en sans me solman i vre. Bann *Law*

*Enforcement Agencies* i bezwen en pe pli strik.

E mon ti a kontan lo sa nivo osi lans lapel avek tou bann MNAs ki la. Akoz pa blye Lavil Viktorya i osi responsabilite bann distrik *I mean* bann MNAs ek bann DAs dan bann distrik ki form parti Viktorya.

E letan i annan serten keksoz ki arive annou zwenn ansanm pli vit dan en fason pou alert Lotorite kekfwa i annan serten keksoz ki mwan mon pa neseser konnen pe pase, me zot zot konnen.

Nou fer an sort ki nou alert bann Lotorite konsernen pou nou *deal* avek sa bann problemm. Si nou gard byen sa sinerzi, sa travay ansanm, sa solidarite mon krwar nou ava fer bokou keksoz.

E pou reponn ou kestyon lo animasyon ozordi le 25 *airport* pe ouver. Wi mon krwar ti ava byen annan en keksoz dan lavil. Me solman malerezman nou pa'n ganny sa permisyon pou fer en gran aktivite dan lavil.

Mwan mon enn bann dimoun ki ti definitivman anvi fer en keksoz. Me solman mon'n ganny dir konmsi esper en pti moman ou konnen pa kapab fer tro, tro bann gran zafer.

Be mon krwar dan sa bann zour pe vini nou pou vwar bann animasyon, zisteman pou remet sa lavi dan lavil. Mersi.

### **MR SPEAKER**

Mersi Mayor. Onorab Cosgrow.

### **HON WALLACE COSGROW**

Mersi Mr Chair. Bonzour Mr Chair, bonzour Minis –

### **HON SATHYA NAIDU**

Onorab *sorry*. Ti annan en kestyon ki mon pa ti'n ganny larepons, lo kote '*minor capital outlays*' sorti 515mil pou vin R1milyon. Epi lo kote sekirite and *enforcement*.

### **MR SPEAKER**

Mon pa rapel ki ou ti'n demann sa kestyon *MNA*. Me selman nou a les Mer adres li vitman *please*.

### **MAYOR OF VICTORIA DAVID ANDRE**

Wi '*minor capital outlays*' basically i annan en *increase of R500 hundred thousand* i pou bann *Christmas decorations*, ki tradisyonnelman tou le lannen nou aste lalimyer. E osi nou pey bann dimoun pou met epi pou tire sa bann lalimyer. So sa i ladan.

Apre o nivo sekirite nou annan en Kontra avek en *Security Firms, Sentinel Security* pou nou lofis. E nou annan *personnel* ki nou peye apre nou annan sistenm alarm avek osi ki konekte avek *Cable and Wireless* lo telefonn si zanmen i annan en *issue*. So sa i sekirite pou nou lofis li menm. Mersi.

### **MR SPEAKER**

Mersi Onorab Cosgrow wi.

### **HON WALLACE COSGROW**

Mersi Mr Chair. Bonzour Minis, Bonzour *Monsieur Le Maire*, Bonzour tou dimoun a lekout. Mr Mayor mon ti a kontan konnen konbyen *twinning programme* Viktorya i annan? Konbyen *twinning programme* zot in fer pandan ou *tenure* konman Mayor?

2enm eski ou ofe avek Viktorya *Master Plan* e petet ki input ki Mer Lavil i annan pou fer sir ki sa Viktorya *Master Plan* i enn ki ganny enplimante byen sirtou avek *The old town part*, ki vreman vreman enportan pou nou kiltir e nou leritaz.

E 3enm ki zistans ki boundary Lavil Viktorya i pase? Mon konnen i annan 8 distrik ki form par ladan. Ki zistans ki boundary Lavil Viktorya i pase e ki kantite diskisyon ou'n fer

avek petet bann *stakeholders* ki pa neseserman dan Sant Lavil Viktorya li menm? Mersi bokou.

### **MR SPEAKER**

Mersi Onorab. Mayor.

### **MAYOR OF VICTORIA DAVID ANDRE**

Mersi Onorab. Onorab bann *twinning programmes* mon kapab fer ou ganny egzakteman kantite *programme*. Akoz la mon napa tou sa bann lenformasyon devan mwan.

Me solman mon kapab dir nou annan en kantite en pe partou dan lemonn. Nou annan an *Chine* pli bokou nou annan an *Chine*. Nou annan *La Reunion* Lavil *La Possession* par egzanp. Apre nou annan *Maurice* osi sa 3 pei ki nou annan bokou plis *twinning*.

Me solman bann detay mon kapab fer ou gannyen kantite. Me solman plis an *Chine* apre nou annan programm *La Reunion* avek *Maurice*.

*Victoria Master Plan* actually letan mon ti vin dan lofis, mon ti ganny prezante avek en *Master Plan* pou devlopman Viktorya, ki mon ti diskrit avek bann dimoun sa lepok.

E mwan personnelman an tan ki Mer Viktorya letan mon ti

war sa *Master Plan* mon ti en pe konsernen. Akoz i pa ti sa ki mon ti pe ekspekte Viktorya i pou ete. Malgre i ti annan bann devlopman vreman siperb, modern eksetera.

E mwan mon ti konsernen akoz mon ti vvar pou dir sa *Master Plan* i pa reflekte nou pei konman en zil, nou karakter, nou kiltir. E mon ti an diskisyon avek Minister sa letan ek bann dimoun pou nou gete si nou kapab revwar.

E mon fek ganny lenformasyon aepre 2 semenn pase ki i annan en novo komite ki pou al *set-up*, ansanm avek *Cabinet of Ministers* pou nou revwar Viktorya *Master Plan* pou li reflekte plis sa ki nou ekspekte of Viktorya of Sesel pou li annan sa karakter zil, sa karakter Kreol.

Me mon espere ki dan bann zour ki pe vini dan bann semen ki pe vini nou a ganny sans rewwar sa e *go ahead* avek li. Sa ki mon kapab dir ou lo sa Viktorya *Master Plan right now*.

Apre *Boundary* Viktorya. *Boundary* Viktorya an se ki konsern Mer Lavil i sa 8 distrik ki form parti Viktorya. Savedir nou konmans depi English River nou monte Mont Buxton, St Louis tou dilon ziska Roche Caiman, Plaisance *right?*

So sa 8 distrik, sa ki form parti Viktorya ki tonm anba Mer Lavil. Me solman si vreman son *boundary* zeografik sa i en lot zafer. Me selman dan mon lofis Mer Lavil mon pe *deal* avek sa *boundaries* i sa 8 distrik ki mon pe koz lo la. Vwala. Mersi.

### **MR SPEAKER**

Mersi. Wi klarifikasiyon Onorab ki ou bezwen?

### **HON WALLACE COSGROW**

Yes Mr Chair. Ler mon pe koz lo sa zafer *Master Plan* la, eski ou lofis i ganny konsilte par egzanp si i annan en devlopman dan lavil? Eske ou form par en *referral agency*? Mersi.

### **MR SPEAKER**

Mersi Onorab. Mayor.

### **MAYOR OF VICTORIA DAVID ANDRE**

Wi mersi. Wi mon'n ensiste ki letan mon'n vin Mer Lavil ki okenn devlopman dan lavil zot fer mwan konnen. Mon pa neseserman asiz lo *Planning Authority*, me solman zot fer mwan konnen, zot donn mwan bann plan, zot donn mwan bann proze pou mwan kapab donn mon *input*. Wi sa i arive. Mersi.

### **MR SPEAKER**

Mersi. Onorab Henrie.

### **HON GERVAIS HENRIE**

Mersi Mr Chair. Bonzour tou dimoun. Mr Chair bomaten Minis Dezinyen in rapel nou ki i en dat istorik ozordi akoz pei i re ouver. E ozordi i fer egzakteman 5mwan depi eleksyon laviktwar *LDS* an Oktob 2020 e dimoun in vot pou sanzman. Sanzman reel ki nou'n kapab mezire dan 5an.

E bann proze ki ou lofis i antreprann, Mer Lavil i bezwen bann keksoz ki nou kapab mezire e i montre dimoun poudir vre dan 5an in arive. I pa'n sanzman baton mazik, me sanzman ki nou'n travay pou achieve.

En pe parey Jean Larue ti pe eksplike lo televizyon yer swar. So sa mesaz bann dimoun in konmans konpran.

Prezan pou ou lofis Victoria's *Forum* 17 Manm lanse an Fevriye 2018, sipoze zwenn tou le 2 mwan. Teknikman zot in sipoze zwenn 24 fwa. Teknikman.

So mon anvi konnen si vreman sa *Forum* pe marse e pou fer bann proze ki nou vwar sanzman avek nou de lizye par egzanp *beautification*, plant bann pey fri ki ou ti konmanse avek bann zanfan lekol an 2017, pou netway Viktorya,

prezans Lapolis ki nou pa vwar sa vilen lartik ki ti dan *TODAY* sa semenn konsernan bann mandyan Lari Bazar.

Konmsi bann keksoz tanzib ki bann dimoun Mont Buxton ki form parti lavil pou vwar poudir vre bannla in travay e zot *deserve another chance* an 2025. Mon premye kestyon lo *Victoria Forum*.

Dezyenm ler *Victoria's Forum* ti lanse parol ansyen Prezidan Faure sete ki, Mer Lavil i bezwen sipor tou dimoun, akoz i pa pou kapab fer tou sa bann keksoz lo li tousel. E nou bezwen donn li sipor pou realiz laspirasyon bann sitwayen Seselwa.

Mon konsern la i avek sekter prive. Si sekter prive pa *step up* depi penn zot *building*, fer dekorasyon dan vitrin zoli, met dekorasyon Nwel, ede pey bann animasyon Viktorya nou pou konplent li. Ankor dan 10an i pou dan menm sityasyon.

So mon anvi demann ou ki kalite diskisyon, konversasyon ou pe annan e kwa ankor ki nou kapab fer? Mwan personnelman mon kapab fer pou ed ou? Pou kominote biznes prive, *step-up* e ede ki prezan nou politisyen nou pa zis konplent e krwar poudir ou pa pe delivre? Mersi.

**MR SPEAKER**

Minis wi.

**THE DESIGNATED MINISTER**  
**MR JEAN-FRANCOIS**  
**FERRARI**

Mersi Mr Speaker. Mon ti a kontan pran sa dezyenm kestyon. Onorab, *management* lavil i en responsabilite partaze. E i annan bann ki benefisyé direkteman e sa se bann biznes, bann komersan e tou dimoun ki annan bann aktivite dan lavil.

Alors zot osi zot annan en responsabilite. Me mon ti a kontan dir ki ziska preznan nou pa santi ki sa kominote in pran tou son responsabilite ki i devret pran.

Nou pa en – mwan mon pa form parti en gouvernman ki kontan met restriksyon, ki kontan met kontrol. O kontrer sa Gouvernman ki mon ladan i anvi ki tou dimoun i pran bann linisyativ personnel, e partisip dan zesyon komen nou lavil.

Tousala i bezwen en pe larzan. E zot konnen poudir sa lannen nou pa kapab tro, tro koz larzan. Me selman Gouvernman pe osi reflesir parey dan tou lezot pei dan lemonn, pou gete ki mannyer bann dimoun ki benefisyé direkteman, i osi kontribye

atraver bann kontribisyon minisipal.

Ou konnen i pa – ler lavil i prop, ler lavil, i zoli, ler i annan aktivite se bann komersan ki benefisyé. Se bann dimoun ki la dan lavil ki benefisyé.

Alors nou santi poudir a en serten moman nou pou bezwen lans en lapel pou avek sa bann dimoun ki dan lavil, rod en fason pou nou kapab *meet* bann finansman ki neseser pou fer nou lavil vin *safe*, vin zoli.

Par egzanp i annan en serten lavil kot i annan en group zofisyé minisipal, ki bann gard minisipal ki fer zot travay dan lavil. E ki kominik, ki konnen, ki rankontre bann dimoun ki form parti sa lavil.

Alors sa i bann keksoz ki mon Gouvernman pe reflesir aktivman, pou nou *involve* tou dimoun ki zot get lavil konman en keksoz ki komersyal, ki *win-win*. Ki si nou met en keksoz ladan nou benefisyé an retour.

Alors sa i filozofi Gouvernman e *hopefully* retourne lo ou dezyenm kestyon lo langazman tou dimoun dan lavil.

**MR SPEAKER**

Mersi. *Mayor* ou a pran sa premye kestyon lo Viktorya Forum.

## **MAYOR OF VICTORIA DAVID ANDRE**

Wi. Viktorya *Forum* parey ou konnen ou ti la, nou'n zwenn nou'n diskit diferan proze, diferan konsern. E konkretman in annan keksoz ki'n ganny fer.

Si nou regard netwayaz lavil nou'n annan en programm ki plizoumwen ase konsistan kot nou'n fer bann gran programm pou netwaye pou gard lavil prop e osi pou sansibiliz dimoun.

Pou fer zot konpran poudir i nou responsabilite pou nou gard nou landrwa prop. Espesyalman lari bazar, dan bazar li menm.

Nou'n annan en programm pou plant bann pye dibwa akoz mon krwar nou lavil son karakter i bezwen annan bokou plis pye dibwa e bann plan fri. *In fact* i annan bann landrwa dan Viktorya ki nou'n plant bann plan fri, ki nou pe kolekte aktyelman la.

Dan menm kot mon lofis dan mon pri zarden ki mon annan mon annan pye gouyav, pye zak, zironmon, brenzel.

So en legzant nou pe donnen e menm kot bann lekol osi nou'n plant bann pye dibwa ki dimoun i kapab vvar. Sirtou ban zenn zot vvar sa lenportans. E avek *SLTA, Land*

*Transport* nou'n travay konzwentman, nou annan seren travay ki'n ganny fer pou aranz seren landrwa dan lavil ki ti en pe danzere, bann *pavement*, bann landrwa ki ti glise. Kot dimoun i tonbe.

So i annan seren keksoz konkret ki'n ganny fer. E sirtou avek Minister Lanvironnman avek ansyen CEO Mr Flavien Joubert ki *maintenant* Minis Lanvironnman, nou'n travay pre avek son Departman, son Lazans.

E la in promet mwan ki pou donn en seren sonm larzan ki anba *Environment Trust Fund* kot biro Mer Lavil ki nou kapab servi zisteman pou fer sa bann travay ankor plis ki nou pe mete lo nou azanda. Mersi.

## **MR SPEAKER**

Mersi. Onorab Gill.

## **HON CHURCHILL GILL**

Mersi Mr Chair. Bonzour Minis Dezinyen, bonzour *Mayor. Mayor* ler mon get ou manda i kler ki ou annan en travay ase tough pou ou kapab *turn around* Viktorya pou nou kapab vvar sa Viktorya ki pe reflekte an term karakter, kiltir, konpetitiv dan la rezyon.

E an menm tan annan en Viktorya osi kot nou vvar bann

*behaviour* anti-sosyal ki pa egziste. An menm tan komersyalman tre benefisyé.

Pou nou kapab *achieve* sa naturelman nou bezwen annan en *roadmap* ki etale over serten kantite letan. Eski ozordi ler nou pe koze ou santi ki ou biro i annan en *roadmap* pou Viktorya pou nou kapab *achieve* sa bann keksoz ki mon'n mansyonnen?

Akoz vi ki nou pe ouver ozordi, si sa bann keksoz ki mon pe mansyonnen i ti la ozordi, mon asire nou ti pou kapab fer sa bann dimoun ki pe debarke ozordi depans bokou plis larzan.

Alors eski ou krwar ozordi ou annan e *roadmap* ki kouver sa ban keksoz? Oubyen i en keksoz ki *work in progress* ki ou santi a en serten pwen ou pou ariv laba? E an menm tan nou a kapab vvar sa Viktorya ki konpetitiv dan la rezyon? Mersi.

### **MR SPEAKER**

Mersi Onorab. *Mayor.*

### **MAYOR OF VICTORIA DAVID ANDRE**

Mersi Onorab pou ou kestyon, vreman enteresan. Definitivman pou ou fer en keksoz marse fodre ou annan

en plan. Si ou napa en plan ou pou al en pe nenport konman.

E plan prensipal ki ti'n ganny etabli se zisteman i annan de antite. I annan sa *ADV Association of the Districts of Victoria* ki enkli son MNAs. Akoz zot, zot – parey mon'n dir Viktorya i enkli osi zot bann distrik.

E osi i annan sa *Viktorya Forum*. E sa ti kle pou nou zwenn pou diskite, pou nou met an mars en *roadmap*, bann travay. E parey mon'n eksplike i annan bann travay ki'n ganny fer. Me nou sel sousi se ki nou pa'n kapab zwenn epi pou nou kontiny sa louvraz.

Donk la i *basically* si ou – parey mon'n dir i *work in progress*. Me mon anvi remet sa masin an mars as soon as ki nou ganny sa loportinite la mon espere dan – probableman dan en mwan kot nou kapab re vizit sa bann keksoz. E finaliz sa *roadmap* pou lannen ki pe vini.

En mannyer ki nou vvar klerman ki bann priyorite ki bann keksoz nou bezwen fer parey Minis Dezinyen in dir taler. I annan bokou keksoz ki bann biznes i kapab kontribye osi pou fer pou anmenn lavil Viktorya pou fer li ekonomikman vyab, annan bann aktivite ekonomik, biznes, artis ganny en landrwa pou zot

fer zot bann aktivite. Donk i sa keksoz koumsa ki nou anvi al ladan. Mersi.

### **MR SPEAKER**

Wi Onorab. Klarifikasyon?

### **HON CHURCHILL GILL**

Wi. *Mayor* mon vwar i annan en sonm R3milyon ki ou'n mete dan ‘*Children’s Playground renovation.*’ ‘*Maintenance and repairs*’ i ase sibstansyel. Si petet ou kapab briyevman donn nou ki bann keksoz ki pe al fer ki pou ede amelyor sityasyon laba? Mersi.

### **MR SPEAKER**

Mersi. *Mayor.*

### **MAYOR OF VICTORIA DAVID ANDRE**

Ok. Mersi. Sa sonm R3milyon ki ou pou vwar i en sonm ki *actually in ganny transfer from SSI* ki ti pe *manage Paradis des Enfants*, sa zarden ki zis akote *Paradis des Enfants*. E Gouvernman in deside pou transfer *Paradis des Enfants* anba biro Mer Lavil. Se zisteman pou nou *manage* li epi pou nou anmenn bann aktivite.

Mon pa konnen si petet *PS These* i anvi dir en pti keksoz lo la parski li ki ti *instrumental* osi pou li organiz sa zafer.

### **MR SPEAKER**

Wi *PS* ou le klarifye?

### **PS DAMIEN THESEE**

Mersi Mr Chair. Avek fer en pti *SSI Paradis des Enfants* Konsey Minis in deside ki i bouz anba Mer Lavil Viktorya. So nou'n bezwen donn li sa Bidze pou li kapab *operate*. *On average* tou bann Kontra ki annan avek *Paradis Des Enfants* la i pou bouz avek Mer Lavil.

E par mwan bann Kontra i pou ariv R303mil. So nou'n fer sa provizyon pou sa lannen an vi ki i sipoze transfer annefe an Avril/May. Savedir pou annan ase larzan pou kouver li. Mersi.

### **MR SPEAKER**

Mersi. Onorab Michel Roucou.

### **HON MICHEL ROUCOU**

Bonzour panel. Bonzour Mr Mer, Minister. Mr Mer mon vwar poudir anba zot ‘challenges’ bokou Manm in koz lo la depi oparavan, zot in eksplik en pti pe bann difikilte ki annan pou fer avek pou netwayaz li menm li, *safety* apre pou anmenn bann vibran.

Bokou Manm in koz lo la oparavan. Be selman dir nou en pti pe lekel bann pli gro difikilte ki zot pe zwenn dan tou sa bann *challenge* ki zot pe rankontre? E osi nou annan sa

problennm dan lavil parey bann Manm in tous lo la. Bann adikt ki vin lanmenm la ki vin mandyan.

Apre nou annan sa gro problemm lisyen eran osi dan lavil ki vin en nwizans. Mon ti a voudre petet dir nou en pti pe bann pli gro problemm? E osi mon pe gete si zot pa kapab *liase* avek lapolis pou met en pti pe plis *camera* dan lavil li menm li. Mersi.

### **MR SPEAKER**

Mersi. *Mayor.*

### **MAYOR OF VICTORIA DAVID ANDRE**

Mersi Onorab. Ou konnen mon krwar i enportan osi pou nou regard keksoz dan son realite. Mon krwar nou tou nou ava dakor ki Viktorya ozordi la i bokou pli prop, i bokou pli annord. I bokou pli zoli ki i ti ete en bann lannen pase.

So in annan progre e sa progre i pe kontinyen. I vre ki letan mon met sa i bann *challenges* i bann keksoz ki mon pa kapab inyore ki i annan serten keksoz ki pe arive.

Me selman mon krwar nou bezwen apresye poudir i annan bokou travay ki'n ganny fer menm avan mwan. E ki mwan mon'n kontinyen lo la ki i anmenn – i fer nou vwar poudir

be lavil ozordi i en lavil kantmenm ki zoli, ki prop, e sirtou ki *safe*.

*I mean* nou konnen nou'n vizit plizyer pei dan lemonn, plizyer lavil i annan serten lavil ou marse ou bezwen atrap tou ou keksoz. Ou bezwen menm mars avek en baton oubyen en rivolver pangar dimoun i atak ou.

E mon krwar pa si Viktorya i dan sa leta aktyelman isi. Me solman i annan bann travay kontinyen ki nou bezwen fer pou fer sir ki nou pa les nou lebra tonbe pou les sityasyon vin grav kan i pa sipoze.

Donk mon lans lapel ankor avek tou dimoun MNAs DAs popilasyon an antye pou nou tou annan sa sans apartenans. Fer nou pti par ki nou bezwen fer. E sa mon krwar i pou kontribye i pou fer nou lavil al ankor pli devan. Mersi.

### **MR SPEAKER**

Wi Onorab ou le leklersisman?

### **HON MICHEL ROUCOU**

Selman zis parey mon'n demann ou oparavan lekel pli gro *challenge* pou ou? Lekel sa enn pli gro li menm li? Parey nou konnen nou annan sa problemm lisyen eran osi tou

dan lavil la ki pe vin en nwizans? Zis dir nou akoz mwan mon distrik Mont Fleuri i baliz avek lavil li menm li. Mersi.

### **MAYOR OF VICTORIA DAVID ANDRE**

Wi. Si ou pou demann mwan mon pou dir ou lekel pli gro *challenge* mon pou dir ou en *challenge* pli gro ki nou annan se en problem animasyon; pou annan keksoz dan lavil, bann aktivite. Parey konser, parey bann lafwar, bann keksoz ki pou anmenn dimoun pou fer li vibran.

Sa enn bann pli gro *challenge*. Me selman nou konnen ki bann rezon akoz i pa pe arive *right now*. Me mon espere ki nou ava kapab *overcome* sa sityasyon pli vit posib.

### **MR SPEAKER**

Mersi. Onorab Gabriel.

### **HON CONRAD GABRIEL**

Mersi Mr Chair. *Welcome* Minis ek ou delegasyon Mer Lavil. Dabor nou'n tann byen kler zot manda se fer lavil vin vibran, *safe*, konfortab pou tou Seselwa.

Dabor Mr *Mayor* i annan bann *hazardous construction site* dan lavil e lot fwa nou'n

aprann ki in riske annan en *fatal incident*.

Byensir nou'n eparnye ek sa. So dan lavil li menm *Mayor* ki nide zot annan pou fer sir ki lavil i reste *safe throughout* pou Seselwa osi byen ki viziter? Sa i enn.

Apre ou ti koz en pe lo sa zafer sanzman bann non dan lavil. Eski ou fer sanz non *building* osi tou? E ki kantite semen ki zot pe sanz non?

Mon 3enm pwen i dan ou *capital expenditure* dan ou *building and infrastructure*, ou annan ou apepre R1milyon. Zis donn nou en pe detay lekel sa bann lenfrastruktir ki zot pe mazin fer keksoz avek pou sa lannen dan sa Bidze? E mersi.

### **MR SPEAKER**

Mersi Onorab. *Mayor*.

### **MAYOR OF VICTORIA DAVID ANDRE**

Mersi bokou Onorab. Ou'n koz lo en lensidan *hazardous* ki en dimoun in ganny blese eksetera. Ou konnen *then again* sa lensidan i arive akoz? Akoz i annan seren dimoun pa pran zot responsabilite.

Letan ou ganny permision pou fer en travay dan lavil oubyen nenport ki landrwa, ou annan serten kriter, serten norm ki ou bezwen respekte. E

sa ki'n arive si mon konpran byen se ki i annan serten mezir sekirite ki pa'n ganny respekte. E ti kapab fatal.

Donk mon lans sa lapel ankor avek tou dimoun letan *Planning oubyen Lotorite i donn ou permisyon pou fer en keksoz*, annou fer sir nou respekte sa bann keksoz ki nou devret fer, pou nou pa okazyonn okenn danze pou nou lekor oubyen pou lezot dimoun.

E mon krwar se sa larepons mon kapab donn ou pou sa. Akoz en travay in ganny permisyon pou ganny fer dan en landrwa, so i annan serten kriter ki ou bezwen swiv. E ou bezwen swiv. En pwen se tou.

Konsernan *change of names of bann semen*, i annan en komite ki nou'n *set-up*. Zisteman Prezidan ti demann mwan pou fer sa Komite. E i annan Onorab Georges osi ki lo sa Komite. Nou'n diskite e nou'n fer lapel avek piblik pou donn serten sizesyon.

E nou'n ganny en kantite propozisyon ki konman Lasanble i fini la nou pou zwenn pou analize e vvar. E evantyelman fer en propozisyon avek Gouvernman. I annan bann non enteresan kot bann dimoun in vini. Menm non bann *buildings*.

E nou osi anvi al en pe pli lwen osi pou non selman dan lavil, me solman dan lezot distrik osi ki annan bann non ki nou santi petet ti devret sanze.

Bann non ki mon sipoze i pa fer zistik nou distrik oubyen nou pei. Donk i annan tousala. E tre prosennman nou pou anmenn sa devan Lotorite e i ava ganny fer. Apre ou'n nonm bann zafer *capital expenditures is that right?*

### **HON CONRAD GABRIEL**

Yes Mayor dan ou '*capital expenditure*' - dan ou '*building and infrastructure*' ou annan *R1million*. Zis tell us ki si sa ki pou-

### **MR SPEAKER**

Petet zot pe get diferan dokiman. Minis-

### **MAYOR OF VICTORIA DAVID ANDRE**

Sa '*minor capital outlays*' i pou sa alokasyon pou bann *Christmas decoration* sa. Mon pa konnen akoz i tonm anba – zot in met li anba sa, me selman *this is what it is*.

### **MR SPEAKER**

Ok. Tre byen. Onorab William.

### **HON WAVEN WILLIAM**

Mersi Mr Chairman. Mr Chairman mon ti a kontan demann avek Mer Lavil me dabor mon swet zot la byenveni Minis Dezinyen avek lekip. Lo ou dezyenm manda la e pou mwan sa ki enteres mwan se par lefe ki tou dimoun i converge dan lavil. Letan anba ou ‘current challenges’ ou dir “i difisil pou gard Viktorya prop, an sekirite avek vibran.”

E an menm tan dan ou ‘strategic priorities’ ou mete “nou pou gard lavil Viktorya prop, vibran e an sekirite. “ Solman mon anvi demann ou par lefe ki nou’n koz lo *the Victoria Forum*, an menm tan i annan sa 8 MNA ki lo en Komite, mon anvi demann ou si ou krwar poudir i devret annan en Lezislasyon ki defini kler ou manda?

Akoz ler mon pe regarde ou a krwar poudir ou mank en pti pe *clout* pou vreman kapab fer keksoz bouze. So eski zot pe mazin fer en Lezislasyon pou vreman defini ou rol?

Epi dezyenmman mon anvi konnen atraver sa bann zimlaz ki ou annan, ki vreman zot pe benefisye? E eski atraver sa bann zimlaz zot pe travay an close kolaborasyon avek bann Konsiler, Onorer ki nou annan dan sa bann pei? Menm dan nou bann Lanbasad, pou kapab

met plis lafors pou ganny bann lasistans? Mersi.

### **MR SPEAKER**

Mersi. Wi Minis.

### **MAYOR OF VICTORIA DAVID ANDRE**

Mersi Onorab William pou ou kestyon. Mon pran sa enn premye. Onorab parey mon’n dir pli boner e ou konn mwan byen. Mwan mon form parti en lekip ki *believe* ki si ou pa bezwen fer Lezislasyon ou pa fer li.

Pou le moman nou ankor dan en faz ledikasyon. E Mer avek son lekip pe travay pou konsyantiz tou dimoun ki servi lavil pou servi li dan en fason byen. Si nou reisi e avek lagras nou ava reisi nou pa pou bezwen Lezislasyon. Ou konnen mon return lo sa Lezislasyon lo vann lalkol oubyen pa vann lalkol.

Mwan konmsi mon pa kontan ki nou’n bezwen pran en desizyon pou pa vann lalkol dan serten landrwa dan lavil. Akoz i pa gou ler ou pe dir non. Me i annan bann moman kot ou bezwen *flex* en pe ou *muscle* pou fer sir ki keksoz i arive.

An sa ki konsern *management* lavil, mon krwar ki nou ankor dan sa faz edikatif e

keksoz pe amelyore dousman,  
dousman.

I pran letan. I pran letan. Animasyon par egzanp bokou laplipar dimoun – bokou dimoun i mazinen poudir se Mer ki bezwen fer animasyon. Si Mer lavil pa met de lalimyer pa personn pa pou mete. Si Mer lavil pa anmenn en *band* anba lapos, personn pa pou anmennen.

Konmsi mon krwar ki – mon repet sa mesaz ki nou tou nou bezwen fer nou bout. Akoz nou dan en sityasyon ki difisil gete par egzanp. I annan sa gran landrwa *Pirates Arms* ki ti la ki'n ganny kraze zis akoz pou pini en dimoun.

E la ozordi nou lavil kot ti dir annan sant lavil, leker lavil Viktorya kot i annan sanson ki'n ganny fer *Pirates Arms* e la preznan ozordi ou get en miray tol! Zis pou – konmsi pou en move rezon ki'n arive sa. *Ok?*

Be tousala nou pe sey avanse, nou pe ankouraze ki sa devlopman i ganny er en pe pli vit ki animasyon, ki plis biznes i vini i antre dan lavil. E nou pa bezwen preznan al *legislate*.

Donk pou le moman Gouvernman pa pe mazinen-pou mwan reponn ou kestyon pa pe mazinen fer okenn kad lezislatif pou li ankadre travay Mer Lavil. Mersi.

### **MR SPEAKER**

Mersi. Mayor ou a bouz lo son dezyenm pwen.

### **MAYOR OF VICTORIA DAVID ANDRE**

Wi pou dezyenm pwen ou'n demann mwan ki benefis nou'n anmennen *right*, pou *twinning programme*. Parey mon'n dir pli boner enn bann benefis ki nou'n gannyen la resaman dan lepok *COVID* se nou nou'n ganny bann don *in terms of* lekipman. *And tangible* keksoz ki'n kout apepre R2milyon ou plis.

Epi nou'n annan bann lezot keksoz ki nou'n gannyen par egzanp si nou pran distrik Anse Boileau ki ti *twin* avek Rivière Noire *Maurice* e *DA* a lepok mon krwar i still ankor la Mrs Valcy Naiken *right*, i enn bann dimoun ki'n *instrumental*.

E i annan bokou lesanz ki'n ganny fer ant sa de distrik. Bann dimoun *Maurice* in vin Sesel e Sesel in al *Maurice*. E donasyon in ganny fer. Anse Royale nou'n ganny lalimyer avek en lavil *Maurice* ki'n *twin* avek *Viktorya*.

E osi atraver nou bann programm *jumelage* in osi annan bann *MNAs* ki'n

benefisyé serten partisipasyon dan serten programm.

Notaman Onorab Henrie, Onorab Vidot, Onorab Arissol. Anfen plizyer ki'n annan bann sans pou ale pou fer bann lesanz.

E osi in annan bann programm lo *capacity building*. Avek pa blyie ki nou osi Viktorya i enportan pou mwan mansyonnen ki Viktorya i osi Manm en lasosyasyon ki apel *United Citizen Local Government of Africa. UCLGA*. E atraver sa noun benefisyé bokou, bokou keksoz *in terms of training, in terms of programm*.

E la nou'n anbark dan en programm ki nou'n fek fini en dosye la ki pou ganny reprezante avek *European Union* ki pou kapab *facilitate* ankor – ganny serten fon pou serten proze. Akoz *European Union* prezan i anvi travay bokou avek bann kolektivite lokal olye zis avek Gouvernman Santral. Donk sa i bann benefis osi ki nou gannyen. Mersi.

### **MR SPEAKER**

Mersi. Onorab Lemiel.

### **HON SYVANNE LEMIEL**

Mersi Mr Chair. Bonzour tou dimoun. En komanter baze lo sa ki *Mayor* in fer. *Mayor* mon

santi ki *twinning* i e tre, tre bon programm li, en?

Konmsi si i ganny *manage* byen, bann dimoun i ganny ankadre byen. Tou dimoun i konnen ki i pou fer nou pou kapab benefisyé pli bokou ki nou'n deza benefisyé avek *jumelage*.

Parey ou'n nonmen Anse Royale osi i enn sa bann distrik. Me selman ki mon santi *Maire*, mon santi ki *twinning* la i bezwen ganny revwar en pti pe. Akoz si nou le i vin *sustainable*, akoz nou vvar ki bokou *jumelage* ki'n ganny fer – Anse Boileau i enn ki'n mars tre, tre byen fantastik.

Me ou war lezot, Anse Royale in monte desann, me i annan 4an nou'n napa en Lakor ki'n ganny sinyen. E ou vvar ki i bezwen bokou sipor. Sa bann *twinning programme* i bezwen bokou sipor.

E ler ou get bann distrik li menm mwayen pour zot *sustain twinning programme* napa, e mon krwar sanmenm sa ki i annan serten ki mor menm si ou fek konmanse napa bann lesanz ki ganny fer.

So mon krwar ki *there is a need* pou fer en bon *SWOT analysis* lo tou sa bann *twinning programmes* avek sa bann distrik ki annan, gete kwa ki'n marse, ki nou'n *achieve* e la

apre sa nou ava kapab kontinyen.

Mwan lo kote Bidze mon vvar – mon osi mon kestyion ti lo sa R3milyon *Children's Playground, Mr Mayor*. Eski zot in fini annan en bon lankadreman ki mon kapab dir, zot in fini konnen egzakteman ki zot pe al fer egzakteman ek sa R3milyon? Akoz i annan larzan zot menm zot ki zot pe anmase laba ?

Mon ti a kontan ganny en pti pe plis lesplikasyon. Akoz ou'n dir ou pe al zer *playground* preznan. Donn nou en pe plis detay ki mannyer sa R3milyon pe al ganny depanse lo *playground* ?

E apre sa mon ti a kontan konnen ler ou get ou manda ou annan en - ase kantite travay ki ou annan pour ou fer. Me eski ou santi ki ou annan ase staff?

La ou pe ganny *playground* preznan anba ou responsabilite ankor, eski ou, ou santi ki ou annan ase staff pou ed ou akonplir ou manda ki ou'n ganny demande pour ou fer? Mersi.

### **MR SPEAKER**

Mersi. Wi Minis konmanse.

### **THE DESIGNATED MINISTER**

**MR JEAN-FRANCOIS FERRARI**

Mersi Mr Speaker. Mr Speaker *Paradis des Enfants* i enn sa bann leson ki nou'n aprann ki kekfwa a lavenir nou fer en pe pli atansyon. Konnen parler i annan sa lekspresyon ki dir ou ganny en kado anpwazonnen. Akoz ou ganny en keksoz ki premyerman i pa fit dan ou kiltir.

En dimoun i vini, en Gouvernman i ofer ou – kot ou fer *skating lo ice*. Konmsi nou ti'n devret kapab dir be tyonbo en kou, be nou, nou pa fer sa bann zafer lo sa. Ki mannyer nou pou *aircon* sa landrwa, ki mannyer nou pou fer sa bann keksoz.

Konmsi nou aksepte e i en leson. Mon pa pe kritik personn mon pe zis dir i responsabilite zot tou. Tou dimoun pour a en serten moman kapab regard bann proze, bann kado ki nou pe gannyen pou dir ok sa i *fit* dan nou sistenm, i pa pou kout nou en ta larzan pou nou *manage* eksetera, eksetera.

E nou aksepte li kan i pa *fit* dan nou sistenm nou dir mersi e nou sey rod en lot keksoz. Alors i annan – nou bezwen. *L'enfant est né il faut le soigner*.

So i la e lo la par Gouvernman mon remersye Mer Lavil ki'n aksepte pou pran sa responsabilite. I annan deza

son staff ki deza *sur place* laba ki pe okip bann keksoz. Donk i pou napa okenn presyon stafflo li.

Pou annan bann *maintenance* ki pou bezwen ganny fer, e nou pe gete avek Mer Lavil si nou pa kapab arriv dan sityasyon kot depans i balans avek reveni.

Akoz nou pa devret la pou nou pe mazin fer profi avek en lenfrastriktir pour zanfan. Me si i kapab zis balans son depans nou ava vreman apresye, e sa se *challenge* ki nou'n donn Mer Lavil.

Mon mazinen poudir mwan prosen i pe al pran sa responsabilite. E mon ti a vreman kontan si i ti ganny sipor tou bann MNA e tou dimoun pou okip byen sa landrwa.

Si nou vwar en dimoun ki pe mal konport li bann keksoz koumsa, nou entervenir nou pran li *comme quoi* i en keksoz ki pour nou. E i nou responsabilite pou nou gard li dan en bon fason. So la i la pozisyon lo *Paradis des Enfants*.

### **MR SPEAKER**

Mersi. *Mayor* ou annan pou azoute lo bann pwen Onorab Lemiel?

### **MAYOR OF VICTORIA DAVID ANDRE**

Mersi. Si i annan petet bann depans, en pti pe bann detay. Petet mon a demann *PS These* pou zis silvouple prezant sa.

### **MR SPEAKER**

Wi *PS*.

### **PS DAMIEN THESEE**

Mersi Mr Chair. Parey monn dir i annan apepre 303mil par mwan *in terms of Kontra*. E sa i kouver par egzanz zot bann *cleaning and maintenance, waste collection, landscaping, pest control, bill litilite, delo, elektrisite, building maintenance, sekirite, Staff cost. Staff cost* par mwan i arriv R90mil, e sa i include en – bann *games attendant* e osi en *supervisor* pour sa *Paradis des Enfants*. Savedir tousala i sipoze transfer parey i ete avek lofis *Mayor* pour li kapab zere. Mersi.

### **MR SPEAKER**

Mersi. Wi Onorab i annan pwen ki pa'n adrese?

### **HON SYVANNE LEMIEL**

Pa pwen ki pa'n adrese akoz ler mon ti pe fer sorti en pwen mon ti war *Mayor* pe koze avek Minis. Mon pa konnen si in tann mwan ki mon ti pe dir li lo

kote *sustainability of twinning programmes.*

Mon krwar in ler pour nou fer en bon *analysis* lo la. Petet mon ti pou kontan ganny ou pwennvi. Akoz i annan ki marse, i annan ki pa pe marse. Mwan mon ti pou kontan *twinning* i reste e i vin *sustainable*. Mersi.

### **MR SPEAKER**

Mersi. *Mayor* ou ava adres sa *please*.

### **MAYOR OF VICTORIA DAVID ANDRE**

Wi. Mersi Onorab mon pa ti'n blyie mon ti pe vin adresse, zis mon ti anvi klarifye en keksoz avek Minis letan ou ti pe koze.

Wi, ou konnen sa *twinning programme* parey ou'n dir i en keksoz ki vreman enportan. E lofis Mer Lavil nou, nou la pour nou inisyе sa bann programm. E finalman i depan lo sa bann Distrik pour zot fer.

Par egzanp si nou regard en legzanp vreman ki mon krwar nou tou devret pran lo la, se Anse Boileau. E nou'n koze. E Anse Boileau i pare osi pou diskit avek bann lezot Distrik pou vvar ki bann keksoz ki zot in fer, pour li marse. Pour zot kapab ganny – anfen annan bann legzanp.

Donk mwan mon lofis mon inisyе, mon ale mon rod bann loportinite, e mon donn bann distrik e mon fasilité keksoz otan ki mon kapab. Me solman i depan lo sa distrik pou fer sir ki sa *twinning* i marse. Mersi.

### **MR SPEAKER**

Mersi. Onorab Labonte

### **HON ANDY LABONTE**

Bonzour Mr Chair, bonzour Minis avek *Mayor*, avek *panel*. Bon mon kestyon i pou en pe an gro. Ler mon pe get manda Mer Lavil in ganny demann en pe kestyon lo la, me selman mon ankor en pe konfize. Akoz manda Mer Lavil i spesifik.

E ler mon get son '*current challenges*' i egzakteman i pe dir poudir sa ki son manda i donn li i pa pe kapab fer li. I war li difisil si oule, si mon kapab met li pli senp.

E ler mon get dan son priyорite i pe adres pour li fer sa bann keksoz. Me selman petet dan en fason pli stratezik, eski zot annan en plan stratezik ki mannyer pour zot fer lavil Viktorya vin pli vibran, pour li vin prop, pour li vin *safe*?

Akoz parey nou'n tandе poudir vreman pe demann lasistans – zot ti a kontan pou dir *MNA*, bann *DAs*, tou bann *leaders* i solider avek zot. Vre

nou pare pour nou solider avek zot.

Me selman ler ou pe get Lavil, lavil i pour tou Seselwa. So petet en plan stratezik pour nou *involve* nou kominote an antye, pou fer nou tou konpran. Akoz petet zis koze i pa vreman fer sans. Akoz parey nou war dan Viktorya li menm li, i annan en bon pe biznes ki pe benefisyé.

E ki zot vreman pe fer pou fer sa bann *businessmen* vin en pe pli responsab pour zot partisip dan – parey in ganny dir pou dir nou pa kapab zis pran en mizisyen fer vin zwe me selman nou bezwen rod fason. Nou pa kapab esper *Mayor* pou met en mizisyen pou vin *entertain* dan lavil.

So ki mannyer nou pe rod fason pour nou fer sa? Akoz i senp. Parey pou kote sef Lapolis. Ki Lapolis pe fer vreman? Akoz parey nou kapab war i annan en kantite *illegal parking* dan Viktorya partou kote.

Menm devan kot *Mayor Office* i annan en bann *problem parking*, ki mwan en transpor in deza bat lo mwan kan mon ti dan mon kote. Akoz? Transpor in park *illegal*.

Kot stenn bis i annan en problemm kot transpor i park partou. So sa i bann keksoz. Lo

kote vibran, parey lo kote kiltir. Petet ki mannyer pour nou *involve* kiltir pou fer sir ki kiltir pe – mon krwar zot konpran en pe li ki laliny.

Me petet mon dezyenm kestyon i plizoumwen al lo kote biro *Mayor* li menm li. Biro Mer Lavil i annan serten lezot fonksyon, parey ki fer maryaz. So parey nou konnen pou dir ler i fer maryaz i annan en *fee* ki ganny peye avek *Civil Status*.

Be eski Mer Lavil i annan en *fee* ki i sarz sa bann etranze sirtou? E si i annan en *fee* konbyen ki sa bann etranze i ganny sarze pou peye? Mersi.

### **MR SPEAKER**

Mersi Onorab. Mayor.

### **MAYOR OF VICTORIA DAVID ANDRE**

Mersi Onorab. Mon krwar ou kestyon, ou premye kestyon i tourn otour sa ki Onorab Gill ti pe dir pli boner. Nou bezwen annan en *roadmap*, nou bezwen annan en – nou bezwen prepare pour nou konnen ki nou le fer dan lavil pou li kapab arive.

Ou konnen dan en lannen i annan plizyer levennman, e i annan en kalandriye ki nou'n travay lo la ki nou konnen pou dir *ok* i annan Nwel, i annan Pak, i annan lafet lanmizik, i annan Festival Kreol.

I annan tou sa bann aktivite ki normalman i lo en kalandriye ki nou travay konzuentman avek bann diferan lazans lo nivo Kiltir, lo nivo touris *and all* pour nou kapab fer sa bann aktivite arive.

Me problem se ki fodre tou dimoun i santi li konsernen e tou dimoun i enplike ladan. E problem ki – letan mon dir bann difikilte se ki tro souvan lezot lazans oubyen lezot endividé, lezot biznes zot krwar ki biro Mer Lavil ki pou fer tou sa bann keksoz.

E mwan mon mesaz i tre kler, mon anvi dir ankor en kou. Biro Mer Lavil pa pou kapab fer sa bann keksoz li menm. Biro Mer Lavil i etablir bann paramet, i *facilitate* bann keksoz. E fodre dimoun zot menm zot vini pou fer.

Letan mon ti fek vin dan lofis an 2017 enn bann premye keksoz mon ti fer mon ti travay ek bann artizan. Mon ti fer en premyer fwa, en lafwar artizanal mon ti fer devan kot ansyen Lakour la. Ki *maintenant* i Mize Nasional, Mize listwar.

Donk e sa avek bi pour ankouraz bann artizan pour zot fer en keksoz, donn zot sa facilite e pour zot kontinyen. Me solman problem ki arive nou vvar ki letan pou refer li

ankor zot anvi ki Mer Lavil ki refer li, ki reorganize, Mer Lavil ki fer tou keksoz.

Konmsi mon pa pe dir sa an mal, me solman sa ki mon pe dir se ki i enportan ki tou dimoun i konnen ki son rol, ki i kapab fer, e biro Mer Lavil i *facilitate* sa bann keksoz.

E se pour krwar nou annan sa de *forum* enportan ki mon krwar fodre pa nou blyie. I annan sa *ADV* kot ti annan tou bann *MNAs*, ki nou diskite zisteman pou nou vvar kwa ki bann aktivite ki nou kapab fer pandan lannen, pandan en peryod letan.

E osi sa Viktorya *Forum* kot nou kapab fer bann keksoz. Kapab enkli lezot dimoun *from* lezot landrwa osi i kapab vini pou vin donn en koudmen. So sa mon krwar i enportan, ki tou dimoun i bezwen santi li par *of* sa zafer la.

E nou bezwen santi pou dir nou annan sa sans apartenans dan lavil, *ok*? Si non nou pa pou kapab arive fer li. Lo lot kote ou'n koz lo zafer *weddings* kot biro Mer Lavil. Well biro Mer Lavil i zis ofer senpleman sa *building*, sa facilite.

Akoz nou ti vvar poudir kot bann dimoun ti fer seremoni maryaz sivil kot biro *Civil Status* i pa ti vreman zoli.

Ou annan dan en pti lofis *filing cabinet* la konmsi dan en – i pa zoli. Tandis ki kot nou son *setting* i bokou pli enteresan, alors zot vin kot nou pou fer sa seremoni. Me solman *Civil Status* ki organiz tou bann lozistik, e peyman i ganny fer kot *Civil Status*. Biro Mer Lavil pa kolekte okenn larzan pour sa.

### **MR SPEAKER**

Wi Onorab.

### **HON ANDY LABONTE**

En pti leklersisman. Petet mwan mon pwen i egzakteman, eski petet Mer Lavil i pa kapab rod en fason petet ki nou kapab ganny en pti *fee regarding* sa bann maryaz?

Akoz dapre monunderstanding se ki aletranze i annan *fee* ki ganny sarze pour sa bann aktivite parey pour sa facilite.

Apre premyerman ou premye repons ki ou'n rann mwan se egzakteman sa ki mon pe dir. Se ki mannyer nou kapab rod en fason pou nou fer sa bann dimoun fer sir ki zot santi zot responsab pou zot retourn ankor, pour zot fer sa bann aktivite dan plas ki Mer Lavil i kontinyen pe organiz tou.

Akoz zis aparey Desanmler ti dir pou dekor distrik. So

nou *MNA* nou ti pran li nou responsabilite pour nou fer. Ou konpran mwan ki mannyer mon pe sey dir?

### **MR SPEAKER**

Mersi Onorab. Mer wi.

### **MAYOR OF VICTORIA DAVID ANDRE**

Non be zisteman sa. E pou repran sa ki ou fek dir dernyerman. Lannen pase ti en moman difisil kot nou pa ti ganny bokou larzan pour nou fer dekorasyon.

E mon vreman felisit tou bann *MNAs* zot in pran sa linisyativ zot in mobiliz bann dimoun dan zot distrik pou fer bann *Christmas tree*, bann pti aktivite *Christmas*. E mon espere sa lannen nou ava fer li ankor bokou plis. E pour mwan sa i en legzant ki nou devret kontinyen.

Mon pa krwar ki Mer Lavil lafen lannen ki bezwen vin kot ou oubyen kot lezot *MNA* pou dir "be ou pa fer nanryen sa lafen ?" Ou byen ou vin kot mwan ou demann mwan de larou, oubyen kat glob or whatever. Ou konpran ki mon pe eksplik ou?

So i enportan ki nou tou nou travay ansanm, ki nou fer li avanse. Sa i en linisyativ kot

fodre nou tou nou pran li lo nou menm pou fer sa. Mwan mon lofis i *facilitate*.

E pour zafer *wedding* parey mon'n eksplik ou, sa peyman i ganny fer avek *Civil Status*. So Mer Lavil li pour lenstan i pa pe kolekte okenn nanryen. Me solman peyman i ganny fer avek gouvernman, solman *Civil Status* ki kolekte sa bann maryaz.

### **MR SPEAKER**

Mersi *Mayor*. Onorab Loizeau.

### **HON NORBERT LOIZEAU**

Mr Speaker. Bonzour Minis Dezinyen. Bonzour *Mayor*. Bonzour tou dimoun a lekout. Mr Speaker avan konmanse mon anvi dir ek *Mayor* ki ou'n nonm tou sa distrik dan Lavil ou pan nonm Bel Air. Bel Air i en distrik ki trwa kar Lavil i form parti mon distrik Bel Air, ki en zoli distrik.

Mon kestyon i sa. *Mayor* dan bann *meeting* ki nou'n fer plizyer fwa ansanm nou'n koz lo sa sityasyon trafik dan Lavil Viktorya. Eski dan ou plan pour Viktorya i annan osi ki mannyer nou pou fer Viktorya vin en lavil ki dimoun pe marse, pa plis loto ki dimoun? Sa i enn.

Apre dan Lavil Viktorya, sirtou dan mon distrik Bel Air i

annan bokou bann sit. Bann *site historic*, mon konnen petet i kapab tonm en pe anba leritaz, mon pa konnen. Selman la vi ki ou annan sa Bidze, eski ou annan resours pour ou kapab vwar lekel sa bann *site* ki nou kapab restore e fer li rantab kot viziter i vini i peye?

Parey ou pou antre – parey simityer Bel Air ki en zoli sit bokou kliyan i vini, me selman sa ki vilenn ek li i pe ganny servi konman en loka. Konman en landrwa kot dimoun vin bwar apre i fer en bann kalite ensinifyan, menm kot Lavwar. Sa i mon 2zyenm.

Mon 3enm kestyon Mr Speaker mon pou al en pti pe an aryer, akoz dernyen fwa ti annan en group zenn ti pe demann mwan, akoz ki napa tou sa bann animasyon dan lavil kan lontan ti annan?

E sa i le rezon avan mon vin lo mon kestyon. Lontan nou ti annan en ta bann *club*. Bann ki en pti pe dan mon laz zot la zot konnen. Ti annan *Pagoda*, *Cresco*, *Cinema* ti annan, *Olian*. Animasyon anvil ti annan. Me ki ti arive, avek larive Koudeta – (eskiz mwan mon konnen zot pou ankoler, selman i pa mon lentansyon pou fer zot ankoler) me selman nou bezwen eksplike.

Kot tou sa bann *clubs* ti ganny fermen ki le rezon akoz ti annan bann *curfew* ki ti ganny mete, zis pou pini sa bann dimoun ki ti annan sa bann letablisman.

Akoz sa bann dimoun ti Demokratik sa letan. Onorab Ferrari i konn tre byen sa bann zafer. Be aprezan tou sa bann *club* in fermen, aprezan nou war nou pe *struggle* pour nou kapab refer Viktorya vivan, Mr Speaker.

### **MR SPEAKER**

Ale koze Onorab.

### **HON NORBERT LOIZEAU**

E mon kestyon i se ki Onorab Cosgrow ti demann Mer Lavil en kestyon konsernan ki son lyen dan bann *building* ki pe ganny fer. In dir ki i zwenn avek *Planning Authority*, ou pa'n dir gran keksoz. Eski ler ou zwenn ou annan en *say* pou dir sa *building* ki la ti a bon met en pti *pub*, sa enn laba nou a fer en pti restoran? Eskiz ou annan sa *say* konmsi dan – ler sa bann proze pe ganny fer?

E osi vi ki Lavil i fernwanr aswar. Eski la ou konman *Mayor* Viktorya ou annan sa pouvwar pou fer sir ki tou laboutik i annan en lansenny ki alimen?

Akoz dan tou pei sel keksoz ki alim lavil se sa bann lansenny. Pa bezwen en ta lalimyer, sa bann lansenny ek laboutik ki alim lavil. Eski ou annan sa pouvwar pou fer sa arive, ki nou Lavil Viktorya i a vin en Lavil ki alimen aswar me pa fernwanr? Mersi.

### **MR SPEAKER**

Mersi Onorab.

### **THE DESIGNATED MINISTER** **MR JEAN-FRANCOIS FERRARI**

Mersi Onorab. Onorab i pa – parey mon'n dir ankor e mon repeate. I pa Gouvernman ki pou vini ki pou dir fer en pti bar la, fer en pti *disco* la. Mon krwar nou ti a kontan war tou pep Seselwa, tou dimoun ki kontan biznes vin avek zot linisyativ e fer keksoz.

Kekfwa nou pe espere, ki par egzanp mon re vin ankor lo sa zafer restriksyon lo vann bwar dan Lari bazar. Ki kekfwa sa i ava ankouraz re ouver enn de sa bann bar ki zot ti dir sa bar Kourpa.

Me i ti parti nou kiltir sa li. I ti la. Bann dimoun pa ti bwar lo semen ti asiz dan bar Kourpa, e i ti enteresan konman en keksoz. Alors mon krwar ki nou pou ankouraz devlopman dan tou sa bann laspe.

Nou pe apel tou Seselwa pour zot vin avek zot linisyativ. Akoz si nou esper Gouvernman kekfwa – ou konnen ou'n dir mwan mon conn en bon pe keksoz. Vre sanmenm mon pe asiz sa kote latab. Mon'n asiz lo sa kote latab mon pa'n asiz lo sa enn. Akoz ou war poudir i annan serten keksoz ki pa marse.

Par egzanp ler ou – Gouvernman ki er plan pour tou keksoz. Ou Onorab Loizeau ou ava fer en laboutik *takeaway*. Ou Onorab Hoareau ou ava fer en laboutik lenz. Non. Nou pe sorti, nou'n fini sorti dan sa kalite fason panse. Nou anvi ki dimoun i pran zot linisyativ, i fer keksoz.

E tan ki ou respekte *Planning*, bann Lalwa *Planning*. Tan ki ou tonm dan kad devlopman ki Mer Lavil ti a kontan vwar, *go ahead* fer li. Fer biznes, ganny larzan, pey ou *tax*. Gouvernman i kontan, piblik i kontan, touris i kontan. Ou pa ti a krwar poudir en touris ti a kontan antre en pti kou dan en bar Kourpa?

I ti a kontan li, akoz ti ava al eksplik son bann zanmi laba deor ki mannyer i été, dan en pei Kreol parey Sesel. Be nou non nou, nou anvi konmsi met tou keksoz parey lo en standar, met *tiles*, met sa bann keksoz.

Konmsi ki – *anyway* mon'n zis eksplik sa koumsa, pou dir ki kekfwa dan devlopman nou kiltir, devlopman nou lavil nou bezwen fer konfyans bann dimoun, pour zot vin avek bann lide enteresan. E bann lide ki pou reflekte nou fason viv isi dan Sesel. Mersi.

### **MR SPEAKER**

Mersi. *Mayor* oule adres lezot pwen ase briyevman silvouple. Akoz nou letan pe fini.

### **MAYOR OF VICTORIA DAVID ANDRE**

Ya Mr Speaker. Mersi. Trafik dan lavil definitivman sa i en keksoz ki o lo mon azanda e mon an konstaman an diskisyon avek *Land Transport*, pour nou kapab vwar ki mannyer nou kapab anpes loto, transpor pas dan lavil, kit plis lespas pour pyeton. Sa en keksoz ki lo azanda mon garanti ou.

Apre lo bann sit istorik. Avek Departman Kiltir zisteman mon pe travay tre pre avek zot, e i annan plan *restore* bann sit istorik. Me selman sa ki pli enportan osi, pa neseserman zis *restore* me *maintain*.

Mon krwar problem se sa dan nou pei, i pa en kestyon restore. Nou restore byen i zoli me selman epi nou pa *Maintain* i re kase ankor. So nou annan en plan pour non selman *restore* me pou *Maintain* tou bann sit istorik. Vwala, mersi.

### **MR SPEAKER**

Mersi. Onorab Pillay.

### **HON SEBASTIEN PILLAY**

Mersi Mr Chairman. Bonzour Minis Dezinyen, bonzour Mer Lavil e bonzour tou koleg Onorab. Mr Chairman mon premye kestyon i konsern sa devlopman dan Lavil Viktorya ki nou pe koz lo la.

Mer Lavil son Bidze i en Bidze ki, i en Bidze ki en Bidze minim. Me selman son fonksyon i en fonksyon enportan ler nou pe gete rol ki ou bezwen zwe.

Eski Minis Dezinyen pa krwar pou dir si nou al ver en lapros kot nou tou nou fer sa ki nou anvi fer, i riske kree en dezord, ki nou'n travay konman en pep pour nou retire.

E zisteman akoz dimoun pa kapab fer laboutik la, laboutik la, se akoz i annan bann Lalwa *Planning* ki pa permet ou fer serten keksoz dan Lavil Viktorya.

E rezon akoz serten dimoun i deside vann serten keksoz *haut de gamme*, me serten dimoun i deside vann serten lezot keksoz, se akoz zisteman i annan en *pattern* ki'n ganny etablir pou swiv serten regilasyon. Sa i mon premye pwen.

Mon enm pwen i konsern sa size sanz non bann keksoz istorik parey bann semen eksetera. Mon'n swiv byen Prezidan resaman dan enn son *interview*, i ti koz lo vizit ki i ti fer *Qatar* e lenportans bann mize *Qatar*, valorizasyon listwar ki bann *Qatari* i annan. Me eski sa pa fer ki nou Sesel nou pe fer direkteman lopoze?

Se ki nou le sanz non bann semen, bann *building* eksetera. Eski sa pa pou pe sanz nou listwar? Nou listwar tan ki byen tan ki mal nou bezwen aksepte li, nou listwar. E sa ki enportan se ki nou pa kapab efas li ki apre nou bliy li e nou repet li.

I serve as a constant reminder be nou bezwen bouz devan. So eskiz sa i en keksoz ki zot pe konsidere dan lespri ler zot pe koz sanz sa bann diferan non, bann semen ?

Mon konnen bokou dimoun pa kontan koz lo 5 Zen. Me 5 Zen in arive kantmenm nou pou tir non en semen, i pa pou retir li. Or lezot non bann

lezot landrwa, Castor Road eksetera.

Eski nou pou zis al ver en lapros kot akoz nou pa dakor ek en keksoz nou pou sanz li? Me nou al lezot landrwa nou vwar dimoun in gard zot listwar. Sa ki byen sa ki mal zot in garde akoz sa i *serve as a reminder* pour sa ki'n arrive.

Mon 3enm pwen Mr Chairman. Mon adres sa kestyon avek Mer Lavil e petet Minis Dezinyen pou reponn. *DM* in koz en kantite lo responsabilite ki dimoun i bezwen pran.

E mon en pti pe konsernen *DM* akoz si mon pran en legzanp *from* ou Minister ki ou annan, Minister Lapes. Annou pran par egzanp ou'n fek ouver en zoli *ice plant* dan en kominate peser. E lekspektasyon ki ou annan se ki ou pa pou met en *fence*, ou pa pou met en baro akoz tou dimoun pou pran zot responsabilite.

*DM* mon krwar nou tou lede nou konn tre byen e ou konn tre byen pou dir i pou en keksoz difisil. So i pou bezwen annan bann kad regilatwar. So eski Gouvernman pe mazinen dan sa lespri pour zot etablir sa bann kad regilatwar.

Pa *over legislate* sa ki dimoun pou fer, me ki i bezwen annan serten keksoz ki

responsabiliz dimoun pour zot konpran ki bann konportman ki ou bezwen annan dan en lavil.

E ki rol Mer Lavil dan sa konteks pou etablir sa – si oule sa lanvironnman, pour ki i annan bann konportman ki fer viziter anvi vin dan lavil ? Pa per pou vin dan lavil. Mersi Mr Chairman.

### **MR SPEAKER**

Mersi. Minis pou komanse.

### **THE DESIGNATED MINISTER**

#### **MR JEAN-FRANCOIS FERRARI**

Wi ase briyevman Mr Speaker. Mon ti zis kontan dir ki Onorab *Leader Lopozisyon* in koz lo en devlopman ki devret ganny fer dan lord. Onorab sanmenm sa kalite lord ki'n ferm tou bar tou *night club* dan lavil! Akoz nou ti anvi regle lavi dimoun parey en revey.

Ou pou fer sa ou pa pou fer sa. Si ou fer sa, si ou mars de pa ou pou mars de pa. Konmsi pozisyon ki mon Gouvernman in pran se ki, nou bezwen rod linisyativ bann dimoun ki annan en par dan sa devlopman.

Annou pa fer par egzanp, ou konnen Onorab dan lepase nou'n fer 24 bazar dan 24 distrik, napa enn ki'n ganny

servi pour vann pwason. Sa ki'n vin – akoz? Akoz nou'n fer li dan lord.

Fodore annan en lord, bazar pou met la, pa pou met la. Apre finalman nou war bazar in vin laboutik, laboutik in vin disco. Lot, lot. Konmsi se sa bann keksoz konmsi ki mon ti pe dir pour nou annan – nou les dimoun vin avek serten linisyativ.

Mon pa pe dir ou ki nou devret les nenport keksoz. Me i menm parey pour bann non, Onorab in koz lo bann non. Si nou pe sanz en sistenm, si nou santi poudir in annan tro bokou politik dan en kote. Ou pa kapab sanz li e met plis politik dan en lot kote. Pou napa. Pou napa.

Mwan mon fer konfyans Onorab, Mer Lavil avek son lekip pou li vin avek bann keksoz, ki vreman reflekte nou pei. Sa ki byen, sa ki mal, me selman nou pa fer li dan en fason politik partizan.

Byensir, ou bezwen aksepte pou dir en dimoun son leker, pou kontinyen blese si i war toulezour ler i pe al kot li, i pas devan en semen ki met non sa dimoun ki ti responsab, pou lanmor son frer, oubyen pou son tonton, oubyen pou son lot. Konmsi nou bezwen pran sa an konsiderasyon.

Sa i pa politik sa, sa i limanite. E alors pou nou avans dan sa direksyon, mon krwar ki nou bezwen fer konfyans. Pa bezwen toulstan fer zis regle, met lord.

Akoz si ti posib parey ou dir en *cadre régulatoire* par ler i neseser. I annan kekfwa bann Gouvernman, ki ti kapab met en *fence* otour lavil konpletman. Ou ava ganny en *pass* pou antre, en *pass* pou ou sorti. Me nou pa anvi fer sa bann keksoz koumsa.

Nou ankor parey mon pe dir dan en faz ledikasyon, e fer nou pep konpran nesesite pou li konport li byen. Fer bon devlopman, respekte bann keksoz ki la, fer bann *maintenance* lo bann keksoz ki enportan pou nou kiltir. Apre parey dan serten lezot pei kekfwa en zour, nou ava vini kot nou pa pou vvar en gard.

Akoz gard i diskre, i laba. I dan son kwen, i pa bezwen fer ou per. E se sa ki nou anvi *achieve* isi dan nou lavil. Mersi Mr Speaker.

## **MR SPEAKER**

Mersi. Avek repons Minis, Mer ou le donn okenn soz lo la? Oubyen nou avar les Onorab Pillay fer son pwen, klarifikasyon apre nou ava kontinyen.

**HON SEBASTIEN PILLAY**

Mersi Mr Chairman. Mr Chairman mon krwar mon'n ekout larepons Minis. Me selman mon bezwen dir ek Minis, poudir i pou annan dimoun ki si ou pas lo non sa semen, i pou mazinen poudir sete sa dimoun ki ti tir li, dan en sityasyon deplorab kot i ti pe reste. E ki pou annan en lot santiman anver sa dimoun, ki annan non sa semen.

Mon krwar i pou annan en balans, e sa balans ki nou pou toultan bezwen pe rode. Ou konpran? E en keksoz ki mon ti a kontan met devan Minis, se ki parey ler ou'n koz ek nou lo *Pirates Arm*. Mwan mon rapel tre byen sa letan ti deza annan de trwa fwa, bann regilasyon *Planning* ki ti fer bann *assessment* lo *Pirates Arm*.

E *assessment* ki ti ganny donnen lo *Pirates Arm*, sete a sa letan *building* ti pe komans deteryore. So, ok *Pirates Arm* in kase akoz *Planning* ti pe demande pou li kase.

Be Gouvernman ki la i annan loportinite, pou li vin avek en novo plan. So si Gouvernman ki la, i dir poudir lavil Viktorya i bezwen sanze, i bezwen evolye i bezwen fer bann lezot keksoz.

Mon konpran tre byen Gouvernman in ganny elekte avek en manda, so i bezwen fer pli byen ki sa enn ki la. So kestyon pou Mer Lavil i se ki, kwa ki ou pou fer pli byen, anba sa novo Gouvernman ki sa enn ki ti la avan?

Donn nou petet 3 keksoz ki ou krwar i neseser, pou nou vvar ki nou pe al vvar dan lavil Viktorya, *going forward*. As oppose to sa ki Gouvernman ki la avan in fer, ki kolektivman bann dimoun ki reprezent Gouvernman ozordi pe dir i pa'n bon.

E koumsa nou avar kapab konpran, ki direksyon ki ou, ou le ale. Oubyen ki Gouvernman i oule ale, vizavi lavil Viktorya. Mersi Mr Chairman.

**MR SPEAKER**

Mersi. Panel Minis ek Mer i ava not pwen Onorab. E Mer ou avar adres son dernyen pwen ki in fer, lo ki ou pou fer egzakteman.

**MAYOR OF VICTORIA DAVID ANDRE**

Mersi Mr Chair. Mon anvi re asir Onorab ki mwan mon latitud i enn ki mon rekonnnet, letan i annan keksoz ki bon. E letan mon'n vin dan sa lofis, i annan keksoz ki'n fer ki byen.

E mwan mon rol se pou kontinyen, pou *build* lo la. Pou fer sir ki nou lavil i al ankor pli devan, pou vin enn ki nou tou nou fyer.

Mon pa la pou fer konmsi en konpetisyon avek sa ki ti la avan, oubyen, non. Mwan mon en Sesel, mon kontan mon pei e mon kontan mon'n ganny sa responsabilite pou mwan vin Mer Lavil. Pour mwan anmenn en keksoz pou mon pei ki mon avar fyer.

E letan mon sorti la, mon ti a kontan pou dir be *ok*. Mon'n fer en manda 3an oubyen 6an, e mon kit en keksoz pli byen ki ti la avan. E sa ki vin apre mwan, i ava kontinyen *build* lo la.

Mon manda i tre kler, lavil Viktorya fodre i en lavil ki reprezent Sesel koman en pei zil. E ki tou dimoun dan Sesel, non selman bann dimoun ki reste dan Viktorya. Me tou dimoun dan Sesel ki vin Viktorya, i santi li fyer. I santi li annan sa sans apartenans.

E ki bann viziter ki vin vizit nou pei osi. Letan i retournen, i dir in vin dan en lavil, en pti lavil. Me selman ki i annan bokou karakter, e ki in annan en leksperyans ekstraordiner.

Pa blye, nou'n toulstan dir ki Viktorya i sipoze Kapital Kreol lemonn. E mon ti a kontan travay ki mon fer, al dan sa direksyon. Mersi.

### **MR SPEAKER**

Mersi. Onorab Georges.

### **HON BERNARD GEORGES**

Mersi Mr Chair. Mr Chair mon adres Mer Lavil, akoz bokou keksoz ki mon pe al dir la ozordi, mon'n fini diskit avek li. Me mon krwar ki i enportan, akoz nou annan en pli gran lodyans ozordi dan sa Lasamble, e an deor. Pour ki dimoun i apresye bann keksoz ki pe ganny fer par son lofis.

Me avan tou, mon ti a kontan dir ki wi, nou annan en zoli pti lavil. E mon ti a kontan felisit Mer Lavil avek son lekip, pou bann keksoz ki zot in fer, e ki *tangible* e ki nou vwar.

Onorab Sathya Naidu in koz lo netwayaz lavil, e mwan osi mon ti partisip ladan. E mon ti fyer pou fer li. *Passerelle* eksetera. Me i annan lezot keksoz ki mon ti avar kontan aborde la bomaten, pou ledifikasiyon Minis avek Mer Lavil.

Me avan tou permet mwan Mr Chair, pou abord sa size non bann semen. Akoz parey Mer in dir mwan osi mon lo sa Komite.

E mon krwar ki i enportan lo sak kote latab pou nou reponn a en sizesyon ki pe ganny dir, ki pe ganny fer. Ki listwar se listwar, e nou pa devret sanz listwar an sanzan non semen.

Mon krwar ki sa i en *short sighted approached*, akoz parey legzanp Lari Royale, i ti apel Lari Royale pandan 150an, e eski nou devret. Akoz en dimoun in fer en Koudeta ki in apel en Liberasyon oubyen en Revolisyon, ki ti ni en Liberasyon, ni en Revolisyon. I ti en Koudeta pir, e senp par en dimoun ki ti lafen pouvwar. Ki nou devret sanz en non ki ti la pou 150an, zis pou nou reflekte en keksoz ki'n arive dan nou listwar, byen ou mal.

Mon pa krwar ki se sa, se direksyon nou devret ale. E mon kontan ki Mer Lavil in fer sa tre kler, ki desizyon pa pou ganny pran ni lo en baz politik. Ni lo en baz sanz le pase, me atraver konsiltasyon zeneral avek lepep Seselwa, lo en baz kot bann non i avar reflekte bann santiman, ki tou dimoun i kapab viv avek. E non pa zis en serten kous lasosyete.

Dan sa konteks Mr Chair, mon ti a kontan dir avek Minis ki i annan serten gran keksoz ki mon konnen ki lo son latab, pou re vitaliz Viktorya. Mon pe

mazin bann Mize ki i annan lo son programm. Mize Lamarin, *National Art Gallery* eksetera, *Waterfront* ki pou ganny re devlope.

Akoz fransman nou annan nou en zoli *Waterfront* an teori, me nou annan nou an praktik en *Waterfront* ki apard *Passarelle* i pa enn ki nou devret fyer. Nou kapab fer bokou pli byen, e nou kapab amelyor kapasite nou lavil. E son labote, par en devlopman dan sa direksyon.

Me se bann pti keksoz ki mon ti a kontan aport a latansyon Minis. Bann ptipti keksoz parey bann *pavement* dan Viktorya, ki merit *upgrade*. E en legzanp se drwat devan Liberty House.

E sa *pavement* la i bezwen ganny refer, akoz i ranpli avek trou. I annan bann plant, bann pye dibwa dan lavil ki merit ganny en pe *trimming*. E tanzantan bann pyeton i tap avek brans dibwa dan zot figir.

I annan bann pti pwen ki merit ganny fer, pou bann dimoun ki manz *takeaway*. Al asize dan en pti kwen kot i annan en *dust bin*, kot i annan en bann kot zot a kapab dezennen. Oubyen asiz lo en bor peron, oubyen retourne dan zot biro.

Tou sa bann keksoz, mon krwar se bann keksoz ki i ava

*enhance* nou laval. E mon konnen parye mon'n dir. Ki Minis ek mwan nou'n koz lo la, a plizyer repriz desiny bann landrwa enportan.

E la mon avar dir ki enn bann landrwa ki devret annan en *sign* lo la, se biro Ansyen Prezidan Albert Rene. Ler i ti Avoka e ler i ti en Politisyen. Mon krwar sa biro ki ozordi i en klinik, i devret annan en siny lo la pou dir ki se la kot i ti travay. Akoz sa i form en parti nou listwar.

Oubyen lo laboutik Gro Samy Lari Bazar, nou avar annan en siny ki avar dir sa landrwa in ganny imortalize, dan en sanson. Akoz sete Kabare Lari Bazar ki ti la. Bann keksoz koumsa mon krwar i enportan pou nou kapab annan.

E mon ti avar donk demann avek Mer Lavil, parey mon'n demann li a plizyer repriz. Met tousala lo son latab, i annan *businessmen* laba deor ki pare pou zot envestir dan sa bann keksoz. Alor i pa pou kout Gouvernman okenn larzan, e mon krwar nou devret tap sa bann sours.

E mon fini avek en kestyon ki en dimoun in demann mwan, pou demann ou Mer Lavil e sa se, aparaman ti annan en lide, pou annan en

*cultural food outlet*, dan lansent Mize Listwar Nasyonal. E sa dimoun ti anvi konnen, eski sa *i still ongoing?* Oubyen eski i pa en proze? Se en kestyon ki mon'n ganny demande pou demann ou, mon pa konn son rezon deryer. Mersi Mr Chair.

### **MR SPEAKER**

Mersi Onorab. Mer ou ava adres sa bann pwen en pe vitman *please?*

### **MAYOR OF VICTORIA DAVID ANDRE**

Mersi Onorab. Sa bann pwen ki ou'n met devan i bann pwen ki mon vreman apresye. E nou'n diskite nou osi lo la, e i dan mon plan zisteman pou travay avek bann Lazans, pou nou fer sa bann keksoz arive. Pour sa dernyen pwen ki ou ti pe koz lo *Food Outlet* kot Mize Listwar, *is that right?*

Wi, ti annan en *tender* ki Departman Kiltir in fer, e i annan en dimoun ki'n ganny sa *tender*. E i pe amenaz sa landrwa la, e si mon konpran byen i pou komans *operational*, apartir komansman Avril. En *food outlet* ki pou la.

So, dimoun i kapab vini, pran en dite, en Café, en pti manze. Pou annan bann

parasol tou dan zarden, kot dimoun i kapab asize.

Me selman mon pou zis *go back* ankor en pti git, pou mwan fer enn pti remark lo sa ki ou'n dir, konsernan bann landrwa kot dimoun i kapab vini. Par egzanp asize pou pran en *takeaway* eksetera, i annan bann landrwa ki nou'n komans met an plas.

Parey legzanp kot mon biro menm dan *parking* deryer, i annan en pti zarden ki baliz avek miray *State House*.

I annan bann ban kot dimoun i vini, i asize, sirtou bann dimoun Labank. Selman epi i annan lezot dimoun osi ki vini, e ou konnen, ou pa pou krwar ki annan dimoun ki vini ki asize byen. I manz son *takeaway*, i pran son *takeaway* i met dan *bin*, akoz *bin* i apepre en met avek li.

Me i annan dimoun ki vini, ki asize, ki bwar, ki manze, i pran *takeaway* i kit lanmenm la ater. So, pour mwan sa i deplorab.

E sa kalite *behavior* ki mon ti a kontan nou napa. Me selman parey mon'n dir, sa i en kestyon ledikasyon. Nou bezwen kontinyelman fer dimoun konpran, poudir be lavil i pou nou tou. Sa bann facilite i pou nou tou, alors annou servi li byen. Ki en

mannyer, ki nou tou, nou ava fyer nou lavil. Mersi bokou.

### **MR SPEAKER**

Mersi *Mayor*. Nou avar pran vot lo Bidze pou *Office of the Mayor of Victoria*, ki lo paz 620 ziska 622. Pou en total R6milyon 337 mil. Manm ki an faver lev lanmen silvouple? Mersi, i annan Manm ki kont?

Bidze pou *Office of the Mayor of Victoria* lo paz 620 ziska 622, pou en total R6milyon 337mil, in ganny 21 vot pour, 0 vot kont, e 8 abstansyon.

E avek sa mon a deklare ki Bidze in aprouve par Lasanble. Mon remersye Minis ek *Mayor*, e osi Madanm ki'n akonpanny li ek zot, pou zot partisipasyon. E nou ava pran en poz la, e nou avar re zwenn 11.15. Mersi.

### **(BREAK)**

### **DEPARTMENT OF CULTURE**

### **MR SPEAKER**

Nou pe pran Bidze *Department of Culture*, e mon annan plezir pou akey pou zwenn Minis e Mer Lavil. Ms Cecile Kalebi ki *Principal Secretary* pou *Department of Culture*. E Ms Vania Hoareau ki *Ag Senior Accountant*, mersi pou zot prezans e partisipasyon.

Bidze pou *Department of Culture* i lo paz 623 ziska 631, pou en total R57milyon 83 mil. Avek sa mon ava envit Minis pou fer prezantasyon.

**THE DESIGNATED MINISTER**  
**MR JEAN-FRANCOIS FERRARI**

Mersi ankor enn fwa Mr Speaker. Mr Speaker pou Departman Kiltir, mon krwar ti avar pli apropriye si mon sed la parol avek Mer Lavil. Akoz i annan en nouveau filozofi, ki pe gid sa fason ki sa Departman pe ganny zere. E avek ou permisyon, Mer Lavil i ava donn detrwa pti mo lo la. Mersi

**MR SPEAKER**

Mersi, wi *Mayor*.

**MAYOR OF VICTORIA DAVID ANDRE**

Mersi Mr Speaker. Mr Speaker mon vreman santi mwan onore pou mwan, koz en pti pe lo la bomaten la. Akoz Prezidan i ti koz ek mwan apre ki nouveau administrasyon in met an plas, i dir mwan i ti a kontan ki Departman Kiltir i tonm anba biro Mer Lavil.

Ki i ti pe dir par sa? I ti pe demann mwan pou mwan vin avek en propozisyon, ki mannyer mon kapab, mon

krwar pou kiltir avans pli devan dan nou pei.

E mon ti dir li be mon vreman kontan, e se sa ki mon pe travay avek la. Mon pe travay lo la pou lenstan. Akoz nou'n vwar par le pase, ki Departman Kiltir in anba diferan Minister.

Depi ler nou'n ganny Lendepandans, e ki son problem prensipal, se ki i napa permanans. In napa kontinite. E a en ser ten moman donne osi, in annan ser ten plito bann azanda pli politik. Depandan lo ki Minis ki'n vin pou ansarz la kiltir. E pour sa la kiltir in soufer.

Donk in konfye mwan pou mwan vin avek en propozisyon. Ki mon'n komans diskrit avek li, avek *Cabinet* lo la. Ki an prensip, zot in aksepte. Prezan mon pe fer bann dernyen demars, legal ki mon sipoze pou vin devan Lasanble pou nou kapab koz lo la. Son legalite pou li kapab ganny aksepte.

So, prensipalman ki nou pe koz lo la, nou pe koz lo en nouveau *concept*. En lenstitisyon nasyonal, en Lenstitisyon Deta ki pou gouvern la kiltir. E ki la kiltir i ava annan permanans.

E osi i pou napa bann enfluiyans partizan. *Or* politik partizan. E ki tou dimoun,

bann akter, bann artis, bann dimoun ki *involved* dan la kiltir, i ava santi zot konsernen, e annan en par pou zot zwe ladan. Pou fer la kiltir avan pli devan.

Donk i sa novo lespri ki nou pe vin avek, ki nou pe travay lo la. Ki pou finalize, e i pou vin devan Lasanble pou ganny zot aprouvasyon tre byento.

E sa Bidze ki la devan nou, in ganny prepare par administrasyon avan. E ki mwan la pou lenstan, mon pou donn tou mon sipor pou fer sir bann programm ki'n ganny met an plas, i arive.

Akoz i annan bann programm ki byen. E nou vwar ansanm. Ki mannyer preznan nou pou kapab al devan, pou fer sir ki la kiltir i ganny son vre plas ki i merite dan Sesel. Mersi.

### **MR SPEAKER**

Mersi, nou ava pas lo bann Manm. Mon apel premye Onorab Labonte.

### **HON ANDY LABONTE**

Mersi Mr Chair. Mr Chair mon premye kestyon i baze lo Bidze an gro, ler mon pe gete mon pe vwar pou dir i annan plis ki en alokasyon pou bann *Board Members* anba diferan

programm. Petet nou ti kapab konnen konbyen *Board* zot annan vreman?

Apre anba *Programme 2*, mon vwar elektrisite in sorti R950 pou li vin R1milyon 380 mil. Apre an gro Mer Lavil, petet mon pa konnen si ou annan sa, si petet i pou tonm anba la. Oubyen anba en lot sekter, konsernan bann dimoun ki ti'n ganny afekte avek *fungus*.

Sirtou kot *La Bastille* ki bann dimoun pe dir, pou dir zot pa ankor ganny okenn lenformasyon lo la. Zot annan pe espere si pou ganny zot konpansasyon? E sa i enkli serten lezot Departman dan kiltir ankor, petet si ou ti annan sa lesplikasyon? Mersi.

### **MR SPEAKER**

Mersi. Mer Lavil.

### **MAYOR OF VICTORIA DAVID ANDRE**

Mersi, mon ti a kontan Mr Chair avek ou permisyon. Si mon a demann *PS* pou petet adres sa bann kestyon silvouple?

### **PS CECILE KALEBI**

Mersi Mr Chair. Mersi Onorab pou ou kestyon. Lo kote bann *Board* ki tonm anba Departman Kiltir, nou annan 3 *Board*

prensipal. I annan *Film Unit Board, National Monuments Board*, avek en *Records Committee*. E sa zot annan bann *allowances* ki tonm anba la.

Pou sa kestyon elektrisite, *perhaps* si ou ti kapab gid mwan lo ki program? Program 3. Pou konservasyon sa *increase* dan elektrisite, i akoz nou pe prevwar ki Mize *National History* pou ouver sa lannen. E alors nou pe fer provizyon pou kou, ki pou vini ler sa Mize i operasyonnel 3enm kar sa lannen. Mersi.

Lo kote konpansasyon, mon refer avek adres ki Minis Finans ti fer dan Lasamble *in regards to* komitman, Gouvernman pou kapab pey bann konpansasyon. E konpansasyon bann *staff* ki'n ganny afekte ek *fungus* osi, i tonm ladan.

Sa lenformasyon nou'n *communicate* avek biro *Attorney Zeneral*, e osi avek sa *staff* dan mon Departman ki pran bann *query* lo la. So, sa lenformasyon i *available* pou bann *claimants*. Mersi.

### **MR SPEAKER**

Mersi. Eski ou'n reponn lo elektrisite PS? Mon krwar i ti

annan en pwen lo la. In reponn, ok. Wi, klarifikasyon.

### **HON ANDY LABONTE**

Petet PS pou Finans i ti annan en pti lesplikasyon? Akoz nou bann dimoun la deor i vreman fristre, akoz i annan en kantite letan zot pe espere *regarding* konpansasyon pou *fungus*? Mersi.

### **MR SPEAKER**

Mersi, PS eski ou annan keksoz pou azoute. Si ou napa plis.

### **PS DAMIEN THESEE**

Well ... Bonzour Mersi Mr Speaker. Parey in ganny dir dan *Budget Address*, ti annan bann lagreman ki ti ganny fer pou pey bann konpansasyon par faz. E lot faz sipoze dan Bidze 2021.

Me malerezman, parey nou anonse i annan konstrent Bidze, ki sa lannen nou pa pe kapab pey okenn konpansasyon. So, Gouvernman *acknowledge* sa bann det. Me selman son *timing* ki nou bezwen prezange, kan ki nou pou fer peyman. Mersi.

### **MR SPEAKER**

Mersi. Onorab Adelaide. Ti Onorab Labrosse ki ti'n lev

lanmen eskize, mon pa'n - Wi,  
Onorab Labrosse.

### **HON RICHARD LABROSSE**

Mersi Mr Chairman. Bonzour Mr Chairman. Bonzour mon bann koleg. Bonzour Minis ek ou delegasyon e Bonzour bann dimoun ki a lekout espesyalman mon bann zabitan dan mon distrik.

Mr Speaker mwan mon ti annan 2 kestyon. Me enn in ganny leve, me mon ti annan en kestyon pou *PS* Kiltir. Nou konnen ki la a se moman i annan bann novo letap, dan sa Departman ki'n ganny propoze devan. E mon konnen ki ou, ou en dimoun ki vreman pasyonnen dan kiltir. Akoz mon'n sivre ou enn de fwa dan nouvel, lo televizyon.

So, la mon ti a kontan ganny ou pwennvi lo sa novo letap ki, koman en dimoun ki konn kiltir ki mannyer i pou anmenn benefis pou sa Departman. E osi bann travayer, e kot nou pou war kiltir ale *from now on to beyond?* Mersi.

### **MR SPEAKER**

Mersi.

### **PS CECILE KALEBI**

Mersi Mr Chair. Mersi Onorab pou ou kestyon. Wi, nou osi

nou ti ganny enformen konsernan sa novo letap pou Departman. E avek Mer Lavil nou'n fer letour dan bann seksyon. Nou'n koz ek bann teknisyen osi pou ganny zot pwennvi. E lo mon kote, mon *welcome* sa linisyativ.

Akoz i osi parti travay ki Departman ti pe fer. I pa'n vreman en gran *break from* ki Departman Kiltir ti pe fer. Nou programm i kontinyen marse, kantmenm la nou pe esper sa novo lenstiti ganny kree.

So, nou pe espekte ki sa Lenstiti i kapab anmenn en pe plis sipor pou nou bann programm. Ankouraz en pe plis kolaborasyon, avek nou bann lezot *stakeholders* ki nou travay avek.

Akoz pa zis Departman Kiltir annan sa *sole* responsabilite, pou asire ki Departman Kiltir i arive dan Sesel. E sa i mon pwennvi en pe lo sa size. Mersi.

### **MR SPEAKER**

Mersi. Onorab Labrosse wi, klarifikasyon?

### **HON RICHARD LABROSSE**

Mersi *PS*, sa i en pti sizesyon ki mon ti a kontan met devan Minis, ki la ozordi avek nou. Sa novo fason ki zot pe fer dan kiltir i en keksoz ki mwan, mon

vreman apresye akoz nou pe met tou keksoz dan sel landrwa.

So mon ti pe sizere kantmenm i pa lo sa topik ki nou pe koz lo la. Parey bann lezot landrwa parey *FIU*, ek bann lezot antite ki me lo menm laliny. Se sa mon krwar en model parey osi ti a bon Gouvernman i konsidere. Mersi Mr Speaker.

### **MR SPEAKER**

Minis in note, mon'n war li in balans latet. So tre byen. Onorab Uranie.

### **HON ROCKY URANIE**

Mersi Mr Chair. Bonzour Mr Chair, Bonzour Minister, Bonzour PS ek delegasyon. Tou koleg Onorab, e byensir Digwa a lekout. Mwan mon oule profite pou swet enn nou Dwayen, Nenn Grace Bon Anniverser 99an. E mon swete ki i a selebre plis laniverser ankor.

Mon premye kestyon, ki zot plan pou *Public Library* dan mon distrik La Digue? Mon 2zyenm kestyon, lekol Ladans La Digue in ou ver depi 2015, e i annan plis ki 80 partisipan ki tre aktiv e serye. Tou bann enstriker i sorti Mahe, pou vini pou vin *train* zot.

Nou pe demande ki zot plan pou kontinyen siport sa lekol, vi ki zot napa en *proper* landrwa pou antrennen? E nou vvar ki bann enstriker parfwa i ganny difikilte pou zot kapab ganny finansman, pou zot vin lo zil pou vin *train* nou bann zanfan. Mersi Mr Chair.

### **MR SPEAKER**

Mersi Onorab. Lekel ki pou adrese? *PS?* *Wi,* *PS.*

### **PS CECILE KALEBI**

Mersi Mr Chair. Mersi Onorab pou ou kestyon. *Wi,* Departman nou'n konstate ki library La Digue nou annan en sityasyon, ki nou ti a kontan agrandi sa *library*. Donn li en plas pli konvenab, pou li kapab agrandi son servis, e donn plis servis a la porte bann kominote La Digue.

Nou pe get avek nou partener osi, Gouvernman Lokal si zot annan okenn nouvo proze, avek Ladministrasyon Distrik e osi en lot lokasyon. Kot nou kapab kekfwa agrandi sa *library*.

Pour konsernan nou lekol Ladans La Digue, wi, nou konstate sa i en servis ki bokou bann zenn, i benefisye en kantite avek. E zot vreman enterese, zot in fer bokou sikse dan zot legzanmen.

E konsernan sa prosedir, avek *COVID* la kantite fwa ki nou bann enstriker in kapab al La Digue in redwir. Osi avek konstrent Bidzeter, me selman zot pe kit kontak avek bann etidyan atraver bann *zoom classes, Whatsapp*. Pou asire ki bann etidyan i kontinyen fer zot laklas, e nou pe revwar kantite fwa, ki nou pou kapab anvoy kekfwa en enstriker fizikman lo La Digue.

Mon krwar nou pou angaz nou dan en diskisyon. Nou bezwen angaz nou dan en diskisyon, pou get en striktir kiltirel. Ki nou kapab ganny en lespas kiltirel pou La Digue, e ofer en pe plis sa bann servi. Mersi.

### **MR SPEAKER**

Minis, wi.

### **THE DESIGNATED MINISTER**

#### **MR JEAN-FRANCOIS**

#### **FERRARI**

Mon ti a kontan azoute Mr Speaker, pou bann ki pou annan kestyon lo bann programm devlopman kiltirel. Gouvernman in demande ki sa bann programm, okenn bann programm pa ganny arete. Programm i enportan, akoz kiltir i bezwen ariv kot sa dimoun ki pe pratik li.

I pa kapab reste dan biro. Donk, parey tou bann Minister in fer bann zefor, bann Departman in fer bann zefor. Kot nou'n demann Departman Kiltir pou fer son zefor, se plis lo bann kou administrativ, pa lo bann programm.

Donk, nou pe ekspekte ki de ki sityasyon *COVID* i larg nou en pe, tou bann enstriker pou kapab bouze. E tou bann programm avek permision Minister Lasante, parey ou konnen anmenn en tro gran group dan en pti landrwa, pa ganny rekomande.

Donk, dek ki sa pou ganny *relax* en pe, ou pou war pou dir bann programm pou repran.

Lo kestyon *library*, i en kestyon esansyel. E sa osi i pou tou bann distrik, ki kot i annan en facilite e bann lekol. Nou ti'n demann avek bann Administrater sa bann *library*, pou profit dan sa lokazyon ki nou ladan.

Menm parey Libreri Nasyonal in fermen pou le moman, pou kapab netway en pe, pou kapab fer en levanter. Pou kapab komans remet bann nouvo liv, fer li pli enteresan ki i ete avan.

Mwan mon'n vizit enn de, parey legzanp i annan enn Baie Ste Anne Praslin mon krwar. I

annan en *shelf* antye lo Kim-II-sung, konmsi sa nou profite konmsi nou *retire* zot. Konmsi nou rod bann keksoz ki marmay i pli kontan. Mon vwar Onorab Gill i riye. (*laughter*)

Nou *retire* nou al dan bann keksoz en pe pli inovativ ki bann marmay i kontan, bann keksoz koumsa. E mon asire Onorab Gill osi pou byen kontan, sa bann keksoz koumsa. Mersi.

### **MR SPEAKER**

Mersi Minis. Onorab Bistoquet.

### **HON ROSIE BISTOQUET**

Mersi Mr Chair. Bonzour Mr Chair. Bonzour Minis avek ou delegasyon. Bonzour tou Onorab. Minis mon byen kontan pou trouve ki tou bann konponan Lar, Kiltir, Lalang Kreol i tonm ansanm. E fotespere ki sa i avar anmenn en bon senkronizasyon antre tou sa bann konponan *unit*.

Mon kestyon i anba *PSIP programme 3 National Library renovation*, i annan R43milyon. Petet ou ava donn nou en pti lesplikasyon. Lo kote *fungus* in fini koz lo la.

Apre i annan en lot ankor anba '*construction of admin block*', i annan R28.2milyon pou *upgrade*. Si nou kapab ganny en pti lesplikasyon.

Mon trouve anba zot stratezi, anba zot '*challenge*' 'sirtou, i annan en *challenge* ki zot pe rankontre. Pli ale zot santi pou dir i annan presyon lo Seselwa, vizavi konsernan bann lidantite kiltir negativ ki pe pase.

Sirtou avek bann gran pouwvar sorti aletranze. Petet mon sa mon kestyon mon ti a demande, akoz ki sa in arive?

E ki bann mezir ou pou pran, pou ou kapab redwir sa bann lerozyon dan nou kiltir? Mersi Mr Chair.

### **MR SPEAKER**

Mersi Onorab. Mer i ava komanse.

### **MAYOR OF VICTORIA DAVID ANDRE**

Wi, mon ava reponn en parti ou kestyon Onorab, sirtou sa dernyen *part*. Ou konnen sa kiltir en pep i en keksoz ki vreman, tre enportan e i sansib. E parey i annan bann dikton ki dir en pep ki pa konn son kiltir ek son lorizin, i parey en pye dibwa ki napa en rasin.

E nou Sesel i enportan pou nou konstaman atantif avek nou kiltir. Akoz si nou regard tou Seselwa, tou dimoun par egzanp ki la otour sa latab,

nou *from* diferan lorizin, diferan *background*. I annan ki lorizin i sorti Lafrik, i annan lorizin ki sorti Lerop, i annan lorizin ki sorti Lazi.

Me selman isi Sesel nou vwar nou koman en Seselwa, e sa lapartenans pou sa pei, pou sa kiltir i enportan.

E i pou annan toulstan bann lenfliyans ki pou arive, akoz sa i en keksoz i inevitab. Akoz lemonn i telman annan tou sort kalite keksoz ki pase, nou pou ganny enfliyanse par tou keksoz.

Me si nou, koman en pep Seselwa nou pa toulstan atantif avek nou kiltir, nou fason viv, nou bann valer. La kot nou pou perdi. E se zisteman dan sa lespri, sa novo lenstitisyon ki nou pe vin avek.

Ki pou fer sir ki pou gardyen sa leritaz kiltirel, sa pep Kreol ki nou fyer pou koz lo la. Pou dir Sesel, Seselwa i en pep Kreol. E si nou zis dir e nou pa fer nanryen, i fasil pou *erode*, i fasil pou lezot lenfliyans i antre.

I enportan ki lezot lenfliyans i vini osi dan nou pei. Parske nou pa kapab viv an izolasyon. Me selman ki mannyer nou ekilibre sa ki mannyer nou balans sa e ki mannyer nou gard nou idantite konman en pep, mon krwar sa

i tre enportan e se sa zisteman *focus* ki sa novo lenstitisyon i pou anmennen. Vwala mersi.

### **MR SPEAKER**

Mersi. PS pou adres lezot pwen ki dan Bidze renovasyon e konstriksyon.

### **PS CECILE KALEBI**

Mersi Mr Chair. Onorab zis pou note ki sa lannen nou Departman nou pa'n vreman ganny en Bidze pou *PSIP* lo sa de pwen ki ou ti pe fer referans. Mersi.

### **MR SPEAKER**

Byen nou a kontinyen. Onorab Monthy.

### **HON PHILIP MONTHY**

Bonzour Mr Chair. Bonzour Minis avek ou delegasyon. Mr Chair mon kestyon in plizoumwen ganny adrese lo *fungus*. So i montre ki tou bann dimoun ki'n ganny afekte parey *PS Finans* in dir menm si i pa dan sa Bidze, me dan en lot Bidze zot pou ganny *compensate* pou s,a *ok?* So mersi Mr Chair.

### **MR SPEAKER**

Mersi. Onorab Cosgrow.

### **HON WALLACE COSGROW**

Mersi Mr Chair. *Welcome* tou bann nouveau dimoun ki'n vini. Mr Chair mon pa pou al dan detay lo sa Bidze. Mon annan rezervasyon lo Bidze ;- pa neseserman lo fonksyon ki zot fer me rezervasyon lo sa kalite striktir ki zot, ki zot annan or ki zot napa.

Ziska yer Gouvernman i fonksyonn, i fonksyonn lo en striktir MDAs. E PS Finans i a konpran mon byen ler mon pe dir MDAs - *Ministries, Department and Agencies*. Ziska prezan ziska yer tou Bidze ki nou'n war sete sa striktir ki'n follow.

Ozordi nou annan en Departman Kiltir ki vin devan nou i pa form parti en Minister, i napa en Minis. Nou annan Mer Lavil ki'n, ki'n la bomaten ek nou. Ki ganny ansarz *by* 8 distrik - pa ansarz me ki ganny gide par 8 distrik, lavil parey in dir bomaten.

Parkont i pe fer striktir pou la kiltir. Mon pa konnen. Petet ki ava vini avan konman en lenstiti i ava en bon keksoz. Me mwan Mr Chair ziska ler ki mon war sa striktir lenstiti, mon pa confortab pou mwan al distrik dan detay Bidze.

E petet si zot si okenn dimoun i annan okenn leklersisman la lo ki mannyer keksoz pou ete zot kapab

eklersi. Me si non mwan, mon rezerve pou mwan pa pou vot kont, akoz artis i bezwen zot sipor. La kiltir i bezwen sipor me mon pou *abstain* lo sa Bidze. Mersi bokou Mr Chair.

**MR SPEAKER**

Wi, Minis.

**THE DESIGNATED MINISTER**

**MR JEAN-FRANCOIS FERRARI**

Mersi.

(*Interruption*)

**MR SPEAKER**

Silvouple bann Manm. Nou a gard lord.

**THE DESIGNATED MINISTER**

**MR JEAN-FRANCOIS FERRARI**

Mersi Mr Speaker. Mr Speaker mon ava zis retran bann pwen ki Mer Lavil Mr Andre ti, ti fer boner. En sanzman, sanzman i en bon keksoz li. So e se sa ki nou pe sey anmennen bann lide en pe inovativ.

E Gouvernman in war poudir kiltir i ganny bat, bate isi laba i ganny bat, bate ler ennler i pa ni konnen ki valer ou pe donn li. E nou, nou anvi war en serten permanans.

Konmsi nou anvi lide se pou tir politik ladan. Akoz kiltir

i pou nou tou e nou tou nou bezwen santi nou form parti sa pep ek son kiltir. Alors Gouvernman in deside poudir annou sey rod en striktir ki donn li sa permanans.

Nou pa pe *profess* ki tou keksoz pou mars parfe me nou dan en faz kot nou pe devlop li. E si nou pa ganny zot sipor sa bout ki sipoze li osi dan sa kiltir dan sa lager pou sa kiltir la nou pa pou reisi.

Mon war Onorab ou, ou ezite ou, ou pe rezerv ou, ou zizman. Me selman si i la i *ok*. Si ou pe al kont i pa pou bon. Alors mon ti a kontan bomaten la napa okenn antre zot ki'n donn en sou sipor Mer Lavil dan zot vot.

E mon war li en pti pe domaz akoz sa Kapital Victoria i pa pou, i pa pou en *LDS* li. Nou tou nou annan par ladan e se pou sa ki mon ti a pli kontan war zot pe angaz dan en fason en pe pli pozitiv.

Kestyonnen me selman annou pa per sanzman, annou pa per sanzman. Parey an '77 i annan ti dir sanzman in arive annou anbras sa sanzman. La en lot sanzman in arive apre 43an e kekfwa i en moman pou nou brav e pou nou anbras sa sanzman e fer keksoz, e fer keksoz arive.

Alors vreman mon lans en lapel akoz Mer Lavil avek *PS* pa pou kapab fer li, mwan, mon pe lager pou zot poudir be annou donn zot sa lankourazman pou le moman zot ava e sans reisi i ava en pe plis. Mersi.

### **MR SPEAKER**

Mersi. Onorab nou pa pou kontiny en largiman lo la. Si ou le klarifikasyon demande silvouple wi. Mersi.

### **HON WALLACE COSGROW**

Mersi Mr Chair. Quick klarifikasyon Mr Chair napa problemm avek sanzman. Mon problemm ozordi se ki Kiltir pou ganny gide or fer pou 8 distrik. Ler zot vin ek zot plan lenstiti anmennen Wallace Cosgrow i pare pou siport zot si i bon ! Mersi bokou.

### **MR SPEAKER**

Mersi *ok*. Minis avek Mer Lavil i a not sa pwen nou a kontinyen avek Onorab Woodcock.

### **HON WAVEL WOODCOCK**

Mersi Mr Speaker. Mr Speaker malerezman pandan sityasyon pandemi *COVID-19* avek enn de bann case ki ti'n tro pres ek Lasamble. Mon Komite pa ti ganny sans zwenn avek *Mayor* nou ti pou zwenn avek li pou en *meeting*.

Sirtou kot i konsern en pe dan laliny ki Onorab Cosgrow in demande. Kot i konsern sa nouvo striktir ki Gouvernman pe met an plas kot *Mayor* se ou, ou Departman ou, ou lofis preznan ki pou annan sa *monitoring role* lo sa bann diferan antite ki tonm en pe dan sa kad kiltir.

Si mon pe konpran byen CINEA, NAC, Leritaz, Fondasyon Leritaz. Tousala pou tonm pou ganny ankadre anba ou lofis ou ki pou kordin bann aktivite *monitor* en pe zot pou annan zot bann responsabilite zot manda. Me selman ou ki pou annan sa *oversight role*.

Kekfwa ou kapab donn en pti pe plis detay lo en pti pe lo ki mannyer ou pou *synergies* en pe sa bann diferan antite. Akoz ki nou war dan lepase *Mayor* ki pou anmenn mwan lo mon kestyion, se ki in annan bokou labi e bokou politik dan sa bann antite.

I annan bokou ennler zot pe *overlap* lo kanmarad kot pe mord lipye kanmarad. Nou'n war bokou bann, bann sityasyon en pe koronpi ki'n arive, parey nou'n war kot CINEA - en stad lanmizik ki ti pou kout R6.5milyon in *end-up* pou vin 30milyon.

Nou'n war kot NAC kot i konsern *National Arts and Cultural Fund* ki annan bann *Grant* ki ti pe ganny donnen me selman zis en kad bann mizisyen ki ti pe benefisye.

Nou'n war kot larzan pe ganny pey kot en *studio*, me selman *album* pa pe ganny prodwir. Larzan pe pey kot bann *store* lekipman lanmizik, me selman lekipman pa pe ganny donnen ek artis.

Konmsi in annan bokou labi dan lepase ki ou Departman pou bezwen met en lord. Enn bann kestyion eski ou, ou take en pti pe *the lead* ou fer sir ki sa bann keksoz i arete ?

E an menm tan osi ed bann artis deor. La i kouver tou bann mizisyen. Kot i konsern bann lotel Sesel ozordi bann artis pe ganny difikilte pou zot pers dan sa bann lotel, pou zot kapab al ganny en pti bouse manze atraver *entertainment* ki zot pe fer dan lotel.

La ek sityasyon COVID nou pa konnen poudir - en Bidze normalman ki ganny koupe ler sityasyon i serye dan bann lotel se *entertainment*.

Eski ou pou *take the lead* en pe pou fer sir ki bann artis dan le fitir zot pou kapab ganny en pe lasistans? Mon pe koz sirtou bann artis ki 30an, 40an

in dan sa lendistri ki zot pou war li difisil pou 50an, 60an pou zot ganny en bouse manze.

Eski i annan en pe ou pe mazin en pti pe ki mannyer pou ed bann artis sirtou ki'n envestir tou zot lavi, tou zot lenerzi zot larzan dan sa lendistri? Mersi Mr Speaker.

### **MR SPEAKER**

Mersi Onorab. Mer ou pou adrese.

### **MAYOR OF VICTORIA DAVID ANDRE**

Mersi Onorab. Mon krwar i enportan pou tou dimoun konpran. Akoz mon lenpresyon mon pa pe depan lo menm *wavelength* en bon pe dimoun la. Mon krwar i enportan pou nou konpran ki rol Mer Lavil la lo Departman Kiltir i en rol tranzitwar ki pou anmenn li lo sa *towards* sa novo lenstitisyon, novo fason panse sa novo fason fer a lavenir.

Sa novo sanzman ki nou pe koz lo la. E sa mon pou ganny plezir pou mon vin devan zot pou prezant son antite ki mannyer i pou fonksyonnen. E ki sa bann deba lo li menm pou enteresan. So mon pa anvi al dan bann detay la akoz la mon pe koz plis lo nou isi lo kote Bidze.

E mwan, mon rol la aktyelman se pou zisteman siport sa Bidze ki'n ganny prezante, pou fer sir ki tou bann programm, tou bann sipor avek bann artis tou dimoun i ganny met an plas, i ganny arive ziska sa novo lenstitisyon li menm i pran son plas korekteman. Vwala mersi.

### **MR SPEAKER**

Mersi. Onorab Michel Roucou.

### **HON MICHEL ROUCOU**

Mersi Mr Chair. *Welcome PS Kalebi* i en zanfan Mont Fleuri. Mr Chair mon kestyon lo kote *library* in ganny demande. Me selman mon annan en, en lot kestyon ankor en? Parey zot konnen dan bann distrik nou annan bann tim bann group kiltirel ki perform byen.

Mont Fleuri i enn ladan ki i annan en tim ki vreman best ladan ki souvandfwa in fer lezot distrik gele dan bann konpetisyon kanmtole.

Mon pe demande eski, eski zot Minister pou vi ki pou annan bokou sanzman dan bann Departman, eski zot Minister li menm li i pou annan en rol pou zwe dan sa form kiltir ek sa bann group dan distrik ki zot kontinyen? Mersi.

### **MR SPEAKER**

*PS ou a reponn. Eski, lekel pou reponn panel Minis? Wi Minis.*

**THE DESIGNATED MINISTER**  
**MR JEAN-FRANCOIS**  
**FERRARI**

Vwala ale reponn Onorab Loze.

**MR SPEAKER**

Minis.

**THE DESIGNATED MINISTER**  
**MR JEAN-FRANCOIS**  
**FERRARI**

Non.

**MR SPEAKER**

Kontinyen silvouple.

**THE DESIGNATED MINISTER**  
**MR JEAN-FRANCOIS**  
**FERRARI**

Onorab i parey mon'n dir pli boner. Programm pe kontinyen e akoz i esansyel ki nou bann zenn i kontinyen aprann e dekouver nou kiltir. E se sirtou avek bann zenn ki nou bezwen fer li. Bann manrmay ki ankor dan lekol.

E sa bann programm ki ganny fer dan distrik souvan i ganny fer par sa lorganizasyon SNYC. Me selman avek sipor Minister Kiltir. Donk sa bann programm pou kontinyen ou pa bezwen trakase.

I enn bann responsabilite ki Mer Lavil ki pe pran pou

devlop sa striktir. Pou fer sir poudir sa bann programm i ganny mentenir e i ganny devlope. Mersi.

**MR SPEAKER**

Mersi. Onorab Vidot. Wi eskiz mwan i annan pwen pou adrese, wi.

**PS CECILE KALEBI**

Zis pou azout lo sa ki Minis in dir. Nou annan lazans *National Arts Council* osi ki par son manda i osi ede ek devlopman lar e kiltir dan distrik. E i enn bann antite ki'n fer bokou pou bann zenn spesyalman dan letan vakans.

Resaman nou'n war bann programm ki'n fer pou montre bann zenn moutya ki mannyer ou sant romans. E sa programm pou kontinyen sa. Mersi.

**MR SPEAKER**

Mersi PS. Onorab Vidot.

**HON AUDREY VIDOT**

Mersi Mr Chair. Mr Chair mon premyerman mon anvi dir avek *Mayor* Mr Andre, kan ki pou annan sa deba ki pe koz lo la ? Petet sa i ava ekliersi sa bann konfizyon ki bann politisyen dan ou Gouvernman pe semen.

Dimoun i a vreman konpran sa rol e fonksyon ki ou

pe, ou pe koz lo la. Akoz zot, zot pou konfize zot pe konfiz dimoun.

Dezyenm mwan, mon konman en, en zenn mon en pe trakase avek bann devlopman ki pe arive dan nou pei an term bann lenfrastriktir ki pe, ki pe kontinyelman ganny fer. Me napa sa bokou sa konsep ki montre ki prezerv nou kiltir Kreol.

Petet dan ou, ou kapab dir nou ki, ki ou rol zot Departman dan sa bann novo reform ki zot pe fer, kwa ki novo ki zot pe anmennen pou asire ki sa bann devlopman ki pe kontinyen ganny fer pa afekte nou, nou kiltir?

Trwazyenmman letan monn gete dan zot bann *achievements* ki dan mon distrik Roche Caiman, zot annan en, zot in fer en *reading center* petet mon a fer en demann ki trouv dan zot Bidze ki mannyer zot kapab met en *sign*.

Ki kapab pli byen atrakte pou donn formasyon bann dimoun ki sa *reading center* i baze la i egziste e ki kominate i ava kapab servi li byen. Mersi.

### **MR SPEAKER**

Wi Mayor, lekel ki pou - ? Ou menm ok ?

### **MAYOR DAVID ANDRE**

Mersi Onorab pou ou kestyon. Sa deba lo sa novo konsep sa novo lenstitisyon mon prezimen in kapab vin kot Lasanble *as soon* ki bann formalite legal i ganny formalize.

Sa konsep in fini ganny ekrir in fini ganny prezante en premye avek bann *Cabinet of Ministers* e Prezidan pou zot konpran byen ki direksyon nou le ale. Zot ti'n konpran zot in aksepte sa lide. Prezan mentnan mon louvraz se zisteman pou al formaliz li.

E la aktyelman mon pe travay avek bann nou pe travay avek *AG's Office* pou revwar bann, bann Lalwa ki pou fer egziste. E koriz mwan si mon mal *PS* mon krwar dan semenn prosenn koumsa nou sipoze annan en dernyen *meeting* avek sa bann dimoun kot *AG* pou nou finaliz sa.

E *as soon as* ki sa i finalize nou pou prezant li avek *Cabinet* evantyelman e mon sipoze vin kot Lasanble pou fer bann formalite pou zot war pou zot diskite pou zot evantyelman aksepte. Mon ti a kontan zot sipor lo la.

Apre letan nou pe koz lo nivo lo bann lo bann zafer enfrastriktir pou reflekte nou

kiltir, be zisteman dan, dan sa nouvo lide ki nou pe koz lo la i kler e nou pe dir ki kiltir i apartenir a tou dimoun i biznes tou dimoun.

Savedir letan i annan okenn keksoz ki ganny fer dan nou pei ki swa en *building*, oubyen ki swa en pou deside pou sanz en semen pou met en lot landrwa. Par egzanp i ti annan plan pou fer en trwazyenm *lane* dan Lavil Victoria en pe letan pase. E sa zot ti anvi ki Minister Land Transport ti anvi fer. I ti anvi pran en bout semen dan lesplanad konmsi agrandi pou fer en trwazyenm *lane*.

Eski mon kestyon se ki eski sa i en keksoz ki nou devret fer dan lavil sa? E si napa en dimoun ki en lenstitisyon for ki pou defann sa leritaz kiltirel lesplanad en leritaz kiltirel. I fasil pou en lot Minister en lot lorganizasyon dir be nou, nou bezwen loto pas dan semen, alors nou tir lesplanad si fodre nou tir Lorloz nou tir Lorloz.

So sa bann san refleksyon ou konpran. So i enportan ki i annan sa, sa lenstitisyon sa dimoun sa lorganizasyon ki gardyen nou leritaz e ki fer sir ki okenn developman ki arive. Akoz developman i bezwen nou bezwen annan developman. Nou pa kapab reste statik. Me

selman sa ki nou fer i anliny avek nou idantite Kreol i anliny avek nou, nou kiltir. E sa pou mon i tre, tre enportan. Mersi.

### **MR SPEAKER**

PS ou annan en lot pwen pou adres?

### **PS CECILE KALEBI**

Non zis konsernan sa *sign* pou *reading center*. Nou ava *take it onboard* Onorab. Mersi.

### **MR SPEAKER**

Mersi *panel*. Onorab kot in arive. Onorab Hoareau ou ti'n lev lanmen? Wi.

### **HON JOHN HOAREAU**

Bonzour Mr Chair. Bonzour Minis avek ou lekip. Bonzour tou dimoun a lekout. I malere ki dan lepase avek Gouvernman presedan, ki bann batiman asosye avek kiltir in ganny bokou neglize.

La mon pe mazin par egzanp *Carnegie* parey *Theatre des Palmes* e lezot ankor. I fer mwan en pti pe lapenn parske *Theatre Des Palmes* se premye landrwa ki mon ti ganny sans al war konser Bolot Feray avek mon paran. Mon ti ankor tre zenn.

Alor mon pe demann avek mon konnen poudir ozordi mon

napa sa, sa kalite larzan pou nou al, pou nou al refer tou sa bann, sa bann landrwa. Met li dan son *glorious way* ki ti ete avan. Me mon pe demande mon pe zis pas en pledwari ki si Departman Kiltir ti kapab annan en petet en fon spesyal, *Friends of Culture* oubyen *Friends of Theater* ki kapab remet sa bann landrwa sa bann *building*.

Konmsi avek partisipasyon prive ki kapab remet sa bann *building* fer zot war zot *glorious days* ankor. Akoz nou war poudir sa bann landrwa kiltir pe, pe tonm an rin.

Mon kestyon vreman i plito lo baze lo ki linisyativ osi zot annan pou met en *framework* avek bann Polisi neseser pou ki kiltir Seselwa nou kapab eksport li *through internet*, avek bann *online facilities*.

Ozordi nou war par egzanp Mr Jules Lionnet ki pe fer en pe travay dan sa laliny ki pe eksport en pe son bann lanmizik atraver *online facilities*. Me selman touzour i reste en nesesite, pou annan en kad legal ki pou protez sa bann dimoun kont bann lezot fakter ki kapab fer ki zot pa ganny sa reveni neseser avek zot kiltir

avek la kiltir avek zot bann prodiksyon.

Alor i tonm ankadre, kadreman anba zot divizyon pou zot anmenn sa *framework* legal, sa bann Polisi. So mon pe demande ki zot pe fer dan sa laliny si sa i en keksoz lo zot azanda, anvi ki la bann zafer vann lokal i en pti pe pa tro lo la, me selman aletranze kekfwa nou kapab fer bokou pli byen. Mersi.

### **MR SPEAKER**

Mersi. *Panel* lekel ki ti a kontan? Wi PS.

### **PS CECILE KALEBI**

Mersi Mr Chair. Mersi Onorab. Mon pou pran kestyon lo konsernan *Carnegie* ek *Theatre Des Palmes*. Konsernan *Carnegie* depi lannen pase nou ti'n *vacate* landrwa, pou nou konmans travay lo son plan renovasyon. Nou'n ganny en pe retar avek sityasyon *COVID* pou nou finaliz son *design*. Me selman travay i avanse nou espekte ki desito ki nou kapab ganny en *costing* pou son renovasyon nou ava kapab prezant avek ...

*(Interruption)*

### **MR SPEAKER**

PS eskiz mwan en pti kou. Dir mwan dan konmansman mon ti fer en lapel lo telefonn. Eski en telefonn in sonnen la? Lekel silvouple? Onorab Labonte leve e eskiz ou lekor silvouple fer sir ki i pa ariv ankor.

### **HON ANDY LABONTE**

Mr Chair avan mon debout ...

### **MR SPEAKER**

Non ale. Zis asize.

### **HON ANDY LABONTE**

Ok mon asize, me selman malerezman mon pa ti pe zwe ek mon telefonn. Zis mon'n tous li, ler mon'n tous li ki'n zis al otomatik. Mon *volume* an tou leka i fermen. Selman ou eskiz *Minister* pou sa, me selman mon pa ti pe zwe lo telefonn.

### **MR SPEAKER**

Eskiz nou tou.

### **HON ANDY LABONTE**

Mon eskiz Lasanble an zeneral.

### **MR SPEAKER**

Mersi. PS eskiz nou pou sa enteripsyon kontinyen.

### **PS CECILE KALEBI**

Wi parey mon ti pe dir nou espekte ava ganny en *design* avek en *costing* tre byento pou nou prezant avek Minister

Finans. Lo kote *Theatre Des Palmes* i ti'n deza ganny *tender* pou en proze renovasyon. Me ler travay in konmanse, nou'n war ki batiman i bezwen ganny restore.

E la nou pe travay avek enn de *expert* pou regarde ki mannyer nou kapab restor sa batiman. Travay i avanse e nou espekte *by Avril* osi nou pou kapab prezant nou *findings*.

Nou pe travay avek Departman *MLUH* e nou espekte pou kapab konmans travo tre byento. So nou osi nou vreman konsernen akoz i de batiman ki annan bokou valer istorik, ek arsitektir pou nou e nou ti a kontan nou osi war sa bann lokasyon i ouver e pe *operate*. Mersi.

### **MR SPEAKER**

Mersi. PS. Wi Mer.

### **MAYOR OF VICTORIA DAVID ANDRE**

Mersi Mr Chair. Mon ti a kontan osi zis an pasan dir ki teat nasyonal Mont Fleuri in ganny renove e i annan bann dernyen travo ki pe ganny fer lo son lafnet. Ki nou espere ver Septanm, Oktob i a kapab *operational*.

So sa i en nouveau lentere enportan e pozitiv. Kan ti kot i

konsern bann keksoz ki ou'n koz lo ki mannyer nou pou fer pou nou *export* nou kiltir. Donk deza i annan bokou keksoz ki pe ganny fer vertyelman en? E resaman la par egzanp i annan en legzibisyon - *well* aktyelman la i annan en legzibisyon vertyel ki pe ganny fer, ki'n ganny organize par *NAC*, lo bann lo anfen Byenal ki ti pou fer Byenal *Art* ki ti pou fer Sesel.

Prezan la pe ganny fer vertyelman sa i en keksoz enteresan ki pe pase. E dimoun atraver lemonn pou ganny sans war bann travay bann artis. E ou'n byen dir ki i annan bann mizisyen osi ki'n pran linisyativ. Mr Lionnet i enn, mon konnen.

I annan lezot ankor ki'n pran linisyativ pou konmans fer bann, bann travay pou vann online. E sa osi nou pe ganny, pe ganny siporte par Sosyete Drwa Noter SACS, akoz SACS osi i annan en rol enportan pou zwe ladan.

Pou fer sir ki bann lanmizik bann, bann travay bann artis i ganny, i ganny difize digital lo bann digital platform. Sovwala bann keksoz ki pe ganny fer e definitivman i bann keksoz i en keksoz lo nou azanda. Yeah mersi.

### **MR SPEAKER**

Wi Onorab si ou bezwen klarifikasiyon.

### **HON JOHN HOAREAU**

Wi zis vitman konmsi mon ti le komitman osi lo kote Departman Kiltir pou zot go towards bann *legal requirements* ki neseser pou zot kapab protez travay sa bann dimoun. Pa zis SACS me Departman Kiltir konman en konman en Departman la kiltir. Mersi.

### **MR SPEAKER**

*Panel i annan ki - wi Mayor.*

### **MAYOR OF VICTORIA DAVID ANDRE**

*Ok wi ou konnen Sesel nou annan, nou annan bann Lalwa Propriyete Entelektyel ki'n ganny met anplas. E an se ki konsern *patent, trademark, industrial design* bann œuvre artistik, lanmizik eksetera.*

Donk i annan bann Lezislasyon an plas prezan i en kestyon pou nou fer sir ki sa bann lezislasyon i ganny, i ganny i fonksyonnen ok. Par egzanp definitivman i annan lalwa ki kouver dwa doter.

Savedir bann dimoun ki pou kapab vann zot travay *online* oubyen lezot, lezot form zot annan proteksyon. E *not only* zot annan proteksyon par

egzant pou lanmizik zot kolekte osi bann dwa avek bann *users*. Sa i egziste *actually*. Mersi.

### **MR SPEAKER**

Mersi Mer. Onorab Espanon.

### **HON REGINA ESPARON**

Mersi Mr Chair. Bonzour Minis avek ou delegasyon. Mr Chair anba programm anba ‘*strategic priorities*’ in fer resorti ki *improve access to cultural services through decentralisation*. Mon krwar en, en *issue* ki Onorab Michel Roucou in touse.

Mon ti ava kontan konnen dan sa novo anafe pou kapab met an plas sa novo programm. Eski Mer Lavil i santi ki sa Bidze ki’n gannyen i ase pou li kapab omwen konmanse? Oubyen pou amplifye sa programm ki SNYC i deza annan?

Lo nivo lekol dan sa novo programm, bann novo programm kwa ki annan pou ki pou tous lekol? Parske nou konnen poudir nou dir si nou anvi en pye dibwa i pouw dwat i bezwen konmans depi ptiti.

Si nou anvi remet nou laspe kiltirel dan nou bann dimoun nou bezwen konmans li kot lekol. Eski i annan en programm ki pou tous lekol dan sa bann novo revizyon?

Parske dan lo nivo distrik nou bezwen, nou bezwen aksepte poudir i annan dimoun ki annan en kantite talan lo nivo kiltirel. Me zot in tant pou reste deryer akoz sa zafer lontan in al fer kiltir dan biro brans.

E bann dimoun ki pa ti asosye zot ek biro brans in tant pou reste deryer. Programm Kapatya ki ti ganny fer dan lepase i en programm ki’n ekspos en kantite talan.

Ti a bon konmsi ki nou annan nou enkli sa osi kot nou kapab ganny sa bann dimoun ki annan talan pou kapab ed nou dan lekol osi atraver kekfwa ECA pou kapab promouwar nou laspe kiltirel. Mersi Mr Chair.

### **MR SPEAKER**

Mersi Onorab. Minis i le adrese.

### **THE DESIGNATED MINISTER** **MR JEAN-FRANCOIS FERRARI**

Mersi Mr Speaker. Mr Speaker pou reponn kestyon Onorab lo Bidze. Onorab mon ava dir ou napa en Minister oubyen en Lazans, ki totalman satisfe avek son Bidze. Sirtou sa lannen. Akoz mannyer sityasyon in ete Gouvernman ek Minister

Finans in sey rod bann landrwa priyoriter pou zot finanse.

E i annan plizyer keksoz ki Departman, Departman Kiltir ti kapab fer. Parey i annan plizyer keksoz ki Departman Minister Lapes ti'n kapab fer me selman nou'n ganny sa kontrent bidzeter.

Parey zot konnen nou'n erit en sityasyon ki pa bon ekonomikman. Alors nou'n *trim down* en pe lo bann, lo bann depans. Me selman nou'n kit bann ki pli esansyel. E mon asire poudir lannen prosenn siport nou sa lannen. Lannen prosenn avek lagras, keksoz pe amelyore nou ava kapab konble sa retar ki nou'n gannyen e nou ava avans pli devan. E mon ava donn laparol PS.

### **MR SPEAKER**

Wi PS.

### **PS CECILE KALEBI**

Mersi Mr Chair. Mersi Onorab pou ou kestyon. An ki konsern angazman bann zenn ek zanfan dan programm kiltirel nou annan detrwa nou bann antite parey *Seychelles Heritage Foundation*, ki'n lans en seri *heritage clubs* dan en bon pe lekol.

Nou bezwen kontinyen travay ek bann lekol pou nou asire ki kekfwa parey klib

lanvironnman dan tou lekol i annan en, en klib leritaz, ki bann zanfan i fer bokou bann aktivite ki angaz zot pou konn lo zot kiltir aprann zot lakwizin tradisyonnelle. Zot ladans tradisyonnelle.

Nou osi annan kot mize ki dan vakans mize seksyon *library*, seksyon *National Arts Council* zot fer bokou aktivite pou zanfan dan vakans. E la nou ankouraz bann paran pou get bann lanons e reponn lapel anmenn zot zanfan. Akoz zot fer bann aktivite byen enteresan.

*Of course* i depan osi lo, lo sityasyon lasante e ki mannyer nou organiz sa bann aktivite sa lannen. Mersi.

### **MR SPEAKER**

Mersi. *Mayor.*

### **MAYOR OF VICTORIA DAVID ANDRE**

Mon ti anvi zis azoute letan nou pe koz lo bann programm lekol, i enportan parey ou, ou'n mansyonnen ki ledikasyon artistik ek kiltirel i konmans depi en pe pli zennaz. I pa neseserman zis bann aktivite en pti pe dan distrik avek bann zenn.

Me selman si nou oule nou, nou bann zenn nou bann zanfan i grandi i ganny en

ledikasyon konplet, mon krwar i enportan ki ledikasyon artistik. La mon pe koz ledikasyon mizikal ledikasyon *art*.

E en programm ki mon par egzant mon ti kommanse letan mon ti fek retournen sorti etidye. *Music education program* kot nou ti *train* bann dimoun pou annan en programm pou al *teach* lanmizik dan lekol.

E lanmizik ti form parti *the school curriculum*. Epi ti annan *extra curricular activities*. Be sa i enportan ki i, i ganny revwar. Akoz mwan i fer mwan sagren letan mon war poudir i sa programm pa pe mars parey i sipoze etc.

E mon'n ganny en lokazyon pou mon vin dan en pozisyon kot mon bezwen fer mon kontribisyon. E enn bann keksoz ki mon pou bezwen fer pou revitaliz sa programm, akoz ledikasyon artistik kiltirel pou nou zanfan pou nou pep i primordyal i tre enportan. Mersi.

## **MR SPEAKER**

Mersi panel. Onorab Pillay.

## **HON SEBASTIEN PILLAY**

Mersi Mr Chairman. Mr Chairman mon'n ekout atantivman deba, deba lo sa

*head* ti annan en Bidze ase konsiderab ler nou gete. Akoz i en Bidze aepre R57milyon. E mon lekspektasyon sete ki Departman Kiltir i al anba en Minister e i annan en reprezentasyon lo nivo *Cabinet Minis*.

E dan mon lenterpretasyon administrasyon, se sa ki ti pou donn li en permanans akoz i kapab prezan fer reprezentasyon pli o lenstans *leadership* pei pou bann keksoz ki enportan.

Me la nou pe ganny dir poudir i pou vin en antite anba biro Mer Lavil. E se pou sa rezon bomaten nou'n pran sa pozisyon. Akoz nou santi poudir i pa ki nou, nou pa siport biro Mer Lavil, me nou santi ki avek sa bann sanzman ki nou pe fer nou pe fer sa biro pran tro bokou keksoz pou li anmennen.

E ki inevitableman kanmenm nou pe vot en Bidze sa Bidze pou relevan *in the end of the day in terms of efikasite e performans*. E se pou sa rezon ki bann Manm lo mon kote nou'n pran, nou'n pran sa pozisyon. E i pa en pozisyon ki nou'n pran lo tou *heads*.

Akoz i annan plizyer *heads* ki nou'n siport keksoz ki

vin dan Lasanble. Mon pa krwar ki i devret annan en lenterpretasyon ki nou, nou pa oule siport bann Bidze, an relasyon sa ki pe ganny prezante dan Lasanble.

Me selman i annan en kestyon ki konsern mwan vizavi sa ki, sa ki'n ganny dir la. Se ki mannyer sa striktir ki zot pe ki nou, ki nou pe mazinen formen sa lenstiti pe mazinen formen, pou kapab retenir tou sa bann ki trouve dan sa Departman ozordi ki i annan en fonksyon dan sa Departman.

Akoz ler ou form en lenstiti i en keksoz pli *streamline* i pli pti. Eski Minis Dezinyen i dir nou ki pou bezwen annan bann *redundancies* ki bezwen fer dan, dan Departman Kiltir *going forward* ?

Eski pou annan bann restriktirasyon kot pou annan dimoun ki pou perdi zot louvraz oubyen ki pou bezwen ganny re deplwaye?

Tousala i bann kestyon pertinan ki nou bezwen ganny demande akoz ler nou regard premye programm gouvernans ek administrasyon i annan R18milyon anba sa programm.

E ladan pou *wages and salaries* nou annan apepre 5.2milyon, ki en logmantasyon lo, lo 2020.

E si nou swiv bann larestan programm bann alokasyon pou *wages and salaries* i ase sibstansyel, ki fer ki premye kestyon pou bezwen demann *Designated Minister*, se ki pou arive ek sa bann *staff* dan sa restriktirasyon ki ou pe propoze?

Dezyenmman i annan keksoz ki *DM* in dir ki fer mon ki fer mon en pe per ki ou a, ou a dir i napa vreman kantite *thought* ki'n ganny donnen lo sa bann programm. Par egzanp ler mon tann menm Mer Lavil avek *Designated Minister* koz lo sa bann programm, i pa leka si sa bann antite ki ou pe dir i fer sa bann programm ki sipoze fer sa bann programm marse.

E sa i fer mwan i fer mon enkyet ki nou pe pran kiltir e nou realize ki nou pe vin en *afterthought* e prezan nou pe donn li nou pe met li en landrwa. Akoz nou pa'n mazinen kote nou pou met li.

E pou mwan, mon pa konnen si nou kapab ganny en reasiran poudir i annan en plan konkret pou, pou kiltir.

E si sa plan anba sa restriktirasyon i enkli bann travay ki Departman Kiltir ti'n konmanse, me ki si nou a rapel byen anba administrasyon avan, problem ki nou ti pou annan se ki ou ti annan ou

bann Minister ki ti vreman *overloaded in terms of portfolios.* akoz ti napa sa kantite Minis.

E kiltir ti trouv li dan en Minister akote plizyer lezot Departman ki ti fer ki sa lanfaz pa ti ganny mete. Pou mwan, mon ti war li pli byen si nou ti fer ou vin Minis Kiltir. Ou ti en Minis Kiltir ou ti ava annan ou Departman Kiltir anba ou. E en lot dimoun ti ava Mer Lavil *ok?*

Mon pe get li koumsa si nou pe koz lo permanans se sa ki ti pou fer plis sans. Me i en kestyon ki mon pe demande mon pa la poudir Gouvernman ki i pou fer parey in fer kler pa mon parti ki dan Gouvernman.

Me mwan, mon pe rod sa ki meyer pou kiltir. Mon pa ti a kontan demen nou war nou dan en difikilte an relasyon avek kiltir. Mersi Mr Chair.

### **MR SPEAKER**

Mersi Onorab. *Mayor wi.*

### **MAYOR OF VICTORIA DAVID ANDRE**

Onorab mersi pou ou kestyon ou bann konsern. Me mon krwar sa deba sa ki ou pe koz lo la, la nou ava ganny sans pou nou koz ek li an detay. Me selman mon anvi fer ou konpran en keksoz tre kler.

Ou'n dir i ti a meyer ki mon vin en Minis Kiltir. Be mon

kapab dir ou ki Prezidan ti propoz mwan pou mon vin Minis Kiltir mon ti dir li non. Zisteman akoz pou vin en Minis Kiltir i en pos politik e mon pa ou le kiltir i kontinyelman ganny asosye avek politik.

Akoz pandan tou sa letan ki mon Sesel mon en artis monn travay dan Minister Kiltir e mon'n war zisteman defayans dan kiltir se ki akoz bann Minis. Ou annan en Minis ki vini ki annan en azanda i propoz serten azanda ;- en lot ki vini li i pa enterese ek sa i annan en lot azanda personnel i met laba.

So ale vini koumsa e i napa sa konsistans i napa sa permanans. E zisteman sa lenstitisyon ki nou pe kree la *regardless of* ki Minis ki vini dan 5an dan 10an, i pou annan sa kontinite pou la e sa permanans pou la. E se sa pou mon ki pli enportan ki tou. Vwala mersi.

### **MR SPEAKER**

Wi Minis i kapab azoute wi.

### **THE DESIGNATED MINISTER MR JEAN-FRANCOIS FERRARI**

Mersi Mr Speaker. Mr Speaker Onorab, eskiz mwan pou dezapwent ou, pou napa *redundancies.* Mon pa konnen kot ou'n ganny sa lide konmsi

ou'n vin la, ou, ou i en, mon pa konpran mon pa konnen kote. Mwan, mon pe, mon pe war poudir zot pe apros sa sanzman dan en fason totalman negativ ki zot pa devret fer.

*(Off-Mic)*

**MR SPEAKER**

Silvouple bann Manm i kapab aret bann konversasyon antre zot. Konsantre mersi in arive tou lede kote. Minis kontinyen.

**THE DESIGNATED MINISTER**

**MR JEAN-FRANCOIS FERRARI**

Si ou war, si i annan bann *increases* dan *salaries* dan *wages* sa se pou *long service, supplementary allowance, training, renewal contract* tou bann *staff* pe ganny garde Onorab. E i pa en kestyon ki Departman Kiltir pe ganny demanbre. Non.

Departman Kiltir pe ganny konsolide e pe fer li vin pli efektiv e pli efikas. Se sa ki nou pe rode. Nou pa pe - parey mon'n dir pli boner nou pa pe dir ou poudir napa sa, sa ki Mer Lavil pou propoze i pou *the perfect picture*.

Nou anvi vin kot zot pou zot osi ed nou. Be zot in pran

en latitud e fotespere sa ki ou avek, avek Onorab Cosgrow zot in deside lezot zot bann Manm ava swiv. Akoz zot anvi pran en lapros totalman negativ e zot pa anvi ede pou sa reisir. Alors ...

**HON SEBASTIEN PILLAY**

*(Off-Mic)*

**MR SPEAKER**

Bann Manm gard lord silvouple ! Minis zis *bypass* politik en pe - annou kontinyen.

**THE DESIGNATED MINISTER**

**MR JEAN-FRANCOIS FERRARI**

... vwala.

**MR SPEAKER**

Ou annan klarifikasyon Onorab? Silvouple Minister.

**HON SEBASTIEN PILLAY**

*Minister* mersi pou larepons e mon pa espekte en lot larepons avek ou Minis, akoz ou en Minis e ou en politisyen. E nou tou nou konn ou, ou kabare konman en politisyen ou'n asiz dan Lasamble.

E mon asire si ou ti asiz kot mon pe asize la oubyen obor mon la ou ti pou fer menm keksoz. Ou ti pou demann menm kestyon akoz sa bann kestyon i tous dimoun ki pe

travay dan sa bann Departman. I pa en kestyon lapros negativ i kestyon ou bezwen espekte ou ganny kestyon e ou konman Minis ou donn mon ou larepons.

*At the end of the day* mon, mon pa kapab sanz ki mannyer ou Gouvernman i deside deal avek sa sityasyon. Sa i pou *entirely up to* Gouvernman. Sa ki mon kapab fer se ki rod, rod leklersisman pou dimoun la deor ki'n anmenn zot konsern kot mon ki petet pa kapab ariv kot ou.

E ou, ou pou prezant sa bann konsern dan en fason ki dimoun a ganny en konprenezon. Mon bezwen fer kler Mr Chairman avek ou lendilzans, ki napa personn ki, ki negativ anver kiltir *ok?* Me nou annan pwennvi difere lo sa kote latab lo lafason lapros ki zot pe pran.

Nou annan Manm lo sa kote latab ki probableman pou siport sa Bidze, akoz zot krwar ki kiltir i bezwen kontinyelman ganny en Bidze. I annan Manm ki pou siporte. I annan Manm ki pa pou vote lo sa Bidze, akoz zot santi poudir sa striktir kot i annan en Departman kot napa en Minister, administrativman i fer ki en Departman pa egziste. Ou konpran ?

I annan sa bann pozisyon me i pa vedir poudir ki nou pa siport kiltir oubyen nou pe pran en lapros negativ. Akoz pou pran en lapros negativ, i pou mank respe pou bann staff ki travay dan sa Departman. E sa nou pa pou zanmen fer akoz in annan dan lepase dan Lasanble, tro bokou politisyen ki'n mank respe pou profesyonnel, ki'n vin dan Lasanble. Sa mon krwar en keksoz i bezwen vin kler. So ...

### **MR SPEAKER**

Bon mersi.

### **HON SEBASTIEN PILLAY**

Mr Chairman mersi. Mersi pou donn mwan sa lendilzans. Mon annan en dernyen, dernyen pwen Mr Chairman ki mon anvi fer avek ou permision. In annan en size ki'n souleve konsernan en sa i en size Polisi nasyonal *DM*, ki konsern e ou la petet ou kapab ed nou klarifye sa. Ki konsern aktivite mon krwar dernyen Manm in tous lo la briyevman ki konsern aktivite ki ganny fer sirtou dan bann lotel par bann etranze.

E bann lotel par egzanp fer vini zot prop lekipman, annan zot prop band eksetera, bann keksoz koumsa. Sa i en size Polisi e pou en Polisi *Cabinet* i bezwen desid lo la.

Eski Gouvernman pe pran sa an konsiderasyon? Par egzanp in annan konsern vizavi *Club Med* resaman i pou annan lezot konsern vizavi lezot landrwa.

E mon konnen Lasanble oparavan sirtou atraver Onorab Jany De Letourdie. E Onorab Chantal Ghislain lo nou kote zot in kontan anmenn sa pwen devan. So Minis eski ou kapab dir nou si sa i en konsern ki pou konmans ganny adrese, vizavi Departman Lanplwa ?

E ki ou kapab donn nou ou langazman konman *DM* ki ou pou anmenn sa pwen lo *behalf* Departman Kiltir lo *Cabinet*. Pou ki sa i ganny diskite ek Departman Lanplwa an relasyon avek *GOP* ki ganny donnen, pou bann *performers* oubyen bann aktivite *entertainment* ki ganny fer dan domenn touristik? Mersi Mr Chairman.

### **MR SPEAKER**

Mersi. Minis nou a zis adres sa dernyen pwen silvouple lo *GOP*.

### **THE DESIGNATED MINISTER MR JEAN-FRANCOIS FERRARI**

Vreman briyevman Mr Speaker. Sertenman akoz nou'n realize poudir ladministrasyon presedan in *fail* konpletman lo sa size. Zot pa'n kapab - zot

pa'n kapab met bann balizaz e fer okenn progre dan *recruitment* bann artis dan bann lotel.

E nou, nou'n fer li en priyorite pou nou fer sir ki la ler lotel i reouver tou bann artis i ganny sans. E mon krwar poudir Mer Lavil dan nou ti pe koze yer i annan serten lenformasyon ki i kapab reasir ou poudir keksoz pe sanze. Sanzman i bon, i pe arive e i annan, e bann artis pou benefisy. Mersi.

### **MR SPEAKER**

Mer Lavil ou annan keksoz pou azoute lo la? Wi.

### **MAYOR OF VICTORIA DAVID ANDRE**

Mon zis anvi reasir Onorab, ki sa bann lenformasyon ki ou pe dir mon'n verifye mon tyeke. E mon koz avek biro Imigrasyon pou regarde si i annan okenn *GOPs* ki pe donnen oubyen ki pou donnen pou okenn *entertainers* etranze pou vin *Club Med* par egzanp.

E in reasir mon ki napa okenn sa e mwan, mon pou swiv sa de pre ki bann artis Seselwa ki pou ganny priyorite pou *entertain* dan sa bann lenstitisyon. Mersi.

### **MR SPEAKER**

Mersi. Avek sa mon arriv a lafen entervansyon. Onorab *LGB* pa'n lev lanmen pou entervenir. Alor nou a pas lo vot pou Bidze. Bidze pou Departman Kiltir lo paz 623 ziska 631 pou en total R57milyon 83mil. Manm ki an faver lev lanmen silvouple. *Ok.* Madanm Clerk. Okenn Manm ki kont? Mersi Madanm Clerk.

Alor Bidze pou *Department of Culture* lo paz 623 ziska 631 pou en total R57milyon 83mil in ganny 25 vot pour. 0 vot kont. E 3 abstansyon. Alor mon deklare ki Bidze pou sa Departman in aprouve par Lasanble. Avek sa mon a dir Minis, *Mayor, PS*, asistan e *PS* These osi mersi pou zot partisipasyon. E nou ava pran en poz e nou a rezwenn 2er. Mersi.

**(BREAK)**

## **CREATIVE INDUSTRIES AND NATIONAL EVENTS AGENCY**

### **MR SPEAKER**

Bonn apre midi tou dimoun. Nou repran avek Bidze pou *Creative Industries and National Events Agency*. Mon annan ankor Minis Jean-Francois Ferrari *Designated Minister* e Mer Lavil David Andre. Apard

Mr These e Madanm Tamatave.

Lo kote *Creative Industries and National Events Agency*, nou annan ankor Mr Galen Bresson son *Chief Executive Officer* e Madanm Kiera Shioni son *Financial Controller*.

Bidze pou *Creative Industries and National Events Agency* i lo paz 632 ziska 637 pou en total R21milyon 590mil. Avek sa nou a envit Minis pou prezant Bidze.

## **THE DESIGNATED MINISTER MR JEAN-FRANCOIS FERRARI**

Mersi Mr Speaker. E bonn apre midi tou bann Manm. Mr Speaker *CINEA* i annan en manda pou ankouraz e fer promosyon, fer formasyon bann artis e kree bann kondisyon, pou ki bann prodwir kiltirel bann servis kiltirel i ganny met a la dispozisyon piblik atraver bann artis. E tou bann dimoun ki dan sekter biznes la kiltir.

E i en servis esansyel pou sey met dinamizm dan sa lendistri. E, i neseser ki a sa moman ki nou ladan ki nou, nou donn li bokou latansyon. Akoz pandan en pe letan malerezman avek problem COVID, nou'n pa'n war bokou bann events ki'n ganny fer.

Me selman parey nou dir bomaten nou pe antre dan en nouvo letap kot nou swete ki lepep Seselwa ava ganny sans ankor enn fwa zwenn ansanm e selebre nou, nou kiltir.

Alors devan nou, nou annan sa Bidze ki pou R21milyon. E mon ava prezant CEO Mr Galen Bresson ki la avek nou. E mon ava envit bann Manm pou fer zot bann komanter oubyen annan bann kestyon lo la. Mon krwar Mr Bresson i annan tou bann larepons ki zot ti a swete annan. Mersi Mr Speaker.

### **MR SPEAKER**

Mersi. Mon a konmans avek Onorab Monthy.

### **HON PHILIP MONTHY**

Mersi Mr Chair. Bonn apre midi ankor enn fwa Minis Dezinyen ek ou delegasyon sorti kot CINEA. Anba enn zot ‘current challenges’ mon remarke ki zot in met “reduction in use of international conference center.” Mon ti a kontan konnen - e apre mon konnen poudir i annan sa restoran anba ;- si sa bann facilite ti pe fonksyonnen si zot ti annan permision pou fonksyonnen pou bann fonksyon prive. E si wi ki kantite reveni ki zot in generate

pandan sa bann dernyen lannen sa dernyen lannen pase? Mersi.

### **MR SPEAKER**

Mersi. Mon a adres Minis ou a adres bann kestyon pou Mr Bresson CEO? A mwen ki ou lev ou lanmen? CEO.

### **CEO GALEN BRESSON**

Mersi. Bonn apre midi tou dimoun. Mersi Mr Chair. Bonn apre midi tou bann Manm Onorab. Lannen pase Onorab in zener R1.5milyon. Me selman pou ou lenformasyon an se moman restoran pou en bon pe letan la i pli i sant vaksinasyon pou nasyonal, ki nou’n agree avek Minister Lasante.

Me osi tin ariv en serten moman kot nou ti pe ganny ase bokou konplent ek bann patronn ki zisteman i demann landrwa pou servi, akoz landrwa ti pe koule aircon i annan problem. So that’s why i is stated as ‘unsatisfactory’ be in zener pa mal larzan dan lepase pou CINEA. Mersi.

### **MR SPEAKER**

Wi Onorab.

### **HON PHILIP MONTHY**

Zis en pti follow-up setadir avek Departman Lasante, zot ti

annan menm si ti annan sa bann defayans zot ti annan *go ahead* pou fonksyonnen konman en restoran? E ler ou'n dir mon 1.5 se restoran oubyen la sa *ICCS* anler ki'n zener sa bann reveni?

### **MR SPEAKER**

Yes CEO ou a klarifye.

### **CEO GALEN BRESSON**

Mersi Chair. Zis pou en pwen klarifikasyon. Nou annan en landrwa ki nou apel restoran me i annan son lakwizin ki nou pa servi sa. Akoz nou napa bann *fitted equipment* ladan pou nou servi. Nou annan son bout devan ki bokou dimoun i konnen i fer maryaz, i fer parti i fer bann fonksyon prive.

Me sa letan mon ti a kapab dir ou ki mon pa konnen si ou pe dir apre *COVID* ki'n antre, si nou ti bezwen demann Minister Lasante permision pou servi ?

Non nou pa ti ankor demande me *auditorium* kot dimoun i asize dan lasal li i tin ganny permision pou *operate* a en pwen, en moman letan ki keksoz ti *ok* pou servi e *social distancing seated capacity*. *That is auditorium* pa restoran. Mersi.

### **MR SPEAKER**

Mersi. Onorab Gill.

### **HON CHURCHILL GILL**

Mersi Mr Chair. Bonn apre midi Minis ek ou *panel*. Mon premye kestyon pou *CEO*, eski ou kapab dir mon dan sa Bidze ki fason apre ki programm ki ou annan pou Praslin an term kreativite?

Ek ou bann manda ki ou annan pou fer? Mon dezyenm kestyon ou'n osi mete pou ou *conducive infrastructure set-up* e si ou kapab dir ki kalite ki ou, ou ti pe anvizaze fer e kote? Mersi.

### **MR SPEAKER**

Mersi Onorab. Wi CEO.

### **CEO GALEN BRESSON**

Mersi Chair. Onorab mon pou fer en respons zeneral lo bann aktivite tou pa zis Praslin, La Digue me osi bann lot distrik. Pou zot lenformasyon i annan en nouveau mon krwar Mer Lavil in prezant en nouveau filozofi lo *Institute of Culture ce matin* lo ki mannyer i pou al deroule.

So sa i pou en programm ki mon krwar i pe ganny travay, i pe ganny travay lo la ki apre i ava ganny prezante parey in dir le *matin*.

Me lo kote nou CINEA napa nanryen dan Bidze dan sid pou okenn distrik pou le moman. Menm Festival Kreol

akoz *status quo* pei lo kote *COVID-19*. Me parkont ler ou dir *conducive infrastructure for the creative sector*, nou bezwen defini ki lendistri kreativ ki pa'n ganny vreman dan mon manda ki mon'n la ziska la ganny en Bidze i vreman *vast*.

E ozordi si zis permet mon zis pou pas lo la. Lendistri kreativ i pandan sa *COVID-19* lemonn antye montre mon en dimoun ki kekfwa ler in asiz kot lakour pa'n pran en liv pan get en film pa'n ekout en lanmizik.

So i montre en lafors e pouvwar lemonn kreativ. Me pou devlop li pou ariv lo sa nivo kekfwa bann dimoun ki'n get fim lo *NETFLIX* i konnen, ou bezwen pey en kotizasyon. E *NETFLIX* i aste film e la kote larzan i vini dan sa lemonn kreativ.

Soler nou isi Sesel nou dir nou le met sa enn lenfrastruktir nou bezwen met bann Polisi nou bezwen met bann Lalwa. Nou bezwen menm met bann enfrastruktir fizik, si ozordi nou le ki sa lendistri i vin or i promouwvar e i *feed* dan sa *bigger industry worldwide*.

Par egzanp *NETFLIX* ki ozordi i dir ou i fer film ozordi i pe antre dan kontinan Lafrik, pe aste en kantite film lo kontinan Lafrik. Me eski nou bann dimoun ki dan fim

lendistri fim lokal i annan sa enfrastriktir la ater? Se sa ki nou, nou pe regarde. Mersi Onorab.

### **MR SPEAKER**

Wi Onorab klarifikasyon.

### **HON CHURCHILL GILL**

Mersi. Mon ti le zis en pti leklersisman. Akoz mon konnen ler nou get gro portre e resours ki nou annan i normal pou nou war poudir i pa pe posib. Me selman mon santi nou devret *at least* konmans avek sa ki nou kapab fer.

Alors pou mwan, eski i annan sa posibilite kot nou kapab konmans lo sa ki nou kapab fer, sa ki dan nou kapasite pou nou fer, avan ler ki nou ariv kot sa pli gro portre.

Eski ou santi poudir sa i en keksoz ki *CINEA* i kapab konmans fer, pou nou petet a longer ditan ariv lo sa *ultimate goal* ki ou ti pe anvizaze arive? Mersi.

### **MR SPEAKER**

Wi CEO.

### **CEO GALEN BRESSON**

Mersi Chair. Mersi Onorab. I en pwen pertinan, akoz dan sa letan kot vreman nou napa aktivite popiler ki pe arive a la mas ti en letan oportin pou nou

pran e anmas *data* pou nou travay avek. E CINEA ti'n met en programm annefe i pa dan Bidze akoz i pa ti'n ganny, pan ganny aksepte akoz nou, nou annan problem nou Bidze.

Me bidzeter en keksoz ki nou pou al nou anvizaze fer menm anba lenstitisyon, mon pou sey pou sa azanda devan se ki nou appell en *mapping of the creative industry*. E sa i senpleman pas dan tou distrik pou konnen kwa ki egziste kwa ki annan dan tou sekter.

Nou pa koz zis lanmizik e lar vizyel nou koz tou sekter akoz i enportan pou nou konnen kot *grassroot* kwa ki nou kapab devlope demen ler ki keksoz i konmans mars byen, pou pouz devan.

Zis en legzanp si nou al La Digue bokou dimoun i al La Digue i kontan koz lo gato Kreol ki al aste laba. E mwan mon largiman ki mon dir bokou dimoun be ki mannyer keksoz ki nou lo Mahe nou abitye, ki nou pa kapab al rod en fason pou fer sa annan en pli long *shelf life*?

Biskwi Bourbon i pou nou wi i en keksoz kiltirel pou nou manze donn li en pli long *shelf life* anba *bio Seychelles* mon pa konnen – *I don't know* ki mannyer nou le koze. Me selman nou bezwen konnen

kwa ki egziste pou nou pous devan. Se sa lendistri ki nou anvi regarde.

E mon krwar i en keksoz i en legzersis ki nou bezwen fer e mon krwar sa lannen i en lannen ki nou bezwen fer li. Mersi.

### **MR SPEAKER**

Minis wi.

### **THE DESIGNATED MINISTER**

#### **MR JEAN-FRANCOIS FERRARI**

Wi de, de mo Mr Speaker. Mr Speaker mon ti a kontan zis *expand* en pti pe lo sa ki CEO in dir. E rappel bann Manm ki nouvo direksyon ki lendistri Tourizm pe pran se *cultural tourism*.

E pandan sa bann lannen sa bann mwan kot nou'n vreman anfermen lo nou menm akoz *COVID* nou'n war en kantite keksoz ki'n ganny prodwir, ki nou pa ti konnen poudir i pe ganny fer sirtou Praslin. Onorab Gill, Onorab Woodcock, plizyer keksoz in sorti Praslin bann *processing* ki zot fer avek bann fri bann legim tou bann diferan keksoz.

Sa se bann keksoz nouvo e nou bezwen kapab promot zot. Donk promosyon kiltirel i pa zis lanmizik i pa zis danse i tou sa ki nou ete. Alors mwan,

mon ti ava lans en lapel avek, avek tou bann Manm isi preznan dan Lasanble, pou ki ler nou pe reouver pei la annou nou tou sey gete o nivo nou distrik ki nou, nou kapab fer la kot CINEA pan ganny sa Bidze pa'n ganny sa le mwayen pou li vin fer.

Par egzamp si nou pe al fer dan nou, nou *CEO* in dir nou poudir napa plan pou Festival Kreol. Be tou distrik i kapab fer en pti keksoz kanmenm i pa en gran keksoz. Praslin i abitye fer son *culinary fair* kekfwa nou devret kapab konmans la konmela pou nou kapab fer byen sa bann keksoz.

So i en lapel, i en lapel pou ki pei li menm li i pran sa *relay* - i pran sa, sa linisyativ e li osi i fer son bout. Donk sa i en mon krwar i ava, i ava ede pou promot sa bann kreativite e osi pou anmenn en pe larzan dan pos bann dimoun ki'n, ki'n en pe soufer sa bann dernyen mwan. Mersi.

### **MR SPEAKER**

Mersi Minis. Onorab Romain.

### **HON GEORGE ROMAIN**

Mersi Mr Chair. Bonn apre midi Minis ek *panel*. Mr Chair mon kestyon i refer en pti pe lo Onorab Monthy ki ti pe konmans koz lo la. Kote ICCS mon vvar lezot 'current

*challenges' zot in mansyonnen* ki napa aktivite ki pe *go on* laba anvi parey mon'n tann *CEO* dir ki *aircon* pa pe fonksyonn byen.

Apre mon krwar in dir *building* pe degrade osi tou. Pou mwan i en pti pe fer lapenn ler ou regard en landrwa koumsa ki dan ou pei nou napa sa bann resours koumsa.

E nou annan enn napa *maintenance* ki pe ganny fer lo la. Mon pa konnen si kekfwa akoz napa larzan oubyen akoz administrasyon, avan pan vreman get ladan zot pa konn zot priyорите.

E preznan monn war en larzan anba *maintenance* R750mil eski si *CEO* i kapab dir nou sa larzan pe al repar *ICCS* si pou *ICCS*? Oubyen i ava eksplik nou lo la.

Apre mon dezyenm kestyon i en pti pe lo elektrisite monn war zot annan en R3.6milyon pou elektrisite si zot ti kapab elabor en pti pe lo la? Si sa i zis ki bor mon pa konnen si pou stad lanmizik ler i pou fonksyonnen, oubyen pou *ICCS* oubyen kot zot lofis. *CEO* i a elabor ankor en pti pe lo la ankor.

Apre mon'n war anba '*other use of goods and services*' kot zot dir '*facilities for events*.' Mon war i annan en R3milyon ankor la, si *CEO* i kapab elabor

en pti pe ankor lekel sa bann fasilité ki i pe koz lo la sa pou sa bann *events*. Mersi bokou Mr Chair.

### **MR SPEAKER**

Mersi Onorab. CEO.

### **CEO GALEN BRESSON**

Mersi Mr Chair. Mon a konmans avek premye kestyon. Mon ava al lo dezyenm elektrisite i pou *ICCS*, *ICCS* i en gro *building* e ler i ti ganny konstri tou son keksoz i preski santralize. So ler nou pe get pa mon ler nou *operate air condition* pou en landrwa i *actually* pe *operate air condition* pou landrwa antye. So that's why its a heavy cost in electricity e ki, ki nou bear every year.

Selman la in desann akoz nou pa'n tro servi me in desann bokou. Lo kote 3 - 700mil mon a pas lo la. 700mil ki nou pe fer si pou bann ki'n deza vin dan bann lasal *ICCS* plito bann room 1, room 2, room 3 and so on.

Sa bann landrwa i annan en pe rapor finalman nou annan en kantite rapor ki nou'n fer lo *ICCS*, i annan en kantite *moisture*, i annan *carpeting*. So nou pou konmans tir sa bann karpet, refer son *flooring* tir son bann twatir anndan, remet li azour sey fer li byen.

E osi son bann i annan bann Lafnet ki, kit i anpes sirkilasyon *proper circulation of air*. I sa bann keksoz koumsa dan sa 700mil ki nou *hope* nou a kapab fini atak *room 1 and room 2 by the end of* pandan lannen ki vini. Pou nou kapab met li azour ki i kapab fer li pli agreab pou bann dimoun ki servi li.

Lo kote sa 3milyon sa i pou *Expo 2020 Dubai*, *Expo 2020 Dubai CINEA* in *onboard* depi la metnan byento 4an ki nou pe prepar *Expo* e partisipasyon Sesel dan *Dubai Expo*. E sa i pou konmans le 01 Oktob 2021 ki sipoze konmans le premye Oktob *sorry* ti sipoze konmans le 20 Oktob 2020, me *COVID-19* pa ti kapab konmanse.

Me i pou konmans se lannen 2021 le 01 Oktob sa lannen e i pou fini an Mars fen Mars 2022 kot Sesel pou napa en stand i pou annan en pavillion. Savedir i pou annan en batiman ki i pou ekspos leksperyans Sesel dan tou son grander, dan son *green economy, blue economy*. E son labote divers ki i ofer. Mersi.

### **MR SPEAKER**

Wi Onorab Romain.

### **HON GEORGE ROMAIN**

Mersi Mr Chair. CEO si monn konpran ou byen lo kote elektrisite mon pan dir la zot met *aircon on* i resamble antye sa batiman i *aircon* pe fonksyonnen oubyen i sa. Mon korek? Be napa en fasilite ki ou met *aircon* kot ou vreman bezwen *aircon*?

### **MR SPEAKER**

CEO wi pou adrese.

### **CEO GALEN BRESSON**

Mersi Chair. Si mon met *aircon on personally* konmsi zis pou en landrwa? Nou annan ki nou'n kapab fer pandan lannen nou'n kapab met bann *split units* dan serten landrwa pou nou kapab mini, *minimise sa cost*. Me *by far*, bann *large area* parey *auditorium, lobby, restoran* i ankor *remain on the centralise system*.

So mon krwar nou annan en pe problem. E sirtou la osi ler monn koz lo sa zafer sirkilasyon ler i vreman, vreman enportan akoz mazinen sa *building* in fer plis ki 30an pase. E ozordi avek *COVID-19* fodre ki ou kit en bon sirkilasyon dan ou batiman akoz pou sanitasyon.

E parey zot konnen ozordi vaksinasyon, so restoran i *on*, i pe ganny servi. Nou bezwen kit tou bann laport ouver nou

bezwen kit me sa i en keksoz ki nou bezwen fer. Akoz sityasyon ki mannyer i ete pou pei e lemonn. Mersi.

### **MR SPEAKER**

Mersi. Onorab Lemiel.

### **HON SYLVANNE LEMIEL**

Mersi Mr Chair. Mon ti a kontan petet ganny en pti apersi avek CEO. Eski CINEA pe al annan okenn reform dan son striktir? E si wi eski sa pou annan okenn lefe lo zot manda ki zot pou desarze.

E mon ti a kontan konnen konbyen *staff CINEA* i annan ziska ozordi? E si dan zot striktir i pou annan okenn *staff or* okenn dimoun ki pou bezwen ganny *re-shuffle or* okenn sanzman an term zot mendev.

Mon'n tann ou dir avek Onorab Romain sa R3milyon anba '*events*' i pou *Expo*. Me i annan *under 'events'* zot annan de sonm enn en 3milyon enn en 200mil. Eski tousala i pou al pou *Expo or* de diferan keksoz?

Zot pe pey zot en *building rent* in ogmante sorti 679mil pou vin 805mil petet kote zot pe pey *rent* e akoz sa logmantasyon? Mersi Mr Chair.

### **MR SPEAKER**

Mersi Onorab. Yes CEO.

**CEO GALEN BRESSON**

Mersi Chair. Mon pou reponn en bout kestyon apre mon pou pas laparol avek Mer Lavil pou reponn en bout ou kestyon. Mon a kapab koz lo konbyen *staff* nou annan. Nou annan 43 *staff* anploye anba CINEA.

Lo kote 200mil i la pou *any other eventuality or events* ki pou annan, ki par egzanp nou osi *host* bann levensman ki kekfwa pei pou ouver, so i ganny mete la pou nou kapab servi sa 200mil non pa pou *Expo 2020*.

Sa *rental* came about akoz kondisyon ICCS ki nou ti anba la. Nou'n fer nou pa mwens ki senk rapor *SBS, Public Health*. Apepre en trwa, kat, trwa a kat rapor enzenyer lo sa *building*. Me ti'n arriv en moman ki nou ti bezwen mwan menm mon'n ganny afekte medikalman ki nou'n bezwen sorti.

E mon *still* pe ganny afekte *but at the end of the day* nou, nou'n pran en desizyon as nou'n kapab fer serten landrwa pare la, ki nou pou *vacate* sa *current rental* ki nou ladan. Akoz serten kondisyon in kapab *unable* nou la pou nou retourne lo baz kot ICCS.

So nou pou retourne *back to ICCS*. Sa bout ki nou pe *rent* an deor ki ou tin demande. Akoz avan ti 600mil pou serten

mwan be la i pou 1 mwan. So nou, nou pe rod en fason ki nou osi nou, nou korpose dan sa problemm larzan.

Me an dizan sa tousala in bezwen ariv pou en rezon ki nou'n *move*, me la apre ki nou'n fer serten landrwa *available* nou pou *move back to base* pou nou kapab kontinyen nou travay. Pou lo kote fitir CINEA son manda mon ava pas laparol avek Mer Lavil.

**MR SPEAKER**

*Yes Mayor.*

**MAYOR DAVID ANDRE**

*Yeah* bonn apre midi Onorab mersi. Dan sa nouveau *set-up* ki nou pe, nou pe plan definitivman CINEA i annan son rol. Akoz son rol i pou promouvwar *I mean* i pou plis lo kote parey in dir *creative industry*.

E i tre enportan ki letan nou pe devlop bann nouveau programm kiltirel non selman i annan sa kote ledikasyon sa kote partisipasyon. Me i annan osi sa kote komersyal ekonomik akoz nou anvi ki bann aktivite kiltirel i annan en retonbe ekonomik.

E la kot CINEA son rol i vin ankor pli enportan. I annan bann diskisyon bann dyalog ki nou'n fini *entamer* avek CINEA

avek *CEO* tou lezot dimoun dan bann Departman Kiltir. *Basically* ki mannyer nou pou reorganiz li ki pou fer li vin pli efikas e ki pou anmenn en rezulta e sirtou rezulta ekonomik.

Akoz *cultural industries* la nou pe koz lo fason ki nou pou vann bann prodwir kiltirel artistik. E sa i enkli bann keksoz partisipasyon aletranzé, ki mannyer nou pou vann bann keksoz *online*, e ki mannyer nou pou osi fer ki nou bann artis i annan en platform enternasyonal.

Akoz sa i en keksoz ki enportan e ki mwan, mon ti a kontan vwar arrive. E sa i pou anmenn en retonbe ekonomik enportan Sesel. Mersi.

### **MR SPEAKER**

Mersi Mer Lavil. Onorab Labonte.

### **HON ANDY LABONTE**

Mersi Mr Chair. Bonn apre midi Minis ankor enn fwa *Mayor* avek *CEO* e *panel* antye. Mon premye kestyon i baze lo *program 2* kot '*landscape and beautification*' kot mon vwar ti zero. E pou sa lannen mon war i annan en alokasyon 144mil?

Apre mon dezyenm kestyon i plizoumwen baze lo

*Budget Book* latab limero 2 kot *rental of music stadium* kot *current receipt*. 2020 mon war, mon ti war 804mil petet kwa ki zot ti lwe egzakteman?

2021 mon war in ganny prozekte 100mil. Me mon pli gro kestyon i vin plizoumwen, akoz i en gro konsern stad lanmizik pou zabitan La Rivière Anglaise. So i enportan pou mon fer sorti.

Nou konnen poudir ler stad lanmizik ti ganny inisyé son Bidze inisyal ti 6milyon 500mil apepre mon krwar. Ki finalman i annan apepre 40milyon ki'n fini ganny depanse lo la. Me still stad lanmizik pa ankor konplete.

E at the same time stad lanmizik i ti sipoze *soundproof* e i pa *soundproof*. I en *disturbance* pou zabitan La Rivière Anglaise. Alor mon kestyon se ki konbyen zot pe mazinen ankor pou zot met dan sa stad lanmizik ki possibleman i ava vin *soundproof*? Ki zabitan pa ganny *disturb or si non* i pou en problem. E an gro konbyen son kou total i kout nou pou sa stad lanmizik? Mersi.

### **MR SPEAKER**

Mersi Onorab. *Panel* lekel ki pou pran sa? *CEO* oubyen *Mayor*? Yes *CEO*.

**CEO GALEN BRESSON**

Mersi Chair. Onorab 144mil i ‘landscaping beautification’ of stad lanmizik. Lo kote bann reveni ki ou’n *highlight* lo 800mil i bann provizyon e prozeksyon ki nou ti pe dir nou pou kapab resevwar e anmase me malerezman nou pa’n zanmen ouver pou kapab anmas sa bann larzan. I bann prozeksyon bidzeter ki nou ti’n fer.

Lo kote konplisyon stad lanmizik in konplete mon, mon son total wi son total se apepre en 23 a R24milyon. Akoz i ankor annan *retainership* la, i akoz i si i annan okenn problemm la aprezan ou bezwen al ladan.

Me stad lanmizik i la i pe ganny servi annefe pou sant konman tes pou *COVID-19* pou la aprezan pou apepre 4 a 5 mwan. So si ou pe al fer ou bann *PCR test and so on* ou pe *travel* ou al laba konman en sant.

Me tou son bann fasilite dan term son lenfrastruktir *stage*, twalet piblik, *booth* pou vann tiket bann keksoz koumsa i la. E lo kote son filozofi *soundproof* mon pou demann leskiz Lasanble akoz mon pa ti la ler sa *initial concept* ti la ti ganny fer lo kote son, son *and so on*.

Me mwan, mon plizoumwen vin met antre ladan vreman tar pou, pou zis fer fini e met li azour ki mannyer i ete. *But* definitivman i en *open stage*. I pa *soundproof*, i *open stage*. I en *open auditorium* i pa en *closed auditorium*. Mersi.

**MR SPEAKER**

Minis wi ou azoute.

**THE DESIGNATED MINISTER****MR JEAN-FRANCOIS FERRARI**

Wi Onorab. Mon la mon pe get en lenfrastruktir ki apartir a Leta ki’n fer en kantite kontrovers dan son konstriksyon konbyen in koute, akoz i la. Me parey nou ti dir bomaten zanfan i ne fodre sonnyen. E i pa en move lenfrastruktir.

In ganny bokou dan son *design*, in ganny bokou siper avek bann artis zot menm. Donk bann artis i ase satisfe. Son nivo tapaz bann miray ki’n mete otour dernyerman apre bann novo tes i war ki i abzorb en pe plis, en pe plis tapaz. E i pa 100pourstan me selman *still* sityasyon i amelyor en pti morso.

Alors Gouvernman i anvi kontinyen gete ki nou kapab fer pou ki sa lenfrastruktir i ganny aksepte e ki i pa deranz bann

zabitan La Rivière Anglaise. So Gouvernman pou kontinyen travay lo la.

Akoz i enportan ki i ganny aksepte pou fer lenfrastriktir dan en vilaz i bezwen ganny aksepte par bann dimoun sa vilaz. Alors nou ava kontinyen travay lo la e, e nou, nou pa ankor annan en, en *sustain amount of events* ki pou ki ganny fer. Ler i ava konmanse nou ava war vreman ki lanpler bann difikilte ki i annan.

Me an atandan mon krwar ki mon, mon ti ava *advise* ou konman en *MNA* pou La Rivière Anglaise *embrace* sa lenfrastriktir. Pran li konman en keksoz ki kapab anmenn en aktivite ekonomik dan ou distrik, e annou gete ki mannyer nou kapab servi o maksimonm. Mersi.

### **MR SPEAKER**

Wi Onorab kestyон.

### **HON ANDY LABONTE**

En pti kestyон siplemanter. *Regarding* sa 144mil parey ou pe koze *regarding* 'landscape' 'petet ler zot fer landscape pran konsiderasyon dan son zalantour an zeneral. Akoz mon krwar i ti kapab ganny pli byen fer. Akoz i annan en pe *issue regarding* sa *landscape*.

Apre *in terms of* stad lanmizik li menm li Minister pou et fran onnet mon poudir ou zabitan La Rivière Anglaise pa ti vreman - i pa pou zanmen apresye ki i kontinyen annan tapaz. Akoz mwan, mon reste Ma Joie anler lo montanny premye tes ki ti fer kot mwan anler konmsi sa lanmizik ti zwe anler kot mwan.

Alor mon ti a swete ki petet mwan menm mwan lo kote distrik avek en group nou kapab annan en vizit laba en, en dyalog. Petet pou nou gete kwa ki nou kapab fer ki pou ki, ki finalman zabitan i a santi poudir i en keksoz ki zot kapab aksepte.

Me selman pou le moman pou et fran zabitan pa pe aksepte pou annan en selebo dan zot distrik en *disturbance* tapaz. Mersi.

### **MR SPEAKER**

Mersi. Wi Minis ou ti a kontan adrese?

### **THE DESIGNATED MINISTER**

#### **MR JEAN-FRANCOIS FERRARI**

Wi. Non zis poudir avek Onorab ki mon krwar ki mon kapab koz lo lapar *CINEA*, ki i ava - zot ava apresye annan en konversasyon avek *MNA* enn de bann dimoun *DA* distrik.

E me osi dir ou ki sa programm *beautification* plant bann feyaz bann keksoz koumsa, i osi form parti dan rod en pti pe solisyon ki mannyer pou abzorb sa bann tapaz sa bann keksoz koumsa. I pou pran en pti pe letan, me selman annou met nou zefor e mon krwar kekfwa nou a kapab arrive. Mersi.

### **MR SPEAKER**

Mersi. Wi *Mayor*.

### **MAYOR OF VICTORIA DAVID ANDRE**

Zis en pti mo rekonfor. Se ki resaman mon ti annan en, en miting avek detrwa sa bann dimoun ki *involve* dan biznes lanmizik, mon pe koz ou bann dimoun ki bann *producers* ki fer bann spektak eksetera.

E zot ti montre zot lentere osi pou, pou *join* nou, pou zot kapab fer sa stad en landrwa ki zot kapab servi, e ki mannyer nou kapab minimiz bann problemm ki kapab poze.

So nou annan bokou dimoun ki pare pou zwenn pou, pou fer li marse e ki pou annan mwens lenkonvenyans pou lezot dimoun. Mersi.

### **MR SPEAKER**

Mersi *Mayor*. Onorab Vidot.

### **HON AUDREY VIDOT**

Mersi Mr Chair. Mr Chair mon, mon annan plito en sizesyon ki mon anvi fer avek CINEA. Baze lo kestyon ki Onorab Gill in poz avek CEO e letan ou'n reponn li an referans avek sa novo normal.

Petet lafason ki zot bezwen revwar pou zot re konekte avek bann artis ki an bann kominote e war ki mannyer zot kapab ede promot zot bann prodwir. E lo sa bout mon ti ava rekomande ki petet nou valoriz teknolozi.

Prenon kont ki nou annan bokou artis parey dan mon distrik Roche Caiman. Mon konnen madam Marie Clarisse i annan bann zoli prodwir ki i pe konmans fer. E petet i bezwen sipor pou li kapab donn piblisite e ankouraz lokal pou war son bann prodwir.

E ki mannyer zot kapab promot li konman en artis lokal. War atraver petet ankouraz zot mon konnen SBC ti fer sa byen dan letan *COVID* kot i fer bann dimoun poste bann pti *videos* petet zot atraver CINEA si zot annan en zot paz *Facebook* oubyen atraver en sistèm an plas ki zot kapab anvoy zot bann *video* oubyen portre bann travay ki zot pe fer.

E osi zot ava ganny en bon lo bann kantite travay e

prodwir ki nou bann artis pe fer dan kominote. Kot zot e kapab donn zot sa piblisite e osi parey mon'n dir montre poudir nou bann artis i ankor pe debourye zot pe travay e zot bezwen sa siper.

Akoz zot, zot pe mank petet bann resours e war ki mannyer atraver bann kalite prodwir ki zot pe fer ki bor lazans oubyen Konsey i kapab antre pou donn zot en koudmen. Mersi.

### **MR SPEAKER**

Mersi. *Panel* in note. Okenn remark lo la? Korek *ok* nou a pas lo Onorab William.

### **HON WAVEN WILLIAM**

Mersi Mr Chairman. Mr Chairman mon pou sey *focus* mon trwa kestyion lo en size. E, pou mwan, mon ti a kontan etablir baz mon kestyion avan.

### **MR SPEAKER**

*Ok* korek zis pa fer li tro long Onorab *carry-on*.

### **HON WAVEN WILLIAM**

Wi mon ti a kontan demann avek Minis Dezinyen avek Mer Lavil an menm tan CEO. Par lefe nou, nou pe bezwen prêt larzan pou nou kapab ganny sa maksimonm *budget* ki nou

bezwen depanse pou lannen 2021.

E letan mon pe get anba '*major achievements*' e mwan, mon anvi sey ganny en konpran avek *CEO* lo sa *Dubai Expo* la. Konbyen nou pe al depanse eski sa i neseser ? E ki, ki *dividends* sa pou anmenn nou? Akoz Gouvernman in dir i pe koup tou bann zafer voyaz. Si i kapab eksplik nou kantite i ale.

par lefe ki nou konnen i annan diferan bann groupman dan Sesel pe fer bann promosyon. So ki vreman nou pou al gannyen avek sa kantite larzan ki zot pe al depanse si zot pe al sa lannen en ?

Akoz nou dir be *ground* tou dimoun anpes bann zafer voyaz. Eski i neseser par lefe ki nou pe war osi ki i annan en bon pe bann artis ki pe ganny en bon pe problemm pou zot kapab fer debout zwenn. E menm bomaten Mer Lavil in dir nou koumsa poudir be i ti a kontan fer lavil vibran.

Mon ti ava demande be akoz nou bezwen al depans sa larzan laba deor, ki nou pa pran sa larzan nou depans li Sesel fer lavil vibran ouswa ed en pti pe lo kote bann aktivite ? Mon ti a kontan en lesplikasyon.

Pou mwan, akoz mon pe sey balanse konmsi mon pa pe

ganny en konpran fransman dir zot. Mersi.

### **MR SPEAKER**

Mersi Onorab. *Panel lekel ki ti a kontan adrese? Wi CEO.*

### **CEO GALEN BRESSON**

Mersi Chair. Mersi Onorab. Annefe ler mon ekout kestyon poze par Onorab, mon krwar byento nou pou vin dan medya pou eksplik *Expo 2020 Dubai* e son retonbe pou pei. Akoz *Expo 2020* pou *Dubai* i pa zis en manifestasyon kiltirel.

Deza *UAE* in depans plis ki \$1.5milyon lo depans zis ek pei Sesel pou fer sir ki nou laba. So 3milyon konpare ek desote \$1.5milyon pou nou paviyon laba en kantite larzan. So i en *country decision to be at Expo 2020*.

*Expo 2020* i en i sel platform ki ziska la ki mon krwar lemonn antye pou vir son *focus* lo la ler i vin an Oktob, pou sa diversite ki i pou al monte anba trwa term soutenabilité nou, nou anba *sustainability forum*. I annan sitan kantite *forum*.

Mon a donn ou en legzanp Onorab par egzanp *right now* i annan oportinite pou bann biznes atraver *Expo 2020* biznes Seselwa pou kapab al *Dubai*

pou ouver laport *Dubai* dan diferan *field*.

Depi konstriksyon, tourizm pou *operate* pou *expand* zot biznes. E mon krwar en keksoz ki nou bezwen la. E sa i vin avek en kantite retonbe kot par egzanp *through Expo* si ou partisip dan sa programm bann biznes ki pou tonm dan sa kategori e ki anvi si i ale i pou ganny bann VISA, landrwa reste tousala *at reduced cost* pou en peryod 2an. Pa 1 mwan, 2 mwan, 2an.

So konpleksite *Expo* pou bezwen ganny eksplike a en lot *forum* me i pou krwar ki mon pe sey dir menm 3milyon i pa pe tonm i pe depans dan administrasyon. Akoz nou bezwen *run* en *stand* en *pavillion* pou 6 mwan. Tou bann fre reste pou bann Seselwa ki pe al travay laba, *meaning* landrwa reste apartman pe ganny peye par *UAE*.

Zot tiket nou annan serten kantite tiket ki nou pe gannyen *free of charge* e i still annan serten keksoz ki nou, nou bezwen zwenn. Se sa ki sa 3milyon pe *cater*.

Me mon kapab anvoy en rapor konplet e detaye lo *Expo* pou tou Manm Lasable pou zot kapab ganny en enplikasyon egzakteman *what is Expo*.

E mwan osi avek permisyon Minis avek Mer Lavil, mon pare pou mon vin eksplik egzakteman kwa *Expo* dan tou son konpleksite e son detay dan *forum* dan Lasanble Nasyonal.

### **MR SPEAKER**

Mersi CEO. Wi Onorab.

### **HON WAVEN WILLIAM**

*Yeah* mon kestyon pa'n ganny byen reponn Mr Chairman. Par egzanp ki kantite dimoun lo kote CINEA ki ale kantite artis ki ale? Epi an menm tan, mon pe ekout ou ankor koze lo zafer *anyway* mon'n, temwanny en bon pe bann *Expo*. Lefe ki UAE i en bon zanmi pou Sesel, mon ti pou demann avek Mer Lavil ouswa Minis Dezinyen, si i pa kapab fer zot tir sa pti depans ki nou annan pou fer. Lo lapar nou'n fer en bon kontribisyon si zot kapab tir sa lo nou.

Akoz konmsi pou mwan i en pti pe mon war li en pti pe vreman pa tro, tro normal. Par lefe ki nou, nou'n dir serten keksoz, me prezan la nou pou bezwen al fer sa bann depans kan nou annan lezot bezwen priyorte, ki nou bezwen *deal* avek dan pei.

I pa vedir ki mon kont sa *Expo* me selman par lefe ki nou

bezwen al depas sa larzan la dan sa moman difisil, sa ki mon problem. Mersi bokou.

### **MR SPEAKER**

Wi Minis ou a adrese.

### **THE DESIGNATED MINISTER**

### **MR JEAN-FRANCOIS FERRARI**

Onorab mon krwar an plis ki bann lesplikasyon ki CEO in donnen mon krwar nou bezwen regard sa depans konman en lenvestisman. Si nou regard li konman en lenvestisman nou pou i pou pli fasil pou nou war son benefis.

Par egzanp lenvestisman dan *tourism marketing*. Enn bann keksoz ki nou'n dekouver e CEO STB ti pe eksplike resaman lo televizyon, se ki nou bann marse touristik in vin en pe pli pre. Akoz sa bann tradisyonnal Lerop i anba stress en kantite e nou bezwen get dan larezyon.

E mon'n ganny eksplike ki lakantite dimoun ki pou sorti dan larezyon depi, depi dan Lenn an montan *Azerbaïdjan* partou dan tou sa bann pei ki pou vin *Expo*, i pou konsiderab. Alors en lenvestisman pandan 6 mwan *ok* ki fer, ki fer R500mil par mwan, ki pa ni menm lanmwatye ki nou peye par 1

semenn dan *World Travel Market Lonn.*

Alors i en lenvestisman e sa pou *tourism* i en lenvestisman pou biznes parey *CEO* in dir ki bann dimoun pou ganny bann *subsidise rates* ganny ankouraze pou al laba pou al fer bann kontak biznes.

Mon konnen dimoun i dir poudir mon enn sa bann kalite, kalite dimoun ki ti annan lanm razwar dan son pos. Mwan osi mon pa tro kontan mon parey ou mon.

Mon pa tro kontan konmsi nou pe flanbe dan en moman kot sityasyon i difisil. Me selman mon krwar i annan en konsansis lo nivo nasyonal, ki si i annan en landrwa ki nou pa devret fer lekonomi la, oubyen ki nou devret pe met en pti pe plis larzan se dan promosyon Sesel.

E pou nou atrakte non selman bann touris tradisyonnéle me bann dimoun ki reste *Dubai* ki reste *Abu Dhabi* ki reste dan bann *Qatar* dan sa bann rezyon pou zot kapab vin depans en pe larzan Sesel.

Alors *from an investment point of view* mon pa pran mon parol konman en laverite absoli akoz mon pa en ekonomis. Me selman mon krwar poudir pou annan bann benefis. Mersi.

### **MR SPEAKER**

Mersi *panel*. Onorab Pillay ou pa'n lev lanmen ou. Ou napa okenn kestyon oubyen? Wi. Ou ti'n lev lanmen Onorab? Eskize mon pan war ou. Onorab Samynadin.

### **HON KELLY SAMYNADIN**

Mersi Mr Chair. Bonn apre midi *CEO, PS* e tou dimoun a lekout. En bonn apre midi spesyal pou nou de dimoun lo panel de zabitan Au Cap Minis Dezinyen e nou Mer Lavil.

Mon kestyon i konsern bann teknisyen *ICCS*. Mon konnen ki an se moman nou dan en sityasyon ekonomikman kritik. Me sa bann dimoun i ti a kontan zot konsern i ganny ekoute. Avek evolisyon ki annan dan domenn teat ek *show industry, training* i touzour reste en laspe esansyel.

E kot *ICCS* i annan teknisyen ki'n la pandan en kantite letan. Dapre lenformasyon ki mon'n gannyen zot in plizoumwen ganny bann *training on the job*. E i menm annan ki'n bezwen fer resers lo zot menm pou zot kapab konpran e delivre zot louvraz pli efikas.

Dan *breakdown* anba *creative industries* mon vvar ki i napa alokasyon dan Bidze pou

*training.* Donk pou benefis sa bann travayer mon ti a kontan konnen ki *CINEA* pe anvizaze fer pou asire ki zot bann *staff* i ganny *training* neseser an vi ki sa i en gran konsern pou zot?

E dezyenmman an term lekipman ki provizon ki pe ganny fer akoz sa bann ki deza la in vye e ki vi ki napa alokasyon dan Bidze si nou kapab ganny en leksplikasyon lo la silvouple? Mersi.

**MR SPEAKER**  
CEO wi.

**CEO GALEN BRESSON**

Mersi Chair. Lo kote *training* mon krwar anba nouvo filozofi *Institute of Culture* i pou en *training* ki ganny regarde ler sa lenstiti i vini. Me pou sa lannen malerezman pou napa okenn *training*.

Me lo kote lekipman nou annan serten lekipman R60mil ki nou'n met de kote i pa bokou, me sa i sirtou lo bann keksoz ki nou bezwen servi ;- par egzanp *microphone* keksoz ki nou vreman bezwen servi la ler nou, nou konmanse.

Me i pa en gran depans akoz si nou et realistik avek *ICCS* lekipman ki la, si nou pe al fer lenvestisman nou pou bezwen nou minim, minim 1.5milyon.

Son, lalimyer 3an pase mon ti fer sa legzersis zis pou lalimyer ti pe ariv nou 1.2milyon. La i 3an, 4an apre in bezwen i pou annan son bout ki pou monte. So mon panse ankor anba lenstiti kiltirel ler i a vini, nou pou bezwen reget zisteman lo lekipman ki mannyer nou pou bouz devan lo sa domenn.

Me pou le moman i reste parey i ete menm lo kote *training* ki nou pa pou kapab fer nanryen pou le moman. Mersi.

**MR SPEAKER**

Wi Onorab Pillay ou annan laparol prezan.

**HON SEBASTIEN PILLAY**

Mersi Mr Chairman. Bonn apre midi. Bonn apre midi tou dimoun. Mr Chairman Bidze *CINEA* i en, i 21.5. R21.5milyon e ler nou met li avek Bidze Departman Kiltir ki li i ti 57milyon i fer apepre 68milyon e ler nou azout Bidze *Mayor Victoria* e bann lezot satelit ki pe vin ankor, nou pe regard en Bidze pres apepre 85, 86milyon, apepre.

E i kapab en pti pe pli mwens en Bidze konsiderab. So petet kestyon ki mon annan pou *DM* se eski ou Gouvernman pe realiz lenportans annan en kad administratif for, otour

annan onnetman lo *FPAC*, ou'n war bann sityasyon ki'n arive dan bann lezot sirkonstans atraver bann rapor.

Mon pa krwar poudir letan ou vin Minis ou'n sanz sa kantite ki ou pa pe regard sa bann keksoz. Eski ou pa krwar i neseser ki nou annan serten kad administratif kler e for, pou asire ki si nou pe met sa kantite larzan anba en lenstiti, i bezwen annan en striktir ki konparab pou son *management*?

E akoz sa i neseser pou ki ou pa annan e ou ek mon nou konn tre byen bann *areas* kot apre ou war bann *discrepancies* e ou *end up* avek zisteman en lot stad lanmizik oubyen en lot sityasyon koumsa?

Mon dezyenm kestyon an relasyon avek serten *cost* ki *CINEA* i annan, sa bann *cost* pou reste parey *whether* ou al avek lenstiti *or whether* ou reste konman *CINEA*, akoz sa i bann kou serten koperasyonnel ki ou bezwen pe peye ;- tel konman elektrisite, tel konman sa. Serten Manm in demann sa bann kestyon me ki, ki plan zot annan pou redwir en pe sa bann *cost* lo *CINEA*?

E sa larzan i ava al ver devlopman bann programm olye al pey bann atraver bann peyman *rent utilities* bann keksoz koumsa. Ki, ki

programm zot annan pou *trim* en pe *the fat* an se ki konsern bann depans ki zot bezwen fer an relasyon avek sa?

E mon trwazyenm kestyon petet Minis pou reponn e i pou, i poudir mon menm keksoz parey taler, me mon bezwen demann li sa kestyon. Nou konnen pou annan sanzman e restriktirasyon avek sa propozisyon ki pe vin devan. Mon pa pe *jump the gun*.

Me eski i pou annan ler nou pe koz sa bann sanzman, *staff* akoz nou konnen *CINEA* i anploy en kantite dimoun dan domenn teknik. Ki fer travay teknik, sa bann dimoun eski zot pou gard zot bann lanplwa zot pou kapab gard zot, zot travay ki zot pe fer?

En dernyen pti pwen ki sa mon konnen pou anvoy kot *PS Finans* Mr Chairman avek ou, ou permisyon. I still annan sa size *fungus* ki'n *come up* avek, avek *ICCS*. E sa ki bann *staff* laba i oule konnen si eski zot osi zot *involve* dan sa *issue* konpansasyon pou *fungus*? Mersi Mr Chairman.

### **MR SPEAKER**

Mersi. *CEO* ou a kommanse.

### **CEO GALEN BRESSON**

Mersi Chair. Mon pou reponn enn dan sa bann kestyon lo

kote *streaming, slim down* deza rental pou redwir. So it won't be much of the picture for the rest of the year.

Dezyenm lo kote *revenue* nou pe fer nou pe *beef up* nou pou kapab fer bann *the revenue sources* pou sa, pou landrwa. Menm si anba sa novo lenstitisyon.

Me parkont pli boner Onorab kestyon ti demande lo kote 700mil son lenplikasyon, en keksoz ki nou pe sey fer dan bann lasal se met *split unit*. Akoz la ozordi par egzanp serten lasal i *still operate as one*. Nou anvi ki ler nou refer bann lasal nou met *split unit* ki nou tir sa *main aircon system* ki kout nou *quite a bit* pou run.

So nou annan en vizyon lo ki mannyer nou anvi e ki nou anvi fer. E definitivman avek bann rapor ki'n sorti si nou kapab konmans serten travay mazer.

Part sa lannen nou pou war bokou plis reveni ki antre dan sa lendistri atraver par egzanp *ICCS* e la mon lans en ankor en lapel ki mon'n lanse plizyer fwa. Mon profit sa lokazyon bann lenstitisyon gouvernmantal sirtou. Kot oparavan zot, zot annan en gran, gran mon dir kontan pou zot al dan bann lotel pou fer zot bann konferans zot bann

seminar. CINEA i annan lasal zot ti kapab servi me zis zot pa'n vini.

So la mon servi sa pou lans en lapel ki ozordi kekfwa i ava ganny servi en pti pe pli byen. Akoz apre tou napa en *auditorium* ki kapab annan ki *hold* plis dimoun dan Sesel, olye ki ou al dan en lotel pran en kourt, met anba latant dimoun, *ICCS* i kapab pran dimoun konfortableman pou bann seminar e konferans.

So i bann keksoz ki nou pe i bann *revenue line* ki *substancial* ki nou kapab anmenn plis reveni dan sa lendistri. Mersi mon a pas laparol avek Minis avek Mer mersi.

### **MR SPEAKER**

Wi Minis.

### **THE DESIGNATED MINISTER**

#### **MR JEAN-FRANCOIS FERRARI**

Mersi Mr Speaker. Mr Speaker mon adres sa kestyon lo kad administratif ki, ki Onorab *Leader Lopozisyon* e Onorab Cosgrow in leve pli boner.

Mr Speaker i mon pa konpran ki mannyer nou pa kapab annan en diferan kad administratif e i marse. Akoz Onorab Pillay pe dir avek nou ki nou devret met kiltir anba en

Minister parey tou bann Minister. E sa i ava ede dan zeson larzan piblik eksetera. Mwan, mon annan de komanter se zisteman anba bann striktir koumsa ki 500, \$50milyon dolar in disparet. Sete anba bann sistenm Minister, sete anba sistenm Minister ki *bill* elektrik *bill* telefonn in ariv R100mil.

Tousala i annan sa bann keksoz in arive *ok*? Alors nou, nou pe sey rod en fason pli innovativ e pli, e pli efikas pou zer larzan piblik. E mon konnen poudir enn bann sousi enn bann preokipasyon ki Mer Lavil Mr David Andre i annan, apre ki Prezidan in demann li pou reflesir lo sa striktirasyon, se pou annan en striktir ki efikas e ki larzan piblik i ganny proteze a tou moman.

Donk mwan, mon ti a konpran e mon repet ankor mon ti a konpran ki sa travay i ganny donnen sans reisir. Akoz si nou pa donn li en sans pou li reisir i pa pou reisir.

Mon kontan ki taler menm ler *Leader Lopozisyon* i fer sa bann pozisyon son parti pan swiv li zis li avek Onorab Cosgrow ki annan sa pozisyon. So annou kontinyen, non be Onorab Loze li tou fason i kont tou keksoz li. So napa problemm.

*(laughter)*

**MR SPEAKER**

Ale Minis. Kontinyen.

**THE DESIGNATED MINISTER**

**MR JEAN-FRANCOIS FERRARI**

Alors mon krwar ki mazorite dimoun dan Sesel i anvi war sa lorganizasyon reisir e mwan mon annan plen konfyans ki atraver bokou konsiltasyon bokou refleksyon sa keksoz pou arive.

Alors mon dir avek bann travayer annan konfyans, napa personn ki pe ganny nou'n travers sa moman pli difisil dan nou listwar. Nou'n kapab anmenn sa bato e la ozordi i pe koste ek por avek lagras parey mon dir, detrwa pasaze i a kapab sot ater nou a kapab rekonmans nou lendistri. Pei pe re demare.

So annou annan konfyans annou pa les nou ganny anbete par bann ki mannyer nou dir sa parey bann sanson lasirenn. Bann keksoz ki kapab distract nou.

Annou avanse dan avek konfyans e avek sertitud ki i annan bokou dimoun ki pe travay pou met sa pei drwat. Mersi Mr Speaker.

**MR SPEAKER**

Mersi. En pti moman ti annan pwen ki *Mayor* ti pou adrese avan sa oubyen?

**MAYOR OF VICTORIA DAVID ANDRE**

Zis mon ti a kontan dir en keksoz. Mon krwar i enportan ozordi nou'n ganny sa sans pou konmans inisyé sa, sa novo proze ki nou pe vin avek napa zis en fason fer keksoz dan lavi i annan plizyer fason. E sa novo konsep ki nou pe vin avek i pa en keksoz ki'n ganny pe ganny tay avek.

I en keksoz ki pe ganny ki'n ganny byen prepare e ki pe konstaman annan dyalog avek tou bann partner kle dan Departman Kiltir e osi an deor bann artis bann tou dimoun ki *involve* dan *creative industry and all*.

Akoz finalman sa ki nou oule, nou oule en keksoz ki meyer pou Sesel. E mon krwar sa ki pli enportan i napa en azanda politik partizan oubyen endividyal pou serten group dimoun.

I en keksoz ki Sesel pou benefisyé e parey Minis Dezinyen in dir mon krwar i enportan pou donn sa sans. E e mon pou byen kontan pou vin devan pou vin prezant sa proze

an detay avek zot konmsi mon a ganny sans war egzakteman.

Akoz o depar menm bann dimoun dan Departman Kiltir ti en pti pe *apprehensive*. Me selman letan mon koz ek zot nou'n dyalogue nou'n war e zot tin konpran sa sityasyon.

E vreman zot in, zot in akey sa vreman byen e mon ti a kontan remersye zot pou sa. E mon ti a kontan osi partaz sa leksperyans avek tou dimoun dan Lasamble *at some point*. Mersi.

**MR SPEAKER**

Mersi. Wi *any* mon krwar sa size ki'n leve i annan en diferans lopinyon lo la. E mon krwar sa i toutafe normal nou en lenstitusyon politik i annan en diferans dan en kote ek en diferans dan lot.

Selman soz pou *approval* Bidze nou pa bezwen al eternelman lo la nou bezwen aksepte ki i annan diferans. Onorab Pillay.

**HON SEBASTIEN PILLAY**

Mersi Mr Chairman. Mr Chairman mon apresye ou bann komanter. E mon'n apresye bann komanter Minis Dezinyen. Me selman i enportan mwan menm mon pou rod serten klarifikasyon lo

serten keksoz ki Minis Dezinyen in dir.

Premyerman an se ki konsern ou, ou lopinyon an lo sa size \$50milyon ki'n disparet ki ou'n koz lo la. Sa ki mon bezwen dir ou *Designated Minister* se ki tou lenformasyon i dan ou Gouvernman, e ki bann dimoun dan ou Gouvernman ki konn tou keksoz lo la ozordi.

E i en pe tris ozordi mon war ki mannyer petet pouwvar i konmans sanz en pe ou, ou lopinyon lo serten keksoz. Me ankor kekfwa mon ava nou ava gete si pouwvar akoz i paret ki tou lenformasyon ti avek lo 50milyon. Me ozordi zot pa kapab dir nou kot i ete. So sa i en keksoz ki ou pou bezwen rekonsilye e *Designated Minister*.

Dezyenmman an se ki konsern sa size R100mil or *whatever bill* telefonn mon parti pa kapab pran responsabilite pou sa ki en endividé i fer. Napa personn la anndan ki'n fer en *bill* telefonn mont ziska R100mil.

E mon krwar i enportan konman sa dimoun ki *lead* sa *Caucus* dan Lasanble dan en lavwa dan en fason vreman *dignified*. E san lafreyer mon dir avek ou poudir nou, nou pa stand pou koripsyon.

Napa personn ki la ki stand pou koripsyon napa personn ki krwar dan koripsyon. E i enportan osi pou ou analize se ki mwan, mon pa lead en diktatir dan Lasanble mon. So si en Manm i *free* pou li vot mannyer i anvi i kapab vot mannyer i anvi.

I fer dezyenm fwa ou fer referans mannyer mon bann Manm i vote. Mon apresye sa, me mon realize poudir ler nou ti fer referans avek mannyer ou Manm ti vote ou ti leve ou ti kit latab ou ti ale ou.

*(Interruption)*

### **HON SEBASTIEN PILLAY**

So mon krwar en kantite keksoz in sanze. E petet en dernyen pwen.

### **MR SPEAKER**

Silvouple en pe lord. Wi Onorab Pillay nou kapab retourne lo Bidze *please*.

### **HON SEBASTIEN PILLAY**

En dernyen pwen *well* mon, mon le retourne lo Bidze be selman - Ou konnen toulstan mon mazin ou konman ou sipoze dezyenm dan sa parti, me mon konnen ou trwazyenm. Mon mon pe zis met devan ou Mr Chairman ki ou konnen sa

ki ou'n dir i byen. E mon apresye sa ki ou'n dir i pou annan en diferans lopinyon byensir i pou annan en diferans lopinyon. Akoz mwan, mon pe get li *from* mon leksperyans administrasyon e ou pe get li *from* leksperyans en novo ladministrasyon.

Ou'n demann ek nou lo sa kote pou donn zot letan pou zot enplimant sa keksoz. I malere selman ki an 2017 ler Mr Danny Faure ti demann ou menm letan ou ti kategorikman refize ou.

Ou konnen mannyer ou ti dekrir li, ou ti dekrir nou konman en skorpyon lo ledo en torti. So mon pa pou servi sa term avek ou. Mwan sa ki mon poudir ou sa, sa ki mon poudir ou se ki Gouvernman i annan loportinite pou li enplimant son bann prosedir pou li enplimante.

Me selman nou swete, nou swete Mr Chairman konman Chairman FPAC ki zeran larzan piblik i a ganny fer dan meyer fason posib. E ki *whoever* ki ganny loportinite pou zer sa, sa lenstiti i ava kapab annan loportinite pou li kapab zer li, me pa ganny ankonbre dan en kad ki anpes li kapab pran desizyon.

Mon remersi ou pou ou lendilzans e ou pasyans Mr Chairman.

### **MR SPEAKER**

Wi nou'n al ase long lo la. Nou'n fini? Ok. Tre byen. Onorab Georges ou annan.

### **HON BERNARD GEORGES**

Non, non Mr Chair. Mon ti anvizis dir nou karavann in fini pase. Mersi.

### **MR SPEAKER**

Mersi. Mon apresye tou travay ki nou'n fer. E mon ava appell bann Manm pou vot lo Bidze ki devan nou. Pou *Creative Industry and National Events Agency* ki lo paz 632 ziska 637, pou en total R21milyon 590mil. Manm ki an faver lev lanmen silvouple? Ok Madanm Clerk. Wi okenn Manm ki kont, lev lanmen? Mersi.

Alor vot lo Bidze pou *Creative Industry and National Events Agency CINEA* lo paz 632 ziska 637 pou en total R21milyon 590mil in ganny 23 vot pour 0 vot kont e 3 abstansyon. Mersi. Avek sa nou'n pas Bidze pou CINEA.

I annan trwa antite ki tonm anba sa kategori Lar e Kiltir ki le de kote bann Sef Caucus in dakor ki zot ki nou pa bezwen debat lo la. Enn akoz

zot Bidze i ase ptipti, zot bann pti lorganizasyon e zot manda in etabli e zot Bidze i ase kler e napa nanryen ki Manm i tro anvi kestyion lo la.

E alor nou pran vot lo sa trwa antite zis pou zot pou nou met zot annord. Premye i *Seychelles Heritage Foundation* ki lo paz 643 ziska 647 pou en Bidze R6milyon 374mil. Manm ki an faver vot lo sa Bidze lev lanmen silvouple? Mersi okenn Manm ki kont lev lanmen?

Vot lo Bidze *Seychelles Heritage Foundation* lo paz 643 ziska 647 pou en Bidze R6milyon 374mil in ganny 26 vot pour 0 vot kont e 1 abstansyon. Alor sa Bidze in aprouve par Lasanble.

Dezyenm i *Creole Institute of Seychelles* ki lo paz 638 ziska 642 pou en total R5milyon 943mil. Manm ki an faver lev lanmen silvouple. Mersi okenn ki kont. Vot lo Bidze pou *Creole Institute of Seychelles* lo paz 638 ziska 642 pou en total R5milyon 943mil in ganny 25 vot pour 0 vot kont e 2 abstansyon. Alor sa Bidze in aprouve par Lasanble.

Trwazyenm *National Arts Council* lo paz 648 ziska 652 pou en total R8milyon 974mil. Manm ki an faver lev lanmen silvouple? Mersi Manm kont ? Vot lo Bidze *National Arts*

*Council* lo paz 648 ziska 652 pou total R8milyon 974mil in ganny 24 vot pour 0 vot kont e 3 abstansyon. Alor mon deklare sa Bidze in ganny aprouve par Lasanble.

Non i en pe drol ki ozordi nou pe termin boner *PS*. *PS* in mank mon krwar nou ranpli nou *time table* ozordi. Be nou dir li mersi kanmenm. E alor nou pou *adjourn* la nou a repas dan Staz Lasanble pou nou *adjourn*. E mon a swet zot en bonn apre midi ase boner dan lakour pou ozordi. E nou a zwenn demen bomaten 9er. Mersi nou *adjourn*.

### **(ADJOURNMENT)**